

四部
備要
史部

二十四史
(六)

宋

史
(四)

032

中

行

元中書右丞相總裁脫脫等修

列傳第一百九

苗授子履 王君萬子瞻 張守約 王文郁

周永清 劉紹能 王光祖 李浩

和斌子旣 劉仲武 曲珍 劉閔

郭成 賈崑 張整 張蘊

王恩 楊應詢 趙隆

苗授字授之潞州人父京慶曆中以死守麟州抗元昊者也少從胡翼之學補國子生以蔭至供備庫副使王詔取鎮洸授為先鋒破香子城拔河府羌雖敗氣尚銳輒圍香子以迎歸師詔遣將田瓊救之瓊死乃簡騎五百屬授授奮擊敗之休士二日羌復要於架麻平注矢如雨衆懼授令曰第進毋恐旣牌數百且至行前者傳呼羌驚亂力戰數十斬首四千級又破之於牛精谷取珂諾城盡得河湟地知德順軍三遷西上閣門使寇章寇河州詔授往一戰克撤宗論功第一遂知州事加四方館使榮州刺史從燕達取銀川降木征獻之京師加引進使果州團練使涇原都鈐轄召使契丹神宗勞之曰曩香子之役非汝以寡擊衆幾敗吾事以為秦鳳副總管徙熙河復知河州副李靈討生羌於露骨山斬首萬級獲其大會冷鷄朴羌族十萬七千帳內附威震洸西拜昌州團練使龍神衛四廂都指揮使徙知雄州熙州元豐西討授出古渭取定西蕩禹滅

花麻諸族降戶五萬城蘭州遇賊數萬於女遮谷登山逆戰敗退伏壘中半夜遁去授躡天都山焚南牟屯沒烟凡師行百日轉鬪千里始入塞授遇事持議不苟合初在德順或議城錢南授曰地阻大河糧道不濟非萬全計也役即止師征靈武詔令援高遵裕即條上進退利害甚切歷進步軍副都指揮使威武軍節度觀察留後元祐三年遷武泰軍節度使殿前副都指揮使躡歲以保康節度知潞州提舉上清太平宮復使殿前堯年六十七贈開府儀同三司諡曰莊敏子履

履束髮從戎授之降木征也履護送至京得閤門祗候歷熙延渭秦四路鈐轄知鎮戎軍及其父時已官四方館使吉州防禦使矣以事竄房州起為西上閣門副使熙河都監又責右清道率府率監峽州酒稅元符初悉還其官以熙河

蘭會都鈐轄知蘭州詔同王瞻取青唐與姚雄合兵討崦羌遂羅結瞻將李忠戰敗羅結大集衆宣言欲圍青唐履雄將至羌死陣以待勢其威履叱軍士納弓於韃拔刀而入羌怙巢穴殊死鬪梟將陳迪王亨輩皆反走履獨駐馬不動有酋青袍白馬突而前手劍擊履帳下王拱以弓格之僅免復繞出履背欲斷

軍為二別將高永年率所部力戰數十合羌退乘勝圍蘭宗堡弗能拔日暮收兵入營羌宵潰明日縱兵四掠焚其族帳而還既而阿章叛詔履與种朴過河討蕩辭以兵少朴遂陷錄履前功擢龍神衛四廂都指揮使成州團練使知慶州徙渭州進捧日天武都指揮使是後史失其傳子傳在叛臣傳

王君萬秦州寧遠人以殿侍為秦鳳指揮使王詔開邊青唐大會龍門歸國獨別羌新羅結不從經略使韓縝期諸將一月取之君萬詐為獵者逐禽至其居稍相親狎與同獵乘間搗之墜馬斬首馳歸以獻甫及一月積功得閤門祗候王師定武勝首領藥廝逋邀劫于闐貢物帥師討焉君萬出南山履險略地羌潛伏山谷間忽一騎躍出橫矛將及君萬亟側身避之回首奮擊斬以徇其衆驚號相率聽命所斬乃藥廝逋也復破北關南市功最多擢熙河路鈐轄進

領英州刺史達州團練使賜絹五百洸西羌叛圍河州君萬請於王詔以為南撤宗城小而堅疆勇所聚若併兵破之圍當自解詔用其計圍果解累官客省使為副總管坐貸結羅錢數萬緡為轉運使孫洵所糾貶秩一等討西山鐵城有功復故官職君萬怨孫逋使番官木舟訟之鞠于秦隴又貶為鳳翔鈐轄籍

家貲償逋遂以憤卒子瞻瞻始因李憲以進立戰功積官至皇城使領開州團練使元符中知河州熙師鍾傳以言白草原賞獄治于秦詔轉運使張詢論諸將得自首瞻具伏增首級因說詢云青唐人有叛瞻征意可取也詢信之即具奏言已令瞻結約起兵哲宗與輔臣罪其狂妄專輒亟罷詢而命孫洵究實獄上奪瞻十一官猶令領

州贖欲以功贖過，乃密書取青唐之策，遣客詣章惇言狀。惇下其事於孫路，路以為可取，贖遂引兵趣邈川路。知贖狡獪難制，使總管王愨統軍而以贖副。贖為前鋒，度河先下隴，朱黑城忌愨分其功，給之曰：「晨食畢，乃發，愨信之。夜半，贖忽傳發，平明入邈川，據府庫，徑上捷書，不以白軍府。愨過午始至，以事訴於路，路亦怒，諷以兵柄付愨，而留贖屯邈川。宗哥舍舍欲脚求內附，贖遣裨將王詠率五千騎赴之，既入而諸羌變，詠馳書告急。王厚使高永年救之，乃克。贖與愨交訟，又訴路指畫相違，惇主贖而不直，路曰：「首謀者贖也，路欲掩其功，故抑贖。乃徙路河南，罷愨統制，以胡宗回為帥。時贖征已來降，青唐戍將惟心牟欽鈇父子百餘人在，贖不即取，二羌遂迎溪巴温之子隴揆入守，始孫路乞先全邈川及河南北諸城，然後進師。贖怨路，因言青唐不煩大兵可下，而路逗遛失機會，暨宗回至，乃云夏人謀攻邈川，當為守備。青唐未可取，宗回責其反覆。日夜督出師，遣使威以軍法，且聲言欲使王愨代將。贖懼，急進攻，隴揆及心牟等皆出降。贖入據其城，詔建為鄯州，進贖四方館使，榮州防禦使，知州事。黃履謂賞薄，乃拜維州團練使，為路鈴轄。贖縱所部剽掠，羌衆攜貳心，牟等結諸族帳謀復青唐。其在山南者先發，贖遣將李賓領二千騎掩襲心牟以下，自守西城與羌鬪，賓踰南山入保敦谷討蕩，羌戰敗奔北。四山皆空，贖戮心牟等九人，悉捕斬城中羌，積級如山。初，贖諷諸酋籍勝兵者，淫其臂，無應者，錢羅結請歸帥本路為唱，贖聽之去，遂嘯集外叛，以數千人圍邈川。夏衆十萬助之，城中危甚，苗履姚雄來援，圍始解。已而王吉魏、劍利朴相繼敗沒，將士奪氣。書聞，帝震駭，於是轉運使李諫、秦希甫劾贖盜取二城財物，因此致變，又殺心牟，欽鈇以滅口。曾布言：「贖創造事端，以生邊害，萬死不塞，責詔貶右千牛將軍。房州安置，言者論之不已。熙河又奏青唐諸族怨贖入骨髓，日圖報復。樞密院乞斬贖以謝一方，詔配昌化軍，行至穰縣而益，崇寧初，蔡京入相，錢通訟贖功，及王厚平鄯廓，於是追贈保平軍節度觀察，留後除其子珏通事舍人。」

張守約字希參，濮州人。以蔭主原州，截原峯，招羌酋水令逋等十七族萬一千帳，為廣南走馬承受公事。當儂寇之後二年，四詣闕陳南方利害，皆見納用。歐陽修薦其有智略，知邊事，擢知融州。峒將吳儂恃險為邊患，捕誅之。修復薦守約可任，將帥為定州路駐泊都監，徙秦鳳，居職六年，括生羌隱士千頃，以募射手，築硤石堡甘谷城，第功最多。夏人萬騎來寇，守約適巡邊與之遇，不解鞍，蘭兵五百逆戰，衆寡不侔，勢小卻。夏人張兩翼來，守約挺身立陣前，自節金鼓，發彊弩殪其酋，敵遂退。神宗開拓熙河，召問曰：「王韶能辦事否？」對曰：「天威臨之，當無不濟，但董氈忠勤效順，恐不宜侵逼，因請名古渭為軍，以根本隴右。帝從之，建為通遠軍，加通事舍人。熙河鈴轄，仍統秦鳳，羌兵駐通遠，河州羌率衆三萬屯于敦波，欲復舊地。守約度洮水擊破之，取窖粟食軍。羌老弱畜產走南山，左右欲邀之，云可獲萬萬，守約曰：「彼非敢迎戰，逃死耳。」輒出者斬，鬼章圍岷州，守約提敢死士鳴鼓張幟，高山上賊驚顧而遁，遂知岷州，降其首領千七百人。遷西上閣門使，知鎮戎軍，徙環州，募家族，誦佞難制，搖動種落，勒兵討擒之。餘遁入夏國，守約駐師境上，檄取不置，居數日，械以來，斬於市，從征靈武，至清遠軍，言於高遵裕曰：「此去靈州不三百里，用以前軍先出，直搗其城，今夏人以一方之力，應五路之師，橫山無人，靈州城中惟僧道數百，若裹十日糧疾馳，三日可至，軍無事矣。」又勸高遵裕令士衆護糧餉，以防抄掠，不聽。果以敗還，守約有捍海南賊平之功，亦不錄。進為環慶都鈴轄，知邠州，徙涇原，鄜延秦鳳副總管，領康州刺史。夏人十萬屯南牟，畏其名引去，知涇州涇水善暴城，每春必增治隄堰，費不貲，適歲饑，罷其役，或曰：「如水害何？」守約曰：「歉歲勞民，甚於河患，吾且徐圖之。」河神祠故在南塢，禱而還，諸北以殺河怒，一夕雷雨，明日河徙而南，其北遂為沙磧，以龍神衛四廂都指揮使召還，道卒，年七十五。守約典七州皆有惠愛，可紀神宗嘗謂武臣可任者，以燕達、劉昌祚、姚麟、王崇極、劉舜卿等對，其後皆為名將，時稱知人。

王文郁字周卿，麟州新秦人，以供奉官為府州巡檢，韓琦薦其材，加閣門祇候。麟府駐泊都監熙寧討夏國，文郁敗之吐渾河，其將香崖夜遺使以劍為信，欲舉衆降，許之，旦而至，與偕行，衆情忽變，謀以出，文郁擊之，追奔二十里，據險大戰，矢下如雨，文郁徐引度河，謂吏士曰：「前追彊敵，後背天險，韓信驅市人且破。」

趙況爾曹皆百戰驍勇邪士感奮進擊夏人大潰降其衆二千遷通事舍人夏人踰屈野河掠塞上文郁追至長城坂盡奪所掠而還神宗召見問曰向者招納香崖羣議不一其爲朕言之對曰此乃致敵上策恨未能多爾並邊生羌善馳突識鄉導儻能撫柔之所謂以外夷而攻外夷也帝於是決意招納多獲其用知文郁善左射并招其子弟闕肆殿庭文郁九發八中詔官其二子知鎮戎德順軍預定洮河遷左驥驛副使知麟州夏衆踐稼襲敗之部使者劾爲生事奪郡印未幾爲熙河將李憲討靈武文郁得羌戶萬餘遷路鈐轄夏人圍蘭州已奪兩關門文郁募死士夜縋而下持短兵突賊即掃營去擢東上閣門使知蘭州諜知夏人將大入清野以俟果舉國趨皋蘭文郁乘城禦之殺傷如積圍九日而解收其尸爲京觀加榮州團練使以捧日天武都指揮使爲副都總管以殿前都虞候知河州築安西城金城關進秦州防禦冀州觀察使卒年六十六

周永清字肅之世家靈州州陷祖美歸京師永清以蔭從仕宰相龐籍言其忠勇加閣門祇候押時服賜夏國至宥州夏人受賜不跪詰之恐而跪遷通事舍人渭州鈐轄渭兵勁而陳伍不講永清訓以李靖法帥蔡挺嘉其整圖上之詔推於諸道知德順軍夏衆入寇擊擒其酋呂效忠又募勇士夜馳百里擣賊巢穴斬首三百級俘數千人獲橐駝甲馬萬計城中無知者並禁禁地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力徙秦鳳鈐轄河北沿邊安撫副使知代州契丹無名求地朝廷命韓縝分畫永清貳焉入對言疆境不可輕與人臣職守土不願行固遣之復上章陳利害竟以母病辭歷高陽關定州涇原路鈐轄知涇州保州又爲定州路副總管終東上閣門使

劉紹能字及之保安軍人世爲諸族巡檢父懷忠官內殿崇班閣門祇候元昊叛厚以金幣及王爵招之懷忠毀印斬使洎入寇力戰以死錄紹能右班殿直賜以名爲軍北巡檢擊破夏右樞密院黨移賞糧數萬衆於順寧夏人圍大順城紹能爲軍鋒毀其柵至奈王川邀擊於長城嶺熙寧中又敗夏人於破囉川

皆策功最累遷洛苑使英州刺史鄜延兵馬都監舊制內屬者不與漢官齒至是悉如之仍以其子襲故職元豐西討召詰闕神宗訪以計對曰師旅遠征儲備不繼爲大患若俟西成後因糧深入乃可以得志帝以爲然命統兩軍進討紹能世世邊將爲敵所忌每設疑以間之帝獨明其不然手詔云紹能戰功最多忠勇第一此必夏人畏忌爲間害之計耳紹能捧詔感泣嘗上議速對按驗卒無實守邊國四十七年大小五十戰以皇城使簡州團練使卒

王光祖字君俞開封人父珪爲涇原勇將號王鐵鞭戰死好水川錄光祖爲供奉官閣門祇候熙寧中同提點河北刑獄改沿邊安撫都監進副使界河巡檢趙用擾北邊契丹以兵數萬壓境造浮橋如欲度者光祖在舟中對其衆盡徹戶牖或謂契丹方陣而以單舟臨之如不測何光祖曰彼所顧者信誓也其來欲得趙用耳避之則勢張吾死不足塞責已而契丹欲相與言光祖即命子襄往兵刃四合然語唯在用襄隨機折塞之其將蕭禧遽揮兵去且邀襄食付所戴青羅泥金笠以爲信卽上之時已有詔罷光祖矣吳充曰向非光祖以身對壘又使子冒白刃取從約則事未可知宜賞而黜何以示懲勸乃除真定鈐轄徙梓夔渝獠叛詔熊本安撫而命內藏庫使楊萬成都鈐轄賈昌言梓夔都監王宣與光祖同致討皆受本節度本疑光祖不爲用分三道進師使光祖將後軍出黃沙坎北發日已暮士以杖索塗相挽而前夜半抵絕頂質明瞭望見大駭一鼓而潰萬等困於松谿又亟往援出石門啟其險促黔兵先登襲賊賊舍去光祖夜泊松嶺上旦始遇萬等與俱還本愧謝上其功第一吐蕃圍茂州光祖領兵三千會王中正破鷄宗關賊據石鼓村扼其半道中正召諸將問計光祖獨請行既抵石鼓擇銳兵分襲吐蕃背出其不意皆驚遁遂會中正于茂瀘夷乞弟殺王宣詔從韓存寶早決戰不聽林廣至復從征蕩其巢窟積功至四方館霖雨不止光祖勸存寶早決戰不聽林廣至復從征蕩其巢窟積功至四方館使知瀘州置瀘南安撫使俾兼領邊事聽顛決遷客省使嘉州刺史歷涇原河

東定州路副總管卒
李浩字直夫家本綏州徙西河浩務學通兵法以父定陸從軍破儂智高韓絳

城囉兀領兵戰賞堡橫川殺大首領訛車多移斬首千三百餘級積官供備庫副使廣西都監袁西北疆事著安邊策謁王安石安石言之神宗召對改管幹麟府兵馬未行又從章惇於南江引兵由三路屯鎮江入遂州討舒光貴破盈口柵下天府會于洽州入懿州蠻會田元猛元詰合結伶拒官軍浩分兵擊之殺結伶降元猛元詰遂城懿州進討黔江蠻復城黔江惇上其功謂不當與他將比擢引進副使熙河鈐轄李憲討山後羌浩將右軍至合龍嶺會戰遣降羌乞囉輕騎突敵帳俘其酋冷鷄朴李密撒賊三千遷東上閣門使為副總管知河州安撫洮西五路大舉浩將前軍復蘭州遷引進使隴州防禦使知蘭州兼熙河涇原安撫副使坐西關失守及報上不實再貶秩旋以戰吃囉兀并連立功復之哲宗即位拜忠州防禦使捧日天武都指揮使馬軍都虞候進黔州觀察使歷郵延太原丞與環慶路副都總管再知蘭州卒贈安化軍留後

和斌字勝之濮州鄆城人選隸散直為德順軍指揮使凡五年數扞敵被重創十餘知軍事劉兼濟以兄平敗沒執送京師并逮其家斌慰安調護為高金帛他所密告兼濟勿以家為恤平冤既伸兼濟獲免家賴以全定川之役將曹傑喪所乘馬斌輟騎與之且戰且行與俱免狄青南征使部騎兵為前鋒青駐賓州十日以怠寇既乃倍道兼行斌以兵疲於險利在速戰即日度關鑿賊歸仁驛孫節死斌引騎血戰繞出賊後遂敗之師還張破賊陳形於殿廷仁宗拊勞擢文思副使權廣西鈐轄改秦鳳廣西以蠻事乞留秦州亦請之詔留廣西累歲徙涇原召對議者謂交州可取斌咸言有害無益願戒邊臣無妄動神宗數曰卿質直如此乃知兩路爭卿為不誣矣進帶御器械渭部饑帥王廣淵命吏賑給斌曰救之無術是殺之耳廣淵以委斌斌擇地營居養視有法所活以萬數安南入寇復徙廣西累遷皇城使昭州刺史撫水蠻羅世念犯宜州守將戰死斌提步騎三千進討方暑晝夜趣兵至懷遠寨曰此要害之地得之則生或曰奈何背龍江邪笑曰是所以生也因示弱驕之蠻果大至斌選將迎敵戒以過之則走誘至平坂列八陣以待之張疑兵左右山上蠻登嶺望見始大驚斌分騎翼其旁自被甲步出為眾士先殊死戰蠻大敗世念率會黨四千八百內

附遂以樂州團練使知宜州遷西上閣門使知邕州以老請遷除高陽關副總管歷承興軍路召拜龍神衛四廂都指揮至步軍都虞候卒年八十贈寧州防禦使斌老於為將以恩信得邊人心嶺南珍貨一無所蓄邊吏欲希功造事皆憚不敢發或巧為譏報啟費亦必折其姦謀故所至無事士大夫稱之子誥以蔭為河北副將累官至右武大夫威州刺史知雄州上制勝強遠弓式能破堅於三百步外邊人號為鳳凰弓進相州觀察使在雄十年頗能偵敵重賈攻燕召誥計事悅之分麾下兵俾以副統制從師道軍于白溝旬有二日而退追兵至北風大雨雹師不能視契丹以背盟誹責薄暮始得還於是賈以契丹尚威未可圖勅誥覘候不實貶濠州團練副使筠州安置誥始與取燕之謀見事勢浸異則又以為不宜取故平燕肆赦獨不得還後復官卒

劉仲武字子文秦州成紀人熙寧中試射殿庭異等補官數從軍累轉禮賓使為涇原將夏人謀犯天聖堦渭帥檄諸將會兵約曰過某日賊不至即去仲武謀得的期乞緩分屯帥不樂但留一將及仲武軍如期而敵至力戰却之遷皇城使熙河都監復湟川進東上閣門使知河州吐蕃趙懷德狼阿章眾數萬叛命仲武相持數日潛遣二將領千騎扣其營戒曰彼出勿與戰亟還伏兵道左二將還羌果追之遇伏大敗斬首三千級復西寧州未幾懷德阿章降累進客省使樂州防禦使副高永年西征仲武欲持重固壘永年易賊輕戰遂大敗仲武引谷自劾坐流嶺南命未下與夏人戰傷足朝廷聞之貸其罰以為西寧都護章實招橋羌王子滅征僕哥收積石軍邀仲武計事仲武曰王師入羌必降或退伏巢穴可乘其便但河橋功力大非倉卒可成緩急要預辦耳若稟命待報慮失事機賈許以便宜僕哥果約降而索一子為質仲武遣子錫往河橋亦成仲武帥師渡河擊與歸賈掩其功仲武亦不自言徽宗遣使持錢至邊賜獲王者訪得仲武召對帝勞之曰高永年以不用卿言失僕哥之降河南綏定卿力也問幾子曰九人悉命以官錫閣門祗候仲武知西寧州徙渭州召為龍神衛都指揮使復出熙州秦州遷步軍副都指揮使熙師劉法死又以熙渭都統制攝之歷拜徐州觀察使保靜軍承宣使瀘川軍節度使以老提舉明道

宮再起爲熙州卒于官年七十三贈檢校少保諡曰威肅子鏡別有傳

曲珍字君玉隴干人世爲著姓寶元康定間夏人數入寇珍諸父糾集族黨禦之敵不敢犯於是曲氏以材武長雄邊關珍好馳馬試劍嘗與叔父出塞游獵猝遇夏人陷其圍中馳擊大呼衆披靡得出顧叔不至復持短兵環決鬪遂俱脫秦鳳都鈐轄劉溫潤奇其材一日出寶劍令曰能射一錢於百步外者與之諸少年百發不能中珍後至一矢破之從溫潤城古渭與羌戰先登陷陳爲綏德城監押提孤軍拒寇斬其大酋加閣門祇候有功洮西遷內殿崇班郭遠趙高南征爲第一將進自右江撫接廣原三州十二縣降僞守已下百六十人老稚二萬六千口是行也功最諸將遷西染院使得疾輿還京師神宗遣使臨問少間令人對珍念二帥不和睦上問必及之言之必行曲直將何以對乃以餘疾未平爲解帝復使盤勞賜之弓劍較勒令有司蠲其鄉徭賦擢鄜延鈐轄進副總管從神諤攻金湯永平川斬二千級累遷客省使拜懷州防禦使龍神衛四廂都指揮使徐禧城永安珍以兵從版築方與羌數十騎濟無定河覘役珍將追殺之禧不許謀言夏人聚兵甚急珍請禧還米脂而自居守明日果至禧復來珍白敵兵衆甚公宜退處內柵檄諸將促戰禧笑曰曲侯老將何怯邪夏兵且濟珍欲乘其未集擊之又許及攻城急又勸禧曰城中井深泉竭士卒渴甚恐不能支宜乘兵氣未衰潰圍而出使人自求生禧曰此城據要地奈何棄之且爲將而奔衆心搖矣珍曰非敢自愛但敕使謀臣同沒于此懼辱國耳數日城陷珍縋而免子弟死者六人亦坐貶皇城使帝察其無罪諭使自安養以圖後效元祐初爲環慶副總管夏人寇涇原號四十萬珍搆虛虜三百里破之曲律山俘斬千八百人解其圍進東上閣門使忠州防禦使卒年五十九珍善撫士卒得其死力雖不知書而忠朴好義本於天性

劉闡字靜叔青州北海人以拳力爲軍校從延州軍出塞遇敵矢貫左耳戰不顧衆服其勇從文彥博討貝州次城下攀壘欲登賊以曲戟鉤其甲闡裂之而墜議者欲穿地道入闡曰穴地積土賊且知之城瀕河若晝曩土而夜投諸河宜無知者彥博以爲然穴成闡持短兵先入衆始從遂登陴引繩而上遲明師

畢入貝州平功第一擢虎翼指揮使累遷宣武神衛都指揮使昭州刺史辰州團練使韓絳官撫陝西詔闡自河東爲犄角至鐵冶溝夏人大集衆懼闡自殿後率銳馳搏戰飛矢蔽體不爲却敵解去爲冀州駐泊總管河水漲隄防墊急闡請郡守開青楊道口以殺水怒莫敢任其責闡躬往濬決水退冀人賴之以左金吾大將軍致仕卒年八十五

郭成字信之德順中安堡人也從軍得供奉官王師趨靈武成將涇原兵擊破夏人於漫噶隘至城下有羌乘白馬馳突陣前大將劉昌祚曰誰能取此者成躍馬梟其首以獻進秩四等朝廷築平夏城置將戍之又環以五砦渭帥章鞏問可守者於諸將皆曰非郭成不可遂使往守夏人恚失地空國入爭謀曰夏平視諸壘最大郭成最知兵遂自沒煙峽連營百里飛石激火晝夜不息成與折可適議乘勝深入以萬騎異道並進遂俘阿埋都逋二大酋捷聞進雄州防禦使涇原鈐轄徽宗詔諸軍并力築綏戎懷戎二堡成獨當合流之役暴露雪中感疾卒帝悼之甚賻以金帛官其子壻成輕財好施名震西鄙既沒廉訪使者王孝婦白於朝帝手書報曰郭成盡忠報國有功于民宜載祀典榜其廟曰仁勇云子浩紹興中爲西邊大將至節度使

賈崑字民瞻開封人少時善騎射喟然歎曰大丈夫生世要當自奮揚名顯親可也遂起家從戎神宗選材武以爲內殿承制慶州嘉原堡都監林廣討瀘夷辟將前鋒又爲河東將敗西夏兵於明堂川累功轉莊宅副使遷路監紹聖中夏兵數萬圍麟州神堂砦甚急崑以數百騎往援令其下曰國家無事時不惜厚祿養汝輩正以待一旦之用耳今力雖不敵吾誓以死報衆感厲即循屈野河行且五里據北攔坡嶺上一矢殪其酋衆駭潰哲宗嘉歎賜以袍帶知皇城使威州刺史遷鈐轄崑在兵間二十年有智略能拊御士卒所鄉輒勝時以良將入對留擢龍神衛四廂都指揮使遷步軍都虞候濠州團練使卒年五十二贈雄州防禦使

張整字成伯亳州鄆陽人初隸皇城司御龍籍補供事官爲利文州都巡檢使邊夷歲鈔省地吏習不與校至反遺之物留久乃去整惡其貪暴無已密募死

士時其來掩擊幾盡有司劫生事神宗壯之不問調荆湖將領拓溪蠻地築九城董兵鎮守又破蠻於大田歲中三遷結狝萬衆乘舟屯托口追黔江城時守兵才五百人情大恐整伏其半於托口旁戒曰須吾旦度金斗崖舉幟則謀而前及旦率其半縛纜建旗鼓泝流急趨賊望見大笑幟舉伏發前後合擊人死殊亂蠻騰踐投江中殺獲不可計為廣西鈐轄坐殺降羅實監江州酒稅復為涇原真定京東環慶鈐轄整泣軍嚴明哲宗嘗訪於輔臣召之對擢為龍神衛四廂都指揮使管幹馬軍司卒官至威州刺史

張蘊字積之開封將家子也從軍為小校隸劉昌祚至靈州遇敵中矢拔鐵復戰以功賜金帶從征安南次富良江諸將猶豫未進蘊褰裳先濟衆隨之蠻遂走使巫被髮登崖為厭勝蘊射之應弦而斃一軍謹謀歷京西涇原將知綏德懷寧順寧軍等六城儲粟至三十萬斛將兵取宥州破夏人於大吳神流堆宥州監軍引鐵騎數千趨松林堡蘊謀知之頓兵長城嶺以待戒諸部曰賊遠來氣感少休必困因而擊之必捷果以勝歸夏人寇順寧蘊置伏陜中約聞呼則起俘斬數百人獲馬械甚衆累遷皇城使榮州刺史成州團練使通州防禦使開德河陽馬步軍副總管顯肅皇后母自鄭氏再適蘊徽宗屢欲以恩進其官輒力辭不敢受人以為賢卒年七十三贈感德軍節度使諡曰榮毅

王恩字澤之開封人以善射入羽林神宗聞衛士挽疆中的且偉其貌補供備庫副使為河州巡檢夏羌寇蘭州恩搏戰城下中兩矢拔去復鬪意氣彌厲遷涇原將嘗整軍出萬惠嶺士饑欲食恩倍道兼行衆洶洶已而遇敵數萬引兵先入壁并竈皆具諸將始服羌叩壁願見恩單騎徑出遙與語一夕羌引去哲宗召見語左右曰先帝時宿衛人皆傑異如此留為龍神衛都指揮使遷馬軍都虞候契丹使來詔陪謝使者問聞涇原有王騎將得無是乎應曰然射三發皆中使以下相視皆歎息出為涇原副都總管并護秦渭延熙四路兵城西安築臨羌天都十餘壘羌圍平夏諸校欲出戰恩曰賊傾國遠寇難以爭鋒宜以全制其敵彼野無所掠必攜攜而遇伏必敗乃先行萬人設伏羌既退師果大獲徽宗立以衛州防禦使徙熙河改知渭州括隱地二萬三千頃分弓箭士耕

屯為三十一部以省餽餉邊臣獻車戰議帝以訪恩恩曰古有之偏籍鹿角今相去益遠人非所習恐緩急難用夫操不習之器與敵周旋先自敗耳帝善其對遷馬步軍都指揮使殿前都指揮使武信軍節度使嘗汰禁卒數十人樞密請命都承旨覆視恩言朝廷選三帥付以軍政今去數十冗卒而不足信即其他無可為者帝立為罷之睦願甚寵賜居宅又賜城西地為園囿屬疾以檢校司徒致仕薨年六十二贈開府儀同三司

楊應詢字仲謀章惠皇后族孫也歷知信安保定軍霸州塘漿之閒地沮洳水潦易集居人浮板以濟應詢增隄防為長衢濬其旁以泄流民利賴之為河北沿邊安撫使徽宗以歸信容城兩縣弓手為契丹所懼欲增為千人或恐生事應詢曰吾欲備他盜彼安能禁我卒增之知雄州朝廷多取西夏地契丹以姻婭為言遣使乞還之不得擁兵並塞中外恫疑應詢曰是特為虛聲嚇我耳願治兵積粟示有備彼將聞風自戢明年果還兵復遣其相臣蕭保先牛温舒來請詔應詢逆干境既至帝遣問所以來應詢對願固守前議尋兼高陽關路鈐轄邊人捕得北盜呂鐵兒契丹謂略執平民有詔使縱釋應詢言吾知執盜耳因其求而遂與之是示以怯也不與遂質我民固索之應詢以違詔貶秩再遷洋州觀察使入提舉萬壽觀館契丹使當賜柑而貢未至有司代以他物使不受應詢以言折之乃下拜復為定州真定大名副都總管卒年六十三贈昭化軍節度使諡曰康理

趙隆字子漸秦州成紀人以勇敢應募從王韶取熙河大將姚麟出戰被重創謂曰吾渴欲死得水尚可活時已暮有泉近賊營隆獨身潛往漬衣泉中賊覺隆且鬪且行得歸持衣裂水以飲麟麟乃甦又從李憲破西市師討鬼章外河諸羌皆以兵應之隆率衆先至斧其橋鬼章失援乃成擒為涇原將戰平夏川功最多崇寧中鈐轄熙河兵將前軍出遼川復復鄯廓夏人寇涇原詔熙河深入分其兵無令專鄉東方師至鐵山隆先登士皆殊死戰夏人解去召詰闕徽宗慰勞之曰鐵山之戰卿力也童貫與論燕雲事隆極言不可貫曰君能共此當有殊拜隆曰隆武夫豈敢千賞以敗祖宗二百年之好異時起釁萬死不足

謝實貴知不可奪，自以知西寧州，充隴右都護，羌豪信服，十二種戶三萬六千，願屯內地，帥劉法西討，隆以奇兵襲羌，羌潰，城震武，遷温州防禦使，龍神衛捧日天武都指揮使，仍爲本道馬步副都總管，卒，贈鎮潼軍節度使，命詞臣制碑，帝篆額曰旌忠。

論曰：有國家者不可忘武備，故高祖以馬上得天下，而猶有安得猛士守四方之歎，然所貴爲將領者，非取其武勇而已也，必忠以爲主，智以爲本，勇以爲用，及其成功，雖有小大之殊，俱足以尊主庇民也。苗授策，錢南之不可城，履不肯討阿章，永清不以地與敵，文郁撫納香崖，紹能之忠勇，珍之忠朴，好義，光祖應詢，明於料敵，守約及整，御衆嚴明，斌浩之善戰，嵩恩之善射，闡之出則先登，入則殿後，其材雖殊，其可以任奔走禦侮之責於四境，則一也。成以捍衛邊陲，服勤致死，明詔褒飭，廟食一方，宜哉。君萬挾誣報怨，贍校誦喜功，國有常罰，父子請死，亦宜也。說首取燕，終變其說，既黜旋復爲失刑矣。至若仲武敗則引咎責己，勝則不自言功，隆不敢啓疊干賞，蘊甘分而辭榮，有士君子之行焉，尤武士之所難能也。

宋史卷三百五十

元中書右丞相總裁脫脫等修

列傳第一百十

趙挺之

張商英 兄唐英

劉正夫

何執中

鄭居中

張康國

朱諤

劉達

林據

管師仁

侯蒙

趙挺之字正夫密州諸城人進士上第熙寧建學選教授登棧二州通判德州哲宗即位賜士卒緡錢郡守貪吝不時給卒怒謀持白挺突入府守趨避左右盡走挺之坐堂上呼問狀立發庫錢而治其為首者衆即定魏境河屢決議者欲徙宗城縣轉運使檄挺之往視挺之云縣距高原千歲矣水未嘗犯今所遷不如舊必為民害使者卒徙之財二年河果壞新城漂居民略盡召試館職為秘閣校理遷監察御史初挺之在德州希意行市易法黃庭堅監德安鎮謂鎮小民貧不堪誅求及召試蘇軾曰挺之聚斂小人學行無取豈堪此選至是劾奏軾草麻有云民亦勞止以為誹謗先帝既而坐不論蔡確通判徐州俄知楚州入為國子司業歷太常少卿權吏部侍郎除中書舍人給事中使遼還主嘗有疾不親宴使近臣即館享客比歲享乃在客省與諸國等挺之始爭正其禮徽宗立為禮部侍郎哲宗祔廟議遷宣祖挺之言上於哲宗兄弟同一世宣祖未當遷從之拜御史中丞為欽聖后陵儀仗使曾布以使事聯職知禁中密指論使建議紹述於是挺之排擊元祐諸人不遺力由吏部尙書拜右丞進左丞中書門下侍郎時蔡京獨相帝謀置右輔京力薦挺之遂拜尙書右僕射既相與京爭雄屢陳其姦惡且請去位避之以觀文殿大學士中太一宮使留京師乞歸青州將入辭會彗星見帝默思咎徵盡除京諸蠹法罷京召見挺之曰京所為一如卿言加挺之特進仍為右僕射京在崇寧初首與邊事用兵連年不息帝臨朝語大臣曰朝廷不可與四夷生隙隙一開禍孽不解兵民肝腦塗地豈人主愛民恤物意哉挺之退謂同列曰上志在息兵吾曹所宜將順已而京復相挺之仍以大學士使佑神觀未幾卒年六十八贈司徒諡曰清憲

張商英字天覺蜀州新津人長身偉然姿采如峙玉質氣傲儻豪視一世調通州主簿渝州蠻叛說降其酋辟知南川縣章惇經制夔夷狎侮郡縣吏無敢與共語部使者念獨商英足抗之檄至夔惇詢人才使者以商英告即呼入同食商英著道士服長揖就坐惇肆意大言商英隨機折之落落出其上惇大喜延為上客歸薦諸王安石因召對以檢正中書禮房權監察御史臺獄失出劫盜樞密檢詳官劉奉世駁之詔糾察司劾治商英奏此出大臣私分願收還主柄使耳目之官無為近臣所脅神宗為置不治商英遂言奉世庇博州失入囚因摠院吏徇私十二事語侵樞臣於是文彥博等上印求去詔責商英監荆南稅更十年乃得館閣校勘檢正刑房商英嘗薦舒亶可用至是亶知諫院商英以壻王滂之所業示之亶繳奏以為事涉干請責監赤岸鹽稅哲宗初為開封府推官屢詰執政求進朝廷稍更新法之不便於民者商英上書言三年無改於父之道可謂孝矣今先帝陵土未乾即議變更得為孝乎且移書蘇軾求入臺其庾詞有老僧欲住烏寺呵佛罵祖之語呂公著聞之不悅出提點河東刑獄連使河北江西淮南哲宗親政召為右正言左司諫商英積憾元祐大臣不用己極力攻之上疏曰先帝威德大業跨絕今古而司馬光呂公著劉摯呂大防援引朋儔敢行譏議凡詳定局之所建明中書之所勸當戶部之所行遣百官之所論列詞臣之所作命無非指撻扶揚鄙薄嗤笑翦除陛下羽翼於內擊逐股肱於外天下之勢岌岌殆矣今天青日明謀實未正願下禁省檢索前後章牘付臣等看詳簽揭以上陛下與大臣斟酌而可否焉遂論內侍陳衍以搖宣仁至比之呂武乞追奪光公著贈諡仆碑毀冢言文彥博背負國恩及蘇軾范祖禹孫升韓川諸人皆相繼受譴又言願陛下無忘元祐時章惇無忘汝州時安燾無忘許昌時李清臣曾布無忘河陽時其觀望捍闔以險語激怒當世概類此惇燾交惡商英欲助惇求所以傾燾者陽翟民蓋氏養子漸先為祖母所逐以家資屬其女經元豐訴理不得直商英論其冤導漸使遮執政及詣御史府許燾姻家與蓋女為道地哲宗不直商英徙左司員外郎既與漸交關事皆露責監江寧酒起知洪州為江淮發運副使人權工部侍郎遷中書舍人謝表

歷詆元祐諸賢，眾益畏其口。徽宗出為河北都轉運使，降知隨州崇寧初為吏部刑部侍郎，翰林學士蔡京拜相，商英與之善，適當制，過為褒美，尋拜尚書右丞，轉左丞，復與京議政不合，數詆京，身為輔相，志在逢君，御史以為非所宜言，且取商英所作元祐嘉禾頌及司馬光祭文斥其反覆，罷知亳州。入元祐黨籍，京罷相，削籍知鄂州。京復相，以散官安置歸陝兩州。大觀四年，京再逐，起知杭州，過闕賜對，奏曰：神宗修建法度，務以去大害，興大利，今誠一一舉行，則盡紹述之美，法若有弊，不可不變，但不失其意足矣。留為資政殿學士，中太一宮使，頃之，除中書侍郎，遂拜尚書右僕射，京久盜國柄，中外怨疾，見商英能立同異，更稱為賢，徽宗因人望相之，時久旱，彗星中天，是夕，彗不見，明日雨，徽宗喜，大書商霖二字賜之。商英為政持平，謂京雖明紹述，但借以劫制人主，禁錮士大夫爾。於是大革弊事，改當大錢以平泉貨，復轉般倉以罷直達，行鈔法以通商旅，蠲橫斂以寬民力，勸徽宗節華侈，息土木，抑僥倖，帝頗嚴憚之。嘗草升平樓，戒主者遇張丞相導騎至，必匿匠樓下，過則如初，楊戩除節度使，商英曰：祖宗之法，內侍無至，團練使有勳勞，當陞，則別立昭宣政諸使以寵之，未聞建旄鉞也。訖持不下，論者益稱之。然意廣才疏，凡所當為，先於公坐誦言，故不便者得預為計，何執中鄭居中日夜醞織其短，先使言者論其門下客唐庚、竄之、惠州有郭天信者，以方技隸太史，徽宗潛邸時，嘗言當履天位，自是稍睨寵之。商英因僧德洪、客彭凡與語言往來，事覺，鞫于開封府，御史中丞張克公疏擊之，以觀文殿大學士知河南府，旋貶崇信軍節度副使，衡州安置。天信亦斥死。京遂復用，未幾，太學諸生誦商英之冤，京懼，乃乞令自便，繼復還故官職，宣和三年卒。年七十九，贈少保。商英作相，適承蔡京之後，小變其政，鑿鑿者易為食，故蒙忠直之名，靖康褒表司馬光、范仲淹，而商英亦贈太保，紹興中又賜諡文忠，天下皆不謂然。兄唐英。

唐英字次功，少攻苦讀書，至經歲不知肉味，及進士第，翰林學士孫抃得其正議五十篇，以為馬周、魏元忠不足多，薦試賢良方正，不就，調穀城令，縣圃歲畦，薑、貨種與民，還其陳，復配賈取息，銓曹指為富縣，唐英至空其圃，植千株，柳作

柳亭其中，聞者咨羨。英宗繼大統，唐英上謹始書云：為人後者為子懼，他日必有引漢定陶故事，以惑震聽者，願杜其漸，既而濮議果起，帝不豫，皇太后垂簾，又上書請立穎王為皇太子，神宗即位，知其人，擢殿中侍御史，入對，帝問何尚衣綾，對曰：前者固得之，回授臣父，帝嘉其孝，賜五品服，帝方厲精圖治，急於用人，唐英言：知江寧府王安石，經術道德，宜在陛下左右，又論宗室祿多費鉅，宜以服為差殺，天下苦差役不均，蓋思所以寬民力代民勞者，其後略施行，帝方欲用之，以父憂去，未幾卒。唐英有史料，嘗著仁宗政要，宋名臣傳，蜀檣，行于世。

劉正夫，字德初，衡州西安人，未冠入太學，有聲，與范致虛、吳材、江嶼號四俊。元豐八年，南省奏名在優選，而犯高魯王諱，凡五人，皆當黜，宣仁后曰：外家私諱，願未久，不可以妨寒士，命寬末級，久之，為太學錄，太常博士，母服闋，御史中丞石豫薦之，召赴闕，道除左司諫，時方究蔡卞獄，正夫入對，徽宗語及之，徐引淮南尺布斗粟之謠，以對，帝感動，解散其獄，待蔡王如初，他日謂正夫曰：兄弟之間，人所難言，卿獨能及此，後必為公輔，又言：元祐紹聖所修神宗史，互有得失，當折中其說，傳信萬世，遂詔刊定，而以起居舍人為編修官，不閱月，遷中書舍人，進給事中，禮部侍郎，蔡京據相位，正夫欲附翼之，奏言：近命官纂錄紹述先志，及施行政事，願得陳力其間，詔俾閱詳焉。京罷，正夫又與鄭居中陰援京，京憾劉達次骨，而達善正夫，京雖賴其助，亦惡之，因章縵鑄錢獄，辭及正夫，時使達還京，諷有司追逮之，帝知其情，第貶兩秩，京又出之，成都入辭，留為翰林學士，京愈不能平，謀中以事作春宴樂語，有紫宸朝罷，袞衣閑之句，京黨張康國密白帝曰：袞衣豈可閑，竟改龍圖閣直學士，知河南府，召為工部尚書，拜右丞，進中書侍郎，太學諸生習樂成，京欲官之，正夫曰：朝廷長欲人材，規為時用，而使與伶官齒，策名以是，得無為士子羞乎？東封儀物已具，正夫請間，力陳不可，帝皆為之止，益喜其不與京同，政和六年，擢拜特進少宰，才半歲，屬疾，三上章告老，除安化軍節度使，開府儀同三司，致仕，病小愈，丐東歸，詔肩輿至內殿，長子阜民夜入坐從容，及燕雲事，曰：臣起書生，軍旅之事未之學，然兩朝信誓之

文四海生靈之衆，願深留聖思。明日，從節安靜軍，起充中太一宮使，封康國公。將行，賜之詩及硯、筆、圖畫、藥餌、香茶之屬甚厚。正夫獻詩謝，帝又屬和以榮其歸。至盱眙病亟，命子弟作遺牘，自書留神根本深戒，持盈八字。遂卒，年五十六。贈太保，諡文憲。再贈太傅。正夫由博士入都，馴致宰相，能迎時上下，持養權性，吝嗇惟恐不足於財。晚年築第杭州萬松嶺，以建閣奉御書爲名，悉取其旁軍營民舍，議者譏之。帝眷念不衰，以阜民爲兵部侍郎，少子阜民微猷，閣待制何執中，字俗通，處州龍泉人。進士高第，調台臺二州判官，毫數易守政不治。會鞏至，頗欲振起之，顧諸僚無可仗信者，執中一見合意，事無纖鉅，悉委以劃決。有妖獄久不竟，株連寢多，執中訊諸囚，聽其相與語，謂牛羊之角皆曰股，扣其故，閉不肯言，而相視色變。執中曰：是必爲師張角諱耳。卽扣頭引伏，蔣之奇使淮甸號彊明，官吏望風震懼。見執中喜曰：一州六邑，賴有君爾。知海鹽縣，爲政識後先，邑人紀其十異。入爲太學博士，以母憂去。寓蘇州，比隣夜半火，執中方索居，連連不能去，拊板號慟，誓與俱焚。觀者悲其孝而危其難，有頃火卻，極得存。紹聖中，五王就傳，選爲記室，轉侍講，端王卽位，是爲徽宗，超拜寶文閣待制。遷中書舍人，兵部侍郎，工部吏部尚書，兼侍讀，四選案籍，吏多藏于家，以舞文取賄。執中請置庫架閣，命官莅之，是後六曹皆做其法。蔡京籍上書人，定爲邪等，初無朝覲及入都之禁。執中申言之，且請任在京職秩者皆罷遣，辟雍成，執中請開學，殿使都人士女縱觀，大爲士論所貶。崇寧四年，拜尚書右丞，大觀初，進中書門下侍郎，積官金紫，光祿大夫，一意謹事京。三年，遂代爲尚書左丞，加特進，制下。太學諸生陳朝老詣闕上書曰：陛下知蔡京姦，解其相印，天下之人鼓舞有若更生，及相執中，中外默然失望。執中雖不敢肆爲非法，若京之蠹國害民，然碌碌庸質，初無過人。天下敗壞至此，如人一身臟腑，受診已深，豈庸庸之醫所能起乎？執中實緣攀附致位二府，亦已大幸，遽俾之經體贊元，是猶以查負山，多見其不勝任也。疏奏不省，而眷注益異。初，賜第信陵坊，以爲淺隘，更徙金順坊甲第，建嘉會成功閣，帝親書鉅額以示寵。執中與蔡京並相，凡營立皆預議，略無所建明。及張商英任事，執中惡其出己上，與鄭居中合擠之。陳瓘

在台州，執中起遷人石，械知州事，使脅取尊，竟謀必死，瓘不死，執中怒，罷械。政和二年，大長公主喪，罷上元端門觀燈。執中言：不宜以長主故，闕衆情，願特爲徙日，以昭與民同樂之意。帝重逆其請，爲申五日期，用提舉修哲宗史，紀恩加少保，入宴太清樓，錫白玉帶。會正宰相官名，轉少傅爲太宰，又遷少師，封榮國公。執中輔政一紀，年益高，五年，臥疾甚，賜寬告。他日，造朝，命止赴六參起居，退治省事。明年，乃以少傅就第。許朝朔望，儀物廩稍，一切如居位時。入見，帝曰：自相位致爲臣，數十年無此矣。對曰：昔張士遜亦以舊學際遇，用太傅致仕，與臣適同。帝曰：當時恩禮恐未必爾。執中頓首謝。其在政府，嘗戒邊吏勿生事，重改作，惜人材，寬民力，雖居富貴，未嘗忘貧賤時。斥緡錢萬置義莊，以贍宗族。性復謹畏，至於迎順主意，贊飾太平，則始終一致，不能自克。卒，年七十四。帝卽幸其家，以不及視其病爲恨。輟朝三日，贈太師，追封清源郡王。諡曰正獻。鄭居中，字達夫，開封人。登進士第，崇寧中，爲都官禮部員外郎。起居舍人，至中書舍人，直學士院。初，居中自言爲貴妃從兄弟，妃從藩邸進，家世微，亦倚居中爲重。由是連進擢，會妃父紳客祝安中者，上書涉謗訕，言者并及居中，罷知和州。徙潁州。明年，歸故官，遷給事中，翰林學士。大觀元年，同知樞密院。時妃寵冠後宮，於居中無所賴，乃用宦官黃經臣策，以外戚秉政辭，改資政學士。中太一宮使，兼侍讀。蔡京以星文變免，趙挺之相，與劉逵謀，盡改京所爲政。未幾，徽宗頗悔更張之暴，外莫有知者。居中往來紳所知之，卽入見，言陛下建學校，興禮樂，以藻飾太平，置居養安濟院，以周拯窮困，何所逆天而致威譴乎？帝大悟。居中退，語禮部侍郎劉正夫。正夫繼請對，語同。帝意乃復向京。京再得政，兩人之助爲多。居中厚責報京，爲言樞密本兵之地，與三省殊，無嫌於用。親經臣方恃權，力抗前說。京言不效，居中疑不已，援始怨之。乃與張康國比而間京。都水使者趙霖得龜兩首於黃河，獻以爲瑞。京曰：此齊小白所謂家罔見之而霸者也。居中曰：首豈宜有二，人皆駭異，而京獨主之，殆不可測。帝命棄龜金明池，謂居中愛我，遂申前命。進知院事。四年，京又罷，居中自許必得相，而帝覺之，不用。妃正位中宮，復以嫌罷爲觀文殿學士。政和中，再知樞密院。官累特進。時京總治

三省益變亂法度，居中每為帝言，帝亦惡京專，尋拜居中少保太宰，使司察之。居中存紀綱，守格令，抑僥倖，振淹滯，士論翕然望治。丁母憂，旋詔起復，踰年，加少傅，得請終喪，服除，以威武軍節度使使佑神觀，還領樞密院，加少師，連封崇宿燕三國公，朝廷遣使與金約夾攻契丹，復燕雲，蔡京童貫主之，居中力陳不可，謂京曰：公為大臣，國之元老，不能守兩國盟約，輒造事端，誠非妙算。京曰：上厭歲幣五十萬，故爾。居中曰：公獨不思漢世和戎用兵之費乎？使百萬生靈，肝腦塗地，公實為之，由是議稍寢。其後金人數攻契丹，日蹙，王黼童貫復議舉兵，居中又言：不宜幸災而動，待其自斃可也。不聽。燕山平，進位太保，自陳無功，不拜。入朝，暴遇疾，歸舍數日卒，年六十五。贈太師，華原郡王，諡文正。帝親表其隧，曰：政和寅亮，醇儒宰臣。文正鄭居中之墓，居中始仕，蔡京即薦其有廊廟器，既不合，遂因蔡渭理其父確功狀，追治王珪。居中，珪壻也，故借是憾之。然卒不能害。子修年，儻年，皆至侍從。儻年遭靖康之難，沒入于金，後遣事劉豫，晚得南歸。秦檜以婦氏親，擢為資政殿大學士，位視執政，檜死，亦竄死撫州。時又有安堯臣者，亦嘗上書論燕雲之事，其言曰：宦寺專命，倡為大謀，燕雲之役，與則邊釁遂開，宦寺之權重，則皇綱不振。昔秦始皇築長城，漢武帝通西域，隋煬帝遠左之師，唐明皇幽薊之寇，其失如彼。周宣王伐玁狁，漢文帝備北邊，元帝納買捐之議，光武斥滅官馬武之謀，其得如此。藝祖撥亂反正，躬擐甲冑，當時將相大臣皆所與取天下者，豈勇略智力不能下幽燕哉？蓋以區區之地，契丹所必爭，忍使吾民重困鋒鏑，章聖澶淵之役，與之戰而勝，乃聽其和，亦欲固本而息民也。今童貫深結蔡京，同納趙良嗣，以為謀主，故建平燕之議，臣恐異時唇亡齒寒，邊境有可乘之釁，狼子蓄銳伺隙，以逞其欲，此臣所以日夜寒心，伏望思祖宗積累之艱難，鑒歷代君臣之得失，杜塞邊隙，務守舊好，無使外夷乘間窺中國，上以安宗廟，下以慰生靈，微宗然之，命堯臣以官，後竟為姦謀所奪，堯臣嘗舉進士不第，蓋惇之族子也。

論曰：君子小人，猶冰炭不可一日而處者也。趙挺之為小官，雖有才具，然寧新法之行，迎合用事，元祐更化，宜為諸賢鄙棄，至於紹聖首倡紹述之謀，艦排正

人，靡所不至，其論蔡京，不過為摟奪權寵之計而已。所謂楚固為失，齊亦未為得也。徽宗知京不可顛任，乃以張商英鄭居中輩，敢與京為異者，參而用之，殊不知二人者，向背離合，視利所在，亦何有於公議哉？商英以傾詖之行，竊忠直之名，沒齒猶見褒稱，其欺世如此。何執中黃綠舊學，致位兩府，無所建明，惟務媚嫉，至用石械脅陳璘取算堯集，欲因以殺璘，何為者耶？宣政命相，得若而人，尚望治乎？劉正夫生平所為，賤賤出沒正邪之間，商英之徒也。唐英有清才而寡失德，獨薦王安石為可咎，然安石未相，正人端士，孰不與之？又何責乎唐英。張康國，字賓老，揚州人，第進士，知雍丘縣，紹聖中，戶部尚書蔡京整治役法，薦以參詳利害，使提舉兩浙常平推行之，豪猾望風斂服，發倉救荒，江南就食者活數萬口，徙福建轉運判官，崇寧元年，入為吏部左司員外郎，起居郎，二年，為中書舍人，徽宗知其能詞章，不試而命還翰林學士，三年，進承旨，拜尚書左丞，而以其兄康伯代為學士，尋知樞密院事。康國自外官為郎，不三歲至此，始因蔡京進，京定元祐黨籍，看詳講議司編彙章牘，皆預密議，故汲汲引援之，帝亦器重焉。及得志，寔為崖異，帝惡京專，陰令沮其姦，嘗許以相，是時西北邊帥多取部內好官自辟置，以力不以才。康國曰：並塞當擇人以紓憂顧，奈何欲私所善乎？乃隨闕選用，定為格，京使御史中丞吳執中擊康國，康國先知之，且奏事，留白帝曰：執中今日入對，必為京論臣，臣願避位，既而執中對，果陳其事，帝叱去之。他日，康國因朝退趨殿廡，暴得疾，仰天吐舌，昇至待漏院卒，或疑中毒云。年五十四。贈開府儀同三司，諡曰文簡。康伯仕終吏部尚書。

朱諤，字聖與，秀州華亭人，初名級，進士第二，調忠正軍推官，崇寧初，由太常丞擢殿中侍御史，遷侍御史，給事中，以同黨籍人姓名，故改名，進御史中丞，入謝。徽宗曰：今朝廷肅清，上下無事，宜審重以稱朕意。對曰：前此中執法類不知職守，言事多妄，至過天津橋，見汴隄一角墊陷，乞修葺，如許，細故何足論哉？帝曰：然，比石豫許敦仁妄發，皆如是，諤遂奏願如神宗故事，聽政之餘，開內閣，延羣臣，從容論道，又言：陛下手詔屢下，惻惻願治，然吏奉行，多安於苟簡，或懷二三，扼置不行，使德音善教，無由下達，願分命使者，刺舉諸道，有受令而不行及

行令而不盡者論如古留令虧令之罪則令出而朝廷算矣元祐紛更凡得罪于熙寧元豐者不問是否輒陳冤訴自歸無過之地彰先朝之失刑希合姦臣規求進用門下侍郎許將頃下御史獄抗章云絲毫自知其無事父子相係而爲囚追屬吏十有六人繫病者百有三日終無可坐之罪遂加不實之刑夫以追屬吏如是之多繫病者如是之久卒之於無可坐則先帝所用之刑爲何哉將於哲廟表泛爲平詞至宣和太后之前則銜冤負痛其辭如此於陛下紹述成功得無少損乎詔出將河南六察官彈治稽違近歲察事多者輒推賞有僥求之弊諤乞罷賞使各安職分從之俄兼侍讀徙兵禮吏三部尙書大觀元年拜右丞相居三月卒年四十贈光祿大夫諡忠靖諤出蔡京門善附合不能有所建白既死京爲誌其墓

劉遠字公路隨州隨縣人進士高第調越州觀察判官入爲太學太常博士禮部考功員外郎國子司業崇寧中連擢祕書少監太常少卿中書舍人給事中戶部侍郎使高麗還尙書錄兵部同知樞密院拜中書侍郎遠無他才能初以附蔡京故躡進京以彗星見去相而遠貳中書首勸徽宗碎元祐黨碑寬上書邪籍之禁凡京所行悖理虐民事稍稍澄正遠與趙挺之同心然挺之多智慮後患每建白務開其端而使遠終其說遠欲自以爲功直情不顧未滿歲帝疑遠擅政而鄭居中劉正夫之策售矣帝意既移於是御史余深石公弼論遠專恣反覆乘間抵讖盡廢紹述良法愚視丞相陵蔑同列凡所啓用多取爲邪黨學術者及邪籍中子弟庇其婦兄童姪使之盜鑄罷知亳州京復相再責鎮江節度副使安州居住京再以星變去稍起知杭州加資政殿學士以醴泉觀使召及都而卒年五十贈光祿大夫

林據字彥振福州人徙蘇父邵顯謨閣直學士據用蔭至敕令檢討官蔡京譴明熙寧元豐故事引以爲屬遷屯田右司員外郎時遣朝士察諸道據使河北入辭言大府宜擇帥邊州宜擇守西山木不宜采伐保甲有藝者宜貢諸朝輸兵宜使更戍錢貨文書闡出疆外者宜遏絕徽宗喜曰卿所陳已盡河朔利害毋庸行賜進士第擢起居舍人進中書舍人俄直學士院禁林官不乏帝特命

遠爲翰林學士初朝廷數取西夏地夏求援於遠遠爲請命據報聘京密使激怒之以啓覺入境威氣以待迓者小不如儀輒辨詰及見遠主始跪授書即抗言數夏人之罪謂北朝不能加責而反爲之請禮出不意遠之君臣不知所答及辭遠使據附奏求還進築夏人城柵據答語復不巽遠人大怒空客館水漿絕煙火至舍外積潦亦污以矢溲使饑渴無所得如是三日乃遣還凡饗饋租犒皆廢歸復命議者以爲怒隣生事猶除禮部尙書既而遠人以失禮言出知穎州尋召爲開封尹大駭負買錢久不償一日盡輩數十錢來買疑不納駭訟之據馳詣蔡京問曰錢法變乎京色動曰方議之未決也據曰令未布而買人先知必有與爲表裏者退鞠之得省吏主名實干法張懷素妖事覺據與御史中丞余深及內侍雜治得民士交關書疏數百據請悉焚蕩以安反側衆稱爲長者而京與懷素游最密據實爲京地也京深德之用鞠獄明允加秩二等改兵部尙書進同知樞密院尙書左丞中書侍郎自大觀元年春至二年五月緣朝散大夫九遷至右光祿大夫集英殿唱貢士據當傳姓名不識甄益字帝笑曰卿誤邪據不謝而語詆同列御史論其寡學倨傲不恭失人臣禮黜知滁州言者不厭罷提舉洞霄宮起爲越州丞與軍皆以親年高辭拜端明殿學士久之知揚州政以察察聞鉅大俠繩污吏下不敢欺有行商寓逆旅屢出不反館人以告據曰此當不遠或利其貨殺之耳指蹤物色得屍溝中果城民張所爲也徙大名府道過闕爲帝言頃使遠見其國中攜篋若兼而有之勢無不可據蓋以糞辱故修怨焉其後北伐蓋兆於此加觀文殿學士拜慶遠軍節度使言者復論罷之還姑蘇塲生於首而卒年五十九帝念其奉使之勤申贈開府儀同三司錄子偉直祕閣數月偉死嗣遂絕靖康元年以京死黨追貶節度副使管師仁字元魯處州龍泉人中進士第爲廣親睦親宅教授通判澧州知建昌軍有善政擢右正言左司諫論蘇軾轍深毀熙寧之政其門下士吏部員外郎晁補之輩不宜在朝廷逐去之河北濱棣諸州歲被水患民流未復租賦故在師仁請悉蠲減以綏徠之一方賴其賜遷起居郎中書舍人給事中工部侍郎選曹吏多撓法爲過師仁暫攝領發其姦抵數人於罪士論稱之改吏部進

刑部尚書以樞密直學士知鄧州未行改揚州又徙定州時承平百餘年邊備不整而邊橫使再至為西人請侵疆朝廷詔師仁設備至則下令增陣浚隄繕葺甲冑使使再至為西人請侵疆朝廷詔師仁設備至則下令增陣浚隄繕

知者於是日與賓客燕集以示閑暇使敵不疑帝手書詔獎激召為吏部尚書俄同知樞密院才兩月病拜資政殿學士佑神觀使卒年六十五贈正奉大夫侯蒙字元功密州高密人未冠有俊聲急義好施或一日揮千金進士及第調

寶鷄尉知柏鄉縣民訟皆決于庭受罰者不怨轉運使黃湜聞其名將推轂之召詣行臺白事蒙以越境不肯往湜怒他日行縣閱理文書欲讎致其罪既而無一疵可指始以賓禮見曰君真能吏也率諸使者合薦之徙知襄邑縣擢監

察御史進殿中侍御史崇寧星變求言蒙疏十事曰去冗官容諫臣明嫡庶別賢否絕倖冀戒濫恩寬疲民節妄費戚里毋預事闕寺毋假權徽宗聽納有大用意遷侍御史西將高永年死于羌帝怒親書五路將帥劉仲武等十八人姓名敕蒙往秦州逮治既行拜給事中至秦仲武等囚服聽命蒙曉之曰君輩皆

侯伯無庸以獄吏辱君第以實對案未上又拜御史中丞蒙奏言漢武帝殺王恢不如秦繆公赦孟明子玉綰而晉侯喜孔明亡而蜀國輕今羌殺吾一都護而使十八將繇之而死是自艾其支體也欲身不病得乎帝悟釋不問遷刑部尚書改戶部比歲郊祭先期告辦尚書輒執政至是帝密諭之對曰以財利要

君而進非臣所敢母喪服除歸故官遂同知樞密院進尚書左丞中書侍郎先是御史中丞蔡薺詆張商英私事甚力有旨令廷辨蒙曰商英雖有罪宰相也蔡薺雖言官從臣也使之廷辨豈不傷國體乎帝以為然一日帝從容問蔡京

何如人對曰使京能正其心術雖古賢相何以加帝領首且使密伺京所為京聞而銜之大錢法敝朝廷議改十為三主藏吏來告曰諸府悉輦大錢市物于肆皆疑法當變蒙曰吾府之積若干曰八千緡蒙叱曰安有更革而吾不知明日制下又嘗有幾事蒙獨受旨京不知也京偵得之白于帝帝曰侯蒙亦如是

邪罷知亳州旋加資政殿學士宋江寇京東蒙上書言江以三十六人橫行齊魏官軍數萬無敢抗者其才必過人今清溪盜起不若赦江使討方臘以自贖

帝曰蒙居外不忘君忠臣也命知東平府未赴而卒年六十八贈開府儀同三司諡文穆

論曰崇寧宣和之間政在蔡京罷不旋踵輒起姦黨日蕃一時貪得患失之小人度徽宗終不能去之莫不趨走其門若張康國朱諤劉遠林攄者皆是也康

國遠中雖異京然其材智皆非京敵卒為京黨所擊攄奉京姦謀激怒鄰國渝約啟釁罪莫大焉易曰開國承家小人勿用其謂是歟管師仁執政僅兩月引疾求去則可尚已侯蒙逮治五路將帥力為申理十八人者繇之而免其仁人

利溥之言乎

宋史卷二百五十一

元中書右丞相總裁脫脫等修

列傳第一百十一

唐恪 李邦彥 薛昂

吳敏 王安中 王襄 趙野

曹輔 耿南仲 王嵩附

唐恪字欽叟杭州錢塘人四歲而孤聞人言其父輒悲泣以蔭登第調郴尉縣民有被害而尸不獲吏執其鄰人抑使自誣令以為信恪爭之令曰否將為君累恪曰吾為尉而盜不能捕更俾士辜死乎躬出訪求夕若有告者旦而得尸遂獲盜知榆次縣豪子雄於鄉葦圃庇姦不輸公賦前後莫敢詰恪以理善曉之悟而自悔折節為長者最聞擢提舉河東常平江東轉運判官大觀中梓柯內附召為屯田員外郎持節招納夷人夷始恫疑衷甲以逆恪盡去兵衛從數十卒單行夷望見懼呼投兵聽命以奉使稱職遷右司員外郎起居舍人迎遼使還言河北邊備弛廢宜及今無事以時治之徽宗壯之曰非卿誰宜為者命為都轉運使加集賢殿修撰中貴人稱詔有所市恪不答憤而歸中以他事降直龍圖閣知梓州歷五年徙滄州河決水犯城下恪乘城救理都水孟昌齡移檄索船與兵恪報水勢方惡船當以備緩急滄為極邊兵非有旨不敢遣昌齡怒劾之恪不為動益治水水去城得全詔書嘉獎乃上疏請暫免保甲保馬呈閱及復諸縣租等第振貸以寬被水之民未報悉便宜罷行之民大悅進龍圖閣待制知揚州召拜戶部侍郎京師暴水至汴且溢付恪治之或請決南隄以紓宮城之患恪曰水漲隄壞此亡可奈何今決而浸之是魚鼈吾民也亟乘小舟相水源委求所以利導之乃決金隄注之河洩汴水平入對帝勞之曰宗廟社稷獲安卿之力也恪再拜因上疏言水陰類也至犯宮闕天其或者以陰威之慘微告陛下乎願垂意時事益謹天戒宣和初遷尚書帝許以二府為宰相王黼所陷罷知滁州言者論其治第歷陽擾民踰制提舉鴻慶宮五年起知青州未行召為吏部尚書徙戶部復請外以延康殿學士知潭州請往錢塘掃墓

然後之官遂改杭州靖康初金兵入汴李邦彥薦之拜同知樞密院事至則為中書侍郎時進見者多論宣和間事恪言於欽宗曰革弊當以漸宜擇今日之所急者先之而言者不顧大體至毛舉前事以快一時之憤豈不傷太上道君之心哉京攸黼貫之徒既從竄斥姑可已矣他日邊事既定然後白道君請下一詔與天下共棄之誰曰不可帝曰卿論甚善為朕作詔書以此意布告在位因賜東宮舊書萬卷且用近北除子璵直秘閣力辭之八月進拜少宰兼中書侍郎帝注禮之甚渥然恪為相無濟時大略金騎再來邀劉三鎮恪集廷臣議以為當與者十九恪從之使者既行於是諸道勤王兵大集輒諭止令勿前皆反旆而去消金兵薄城下始悔之密言於帝曰唐自天寶而後屢失而復興者以天子在外可以號召四方也今宜舉景德故事留太子居守而西幸洛運據秦雍領天下親征以圖興復帝將從其議而開封尹何奩入見引蘇軾所論謂周之失計未有如東遷之甚者帝幡然而改以足頓地曰今當以死守社稷擢奩門下侍郎恪計不用從帝巡城為都人遮擊策馬得脫遂臥家求去御史胡舜陟劾其罪謂恪之智慮不能經畫邊事但長於交結內侍今國勢日蹙誠不可以備位乃以觀文殿大學士中太一宮使兼侍讀罷奩代為相京城不守車駕至金帥營恪曰計失矣一入將不得還既而還宮恪迎拜道左請入覲奩不可二年正月復幸恪曰一之謂甚其可再乎及金人逼百官立張邦昌令吳开莫儻入城取推戴狀恪既書名仰藥而死

李邦彥字士美懷州人父浦銀工也邦彥喜從進士游河東舉人入京者必道懷訪邦彥有所營置浦亦罷工與為之且復資給其行由是邦彥聲譽奕奕入補太學生大觀二年前上舍及第授秘書省校書郎試符寶郎邦彥俊爽美風姿為文敏而工然生長閭閻習猥鄙事應對便捷善詭譎能蹴鞠每綴街市俚語為辭曲人爭傳之自號李浪子言者劾其游縱無檢罷符寶郎復為校書郎俄以吏部員外郎領儀禮局出知河陽召為起居郎邦彥善事中人爭薦譽之累遷中書舍人翰林學士承旨宣和三年拜尚書右丞五年轉左丞浦死贈龍圖閣直學士諡曰宣簡邦彥起復與王黼不協迺陰結蔡攸梁師成等讒黼罷之

明年拜少宰無所建明惟阿順趨詔充位而已都人目為浪子宰相徽宗內禪命為龍德宮使升太宰知衆議不與外患日偪抗疏丐宮祠金人既薄都城李綱种師道罷邦彥堅主割地之議太學生陳東數百人伏宣德門上書言邦彥及白時中張邦昌趙野王孝迪蔡懋李忱之徒為社稷之賊請斥之邦彥退朝羣指而大詬且欲毆之邦彥疾馳得免迺以特進觀文殿學士充太一宮使不旬日吳敏為請復起為太宰人皆駭愕言者交論之出知鄧州遂請持餘服提舉亳州明道宮建炎初以主和誤國責建武軍節度副使潯州安置方蔡京王黼用事附麗者多援引入政府若余深薛昂吳敏王安中趙野史皆逸其事因附著於此云

余深福州人元豐五年進士及第崇寧元年為太常博士著作佐郎改司封員外郎拜監察御史殿中侍御史試辟雍司業累官御史中丞兼侍讀治張懷素獄事連蔡京與開封尹林摠曲為掩覆獄辭有及京者輒焚之京遂力引深與摠驟至執政大觀二年以吏部尚書拜尚書左丞三年轉中書侍郎四年轉門下侍郎京既致仕身不自安累疏請罷乃以資政殿學士知青州政和二年京復赴都堂治事於是深復入為門下侍郎七年拜少宰宣和元年為太宰進拜少保封豐國公再封衛國加少傅時福建以取花果擾民深為言之徽宗不悅遂請罷出為鎮江軍節度使知福州靖康初加恩特進觀文殿大學士故事凡僕射使相宣徽使皆判州府深以少傅節度知福州有司失之也深詔附蔡京結為死黨京姦謀詭計得助多者深為首據次之言者累章劾深深益懼巧致仕建炎二年降中大夫臨江軍居住尋以渡江恩赦還鄉里卒子日章亦以言者罷徽猷閣待制

薛昂杭州人登元豐八年進士第崇寧初歷太學博士校書郎著作佐郎為殿中侍御史試起居郎改中書舍人兼侍讀升給事中兼大司成昂稟學術士子有用史記西漢語輒黜之在哲宗時常請罷史學哲宗斥昂為俗佞拜翰林學士以不稱職改刑部尚書轉兵部大觀三年拜尚書左丞明年請補外出知江寧徙河南久之提舉嵩山崇福宮政和三年蔡京復用事昂復自尚書右丞為左

丞選門下侍郎尋請罷授彰化軍節度使佑神觀使改特進充資政殿大學士知應天府昂與余深林摠始終附會蔡京至舉家為京諂或誤及之輒加笞責昂嘗誤及即自批其口靖康初言者斥其罪詔以金紫光祿大夫致仕杭州軍亂昂不請命領州事責徽州居住昂主王氏學嘗在安石坐圍棋賭詩局敗昂不能作安石代之時人以為笑云

吳敏字元中真州人大觀二年辟雍私試首選蔡京喜其文欲妻以女敏辭因擢浙東學事司幹官為秘書省校書郎京薦之充館職中書侍郎劉正夫以敏未嘗過省不可京乃請御筆特召上殿除右司郎官御筆自此始違者以大不恭論繇是權倖爭請御筆而繳駁之任廢矣升中書舍人同修國史改給事中敏為蔡京所引鄭居中方秉政敏數言其失居中銜之坐駭盜當死者罷為右文殿修撰提舉南京鴻慶宮久之復為給事中權直學士院兼侍講徽宗將內禪蔡攸探知上意引敏入對宰臣執政皆在敏前奏事且曰金人渝盟舉兵犯順陛下何以待上感然曰奈何時東幸計已定命戶部尚書李稅先出守金陵敏退詣都堂言曰朝廷便為棄京師計何理也此命果行雖死不奉詔宰執以為言稅遂罷行皇太子除開封尹上去意益決敏因奏對得請遂薦李綱綱嘗語敏以上宜傳位如唐天寶故事故薦之冀上或有所問也明日宰臣奏事徽宗獨留李邦彥語敏所對命除門下侍郎輔太子敏駭曰臣既畫計當從陛下巡幸陛下且傳位而臣受不次之權臣曷敢上言不意卿乃爾敢言於是命敏草傳位詔欽宗既立上皇出居龍德宮敏與蔡攸同為龍德宮副使遷知樞密院事拜少宰敏主和議與太宰徐處仁議不合紛爭上前御史中丞李回劾之與處仁俱罷為觀文殿大學士醴泉觀使頃之有者論其莛蔡京父子出知揚州再貶崇信軍節度副使涪州安置建炎初移柳州俄用范宗尹薦起知潭州敏辭免丐宮祠乃提舉洞霄宮紹興元年復觀文殿大學士為廣西湖南宣撫使卒于官

王安中字履道中山陽曲人進士及第調瀛州司理參軍大名縣主簿歷秘書省著作郎政和間天下爭言瑞應廷臣輒箋表賀徽宗觀所作稱為奇才他日

特出制詔三題使具草立就上卽草後批可中書舍人未幾自秘書少監除中書舍人權御史中丞開封遷卒夜跡盜盜脫去民有驚出與卒遇縛以爲盜民訟諸府不勝考掠之慘遂証服安中廉知之按得寃狀卽出民抵吏罪有徐禪者以增廣鼓鑄之說媚于蔡京京奏遣禪措置東南九路銅事且令搜訪寶貨禪圖繪阮冷增舊幾十倍且請開洪州嚴陽山阮迥有司承歲額數十兩其所烹煉實得銖兩而已禪術窮乃妄請得希世珍異與古之寶器乞歸書藝局京主其言安中獨論禪欺上擾下宜令九路監司覆之禪竟得罪時上方擲神仙之事蔡京引方士王仔昔以妖術見朝臣戚里寅緣關通安中疏請自今招延山林道術之事當責所屬保任宜召出入必令察視其所經由仍申嚴臣庶往還之禁并言京欺君僭上蠹國害民數事上悚然納之已而再疏京罪上曰本欲卽行卿章以近天寧節侯過此當爲卿罷京京伺知之大懼其子攸日夕侍禁中泣拜懇祈上爲遷安中翰林學士又遷承旨宣和元年拜尚書右丞三年爲左丞金人來歸燕謀帥臣安中請行王黼贊於上授慶遠軍節度使河北河南燕山府路宣撫使知燕山府遼降將郭藥師同知府事藥師跋扈府事皆專行安中不能制第曲意奉之故藥師愈驕俄加檢校少保改少師時山後諸州俱陷唯平州爲張覺所據金人入燕以覺爲臨海軍節度使其後叛金金人攻之覺敗奔燕金人來索急安中不得已縊殺之函其首送金郭藥師宣言曰金人欲覺卽與若求藥師亦將與之乎安中懼奏其言因力求罷藥師自是解體金人終以是啓釁安中以上清寶錄宮使兼侍讀召選除檢校太保建雄軍節度使大名府尹兼北京留守司公事靖康初言者論其締合王黼童貫及不幾察郭藥師叛命罷爲觀文殿大學士提舉嵩山崇福宮又責授朝議大夫秘書少監分司南京隨州居住又貶單州團練副使象州安置高宗卽位內徙道州尋放自便紹興初復左中大夫子辟章知泉州迎安中往未幾卒年五十九安中爲文豐潤敏拔尤工四六之製徽宗嘗宴睿謨殿命安中賦詩百韻以紀其事詩成賞數不已令大書于殿屏凡侍臣皆以副本賜之其見重如此有初寮集七十六卷傳于世

王襄初名寧鄧州南陽人擢進士第崇寧二年以軍器監主簿言事稱旨擢庫部員外郎改光祿少卿出察訪陝西還顯謨閣待制權知開封府府事浩穰訟者株蔓千餘人縲繫滿獄襄晝夜決遣四旬俱盡又聞月獄再空遷龍圖閣直學士吏部侍郎出知杭州未至改海州又改應天府徙鄆州召爲禮部尚書移兵部出知潁州改承興軍蒲城妖賊王寧適同姓名請更名宐爲左司諫石公弼所劾徙汝州俄奪學士提舉南京鴻慶宮大觀三年以集賢殿修撰知潭州改兵部侍郎使高麗還對稱旨詔賜名襄歷工部吏部尚書拜同知樞密院事坐薦引近侍以延康殿學士罷知亳州又坐交通郭天信落職提舉嵩山崇福宮久之起知鄆州復學士秩尋加資政殿學士徙知淮寧府以言事忤王黼復提舉崇福宮宣和六年起爲河南尹金人再入出爲西道都總管張果剛之高宗開大元帥府襄以所部兵會于虞城縣卽位命襄知河南府襄初與趙野分總西北道諸軍金人圍京師徵兵入援二人故迂道宿留至是降寧遠軍節度副使永州安置卒

趙野開封人登政和二年進士第歷監察御史殿中侍御史試起居舍人兼太子舍人俄遷中書舍人給事中大司成拜刑部尚書翰林學士時蔡京王黼更秉政植黨相擠一進一退莫有能兩全者野處之皆得其心京黼亦待之不疑宣和七年拜尚書右丞升左丞靖康初爲門下侍郎徽宗東幸詔野爲行宮奉迎使以左司諫陳輔言罷野行出爲北道都總管顏岐副之已而落職提舉嵩山崇福宮元帥府建命與范訥爲宣府司守東京尋帥師屯宛亭以待王師王襄既責野亦降安遠軍節度副使鄆州安置建炎元年復起知密州時盜賊充斥山東軍駕如淮南命令阻絕野棄城去軍校杜彥等乘間作亂追野以歸彥坐堂上數之曰汝知州而攜家先遁此州之人誰其爲主野不能應遂見殺家屬悉爲賊所分唯子學老得免

曹輔字載德南劍州人第進士政和二年以通仕郎中問學兼茂科歷秘書省正字自政和後帝多微行乘小轎子數內臣導從置行幸局局中以帝出日謂之有排當次日未還則傳旨稱宸廄不坐朝始民間猶未知及蔡京謝表有輕

車小輦，七賜臨幸，自是邸報聞四方。而臣僚阿順莫敢言，輔上疏略曰：陛下厭居法宮，時乘小輿出入塵陌之中，郊坰之外，極游樂而後反，道塗之言始猶有忌，今乃談以為帝某日由某路適某所，某時而歸，又云輿飾可辨而辟，臣不意陛下當宗廟社稷付託之重，玩安忽危，一至於此。夫君之與民，本以人合，合則為腹心，離則為楚越。畔服之際，在於斯須，甚可畏也。昔者仁祖視民如子，憫然惟恐或傷，一旦宮圍不禁，衛士輒踰禁城，幾觸寶瑟，荷天之休，帝躬保佑，俚語有之，盜憎主人，主人何負於盜哉？況今革冗員，斥濫奉，去浮屠，誅胥吏，蚩愚之民，豈能一一引咎，安分萬一，當乘輿不戒之初，一夫不逞，包藏禍心，發蠱毒之毒，奮獸窮之計，雖神靈垂護，然亦損威傷重矣。又況有臣子不忍言者，可不戒哉？臣願陛下身居高拱，淵默雷聲，臨之以穹昊至高之勢，行之以日月有常之度，及其出也，太史擇日，有司除道，三衛百官，以前以後，若曰省煩約費，以便公私，則臨時降旨，存所不可闕，損所未嘗用，雖非祖宗舊制，比諸微服晦跡，下同臣庶，堂陞陵夷，民生姦望，不猶愈乎？上得疏，出示宰臣，令赴都堂審問。大宰余深曰：輔小官，何敢論大事，輔對曰：大官不言，故小官言之，官有大小，愛君之心則一也。少宰王黼陽顧左丞張邦昌右丞李邦彥曰：有是事乎？皆應以不知輔曰：茲事雖里巷細民無不知，相公當國，獨不知邪？曾此不知，焉用彼相，輔怒其侵己，令吏從輔受辭，輔操筆曰：區區之心，一無所求，愛君而已，退待罪於家，輔奏不重責輔，無以息浮言，遂編管郴州。輔將言，知必獲罪，召子紳來付以家事，迺閉戶草疏，夕有惡鳥鳴屋，極聲若紡輪，心知其不祥，弗恤也。處邨六年，輔當國不得移，輔亦怡然不介意。靖康元年，召為監察御史，守殿中侍御史，除左諫議大夫，御史中丞，不旬日，拜延康殿學士，簽書樞密院事，未幾，免簽書，金人圍汴，都要親王大臣出盟，輔與尚書左丞馮澥出使粘罕軍，康王開元帥府于相州，金人請欽宗，詔召之，乃遣輔往，迺至曹州，不見而復，遂從二帝留金軍中，張邦昌請歸輔，輔歸，乞奉祠，邦昌不從，康王次南京，邦昌遣輔來見，康王即位，輔仍舊職，未幾卒，詔厚恤其家。

耿南仲，開封府人，與余深同年登第，提舉兩浙常平，徙西路，改轉運判官，提點

廣南東路及夔州路刑獄，荆湖江西兩路轉運副使，入為戶部員外郎，辟雍司業，坐事罷知衢州，政和二年，以禮部員外郎為太子右庶子，改定王嘉王侍讀，俄試太子詹事，徽猷閣直學士，改寶文閣直學士，在東宮十年，欽宗辭內禪，得疾出臥福寧殿，宰相百官班候，日暮不敢退，李邦彥曰：皇太子素親耿南仲，可召之入，南仲與吳敏至殿中侍疾，明日，帝即位，拜資政殿大學士，簽書樞密院事，未幾，免簽書，帝以南仲東宮舊臣，禮重之，賜宅一區，升尚書左丞，門下侍郎，金人再舉鄉京師，請割三鎮以和，議者多主戰守，唯南仲與吳玘堅欲割地，康王使軍前，請南仲偕帝以其老，命其子中書舍人廷禧代行，金人次洛陽，不復言三鎮，直請畫河為界，於是議遣大臣往，南仲以老辭，韓昌以親辭，上大怒，令南仲出河東，昌出河北，議割地初，南仲自謂事帝東宮，首當柄用，而吳敏李綱越次進，位居己上，不能平，因每事異議，擯斥不附己者，綱等謂不可和，而南仲力沮之，為主和議，故戰守之備皆罷，康王在相州，南仲偕金使王訥往，衛州鄉兵殺殺訥，訥脫去，南仲獨趣衛，衛人不納，走相州，以上言，康王起河北兵入衛京師，因連署募兵榜揭之，人情始安，二帝北行，南仲與文武官吏勸進，高宗既即位，薄南仲為人，因其請老，罷為觀文殿大學士，提舉杭州洞霄宮，延禧以龍圖閣直學士知宣州，已而言者論其主和誤國罪，詔鑄學士秩，延禧亦落職，與祠，尋責南仲臨江軍居住，御史中丞張澂又言，南仲趣李綱往救河東，以致師潰，蓋不恤國事，用此報讎，帝曰：南仲誤淵聖，天下共知，朕嘗欲手劍擊之，命降授別駕，安置南雄，行至吉州，卒，建炎四年，復觀文殿大學士。

王萬，字元忠，江州人，父易簡，資政殿大學士，兼侍講，寓歷校書郎，著作佐郎，度支員外郎，兼充編修官，國子司業，為起居舍人，改中書舍人，兼蕃衍宅直講，欽宗立，以給事中命兼選英殿經筵侍講，轉吏部侍郎，升禮部尚書，翰林學士，康王之使金也，以萬為尚書左丞副之，萬憚行，假夢兆巧免，易簡亦上書以請，上震怒，追毀左丞命，降單州團練副使，新州安置，并易簡宮祠黜之，建炎四年，賊馬進破江州，易簡等三百人俱被害。

論曰：三代之後，有天下而長久者，漢唐宋爾，漢唐末世，朋黨相殲，小人在位，然

猶有君子扶持遷延，浸微浸滅，未有純用小人。至於主辱國播，如宋中葉之烈也。蔡京以紹述爲羅，張端官修士而盡之，上箝下錮，其術巧矣。徽宗亦頗悟，間用鄭居中、王黼、李邦彥輩，褫京柄權，以不肖易不肖，猶去野葛而代烏喙也。庸愈哉。當是時，王蔡二黨，階京者芘京，締黼者右黼，援麗省臺，迭相指噉，微功挑患，汴洛既震，則恒縮無策。苟生句和，彼邦彥安中深敏輩，誤國之罪，當正其僇。而欽高二君，徒從竄典，信失刑矣。恪既預推戴，署狀乃死，無足贖者。輔以小臣，廟上面譙大臣，坐斥不變，獨終始無朋與，其賢矣乎。

宋史卷三百五十二

元 中書 右丞相 總裁 脫脫 等 修

列傳第一百十二

何 稟 孫 傳 陳 過 庭 張 叔 夜

聶 昌 張 閣 張 近 鄭 僅

宇文昌齡子常 許 幾 程 之 邵 龔 原

崔 公 度 蒲 貞

何稟字文績仙井人政和五年進士第一擢秘書省校書郎踰年提舉京畿學士召爲主客員外郎起居舍人遷中書舍人兼侍講徽宗數從咨訪欲付以言責或論稟與蘇軾鄉黨宗其曲學出知遂寧府已而留爲御史中丞論王黼姦邪專橫十五罪黼既抗章請去而尤豫未決稟繼上七章黼及其黨胡松年胡益等皆罷稟亦以徽猷閣待制知秦州欽宗立復以中丞召閱月爲翰林學士進尚書右丞中書侍郎會王雲使金帥幹萬不軍還言金人怒割三鎮緩却禮幣弗納曰兼旬使不至則再舉兵於是百官議從其請稟曰三鎮國之根本奈何一旦棄之況金人變詐罔測安能保必信割亦來不割亦來宰相主割議罔論辨不已曰河北之民皆吾赤子棄地則并其民棄之豈爲父母意哉帝頗悟稟請建四道總管使統兵入援以胡直孺王襄趙野張叔夜領之兵既響應而唐恪耿南仲聶昌信和議相與謀曰方繼好息民而調發不已使金人聞之奈何亟撤止之稟解政事俄以資政殿大學士領開封尹金兵長驅傳城下帝罷恪相而拜稟爲尚書右僕射兼中書侍郎始復三省舊制時康王在河北信使不通稟建議請以爲元帥密草詔彙上之乃以康王充天下兵馬大元帥陳遼充兵馬元帥宗澤汪伯彥充副元帥京城失守從幸金帥營遂留不返既而議立異姓金人曰唯何稟李若水毋得預議既陷逆廷稟仰天大慟不食而死年三十九建炎初詔以爲觀文殿大學士提舉玉局觀使祿其家計聞贈開府儀同三司議者指其誤國不行秦檜自北還具道其死時狀乃改贈大學士官其家七人

孫傳字伯野海州人登進士第中詞學兼茂科爲秘書省正字校書郎監察御

史禮部員外郎時蔡脩爲尚書傳爲言天下事勸其亟有所建不然必敗脩不

能用遷秘書少監至中書舍人宣和末高麗入貢使者所過調夫治舟騷然煩

費傳言索民力以妨農功而於中國無絲毫之益宰相謂其所論同蘇軾奏貶

蘄州安置給事中許翰以爲傳論議雖偶與軾合意亦亡他以職論事而責之

過矣翰亦罷去靖康元年召爲給事中進兵部尚書上章乞復祖宗法度欽宗

問之傳曰祖宗法惠民熙豐法惠國崇觀法惠姦時謂名官十一月拜尚書右

丞俄改同知樞密院金人圍都城傳日夜親當矢石讀丘濬感事詩有郭京楊

適劉無忌之語於是人中訪得無忌龍衛兵中得京好事者言京能施六甲法

可以生擒二將而掃蕩無餘其法用七千七百七十七人朝廷深信不疑命以

官賜金帛數萬使自募兵無問技藝能否但擇其年命合六甲者所得皆市井

游惰旬日而足有武臣欲爲偏裨京不許曰君雖材勇然明年正月當死恐爲

吾累其誕妄類此敵攻益急京談笑自如云擇日出兵三百可致太平直襲擊

至陰山乃止傳與何稟尤尊信傾心待之或上書見傳曰自古未聞以此成功

者政或聽之姑少信以兵俟有尺寸功乃稍進任今委之太過懼必爲國家羞

傳怒曰京始爲時而生敵中瑣微無不知者幸君與傳言若告他人將坐沮師

之罪揖使出又有稱六丁力士天關大將北斗神兵者大率皆效京所爲識者

危之京曰非至危急吾師不出稟數趣之徙期再三乃啓宣化門出戒守陣者

悉下城無得竊覘京與張叔夜坐城樓上金兵分四翼謀而前京兵敗退墮於

護龍河填屍皆滿城門急閉京遽白叔夜曰須自下作法因下城引餘衆南遁

是日金人遂登城二年正月欽宗請金帥營以傳輔太子留守仍兼少傅帝兼

旬不返傳屢貽書請之及廢立檄至傳大慟曰吾惟知吾君可帝中國爾苟立

異姓吾當死之金人來索太上帝后諸王妃主傳留太子不遣密謀匿之民間

別求狀類宦者二人殺之并斬十數死囚持首送之給金人曰宦者欲竊太子

出都人爭鬪殺之誤傷太子因帥兵討定斬其爲亂者以獻苟不已則以死繼

之越五日無肯承其事者傳曰吾爲太子傳當同生死金人雖不吾索吾當與

之俱行求見二會面責之庶或萬一可濟傳寓直皇城司其子來省叱之曰使汝勿來而竟來邪吾已分死國雖汝百輩來何益揮使速去子亦泣曰大人以身殉國兒尚何言遂以留守事付王時雍而從太子出至南薰門范瑠力止之金守門者曰所欲得太子留守何預傳曰我宋之大臣且太子傳也當死從是夕宿門下明日金人召之去明年二月死於朔廷紹興中贈開府儀同三司諡曰忠定

陳過庭字賓玉越州山陰人中進士第為館陶主簿澶州教授知中牟縣除國子博士何執中侯蒙器其才薦之擢祠部吏部右司員外郎使契丹過庭初名揚庭辭曰徽宗改賜今名時人或傳契丹主苦風痺又箭損一目過庭歸證其妄且勸帝以邊備為念遷太常少卿起居舍人宣和二年進中書舍人纔七日遷禮部侍郎未盡一月又遷御史中丞兼侍讀睦寇竊發過庭言致寇者蔡京養寇者王黼竄二人則寇自平又朱勔父子本刑餘小人交結權近竊取名器罪惡盈積宜昭正典刑以謝天下由是大與權貴齟齬以不舉劾之罪罷知蘄州未半道責海州團練副使黃州安置三年得自便欽宗立以集英殿修撰起知潭州未行以兵部侍郎召在道除中丞初入見帝諭以國家多難每事當悉心盡言於是節度使范訥巧歸環衛過庭因言自崇寧以來建旄鉞者多不由勳績請除宗室及將帥立功者餘並如訥例又乞辨宣仁后誣謗姚古擁兵不援太原陳其可斬之罪七竄諸嶺表進禮部尚書權右丞中書侍郎議遣大臣割兩河與金耿南仲以老壽昌以親辭過庭曰主憂臣辱願効死帝為揮涕歎息固遣南仲昌及城陷過庭亦以金人拘之軍中因留不得還建炎四年卒于燕山年六十贈開府儀同三司諡曰忠肅

張叔夜字禧仲侍中耆孫也少喜言兵以蔭為蘭州錄事參軍州本漢金城郡地最極邊恃河為固每歲河冰合必嚴兵以備士不釋甲者累月叔夜曰此非計也不求要地守之而使敵迫河則吾既殆矣有地曰大都者介五路間羌人入寇必先至彼點集然後議所向每一至則五路皆據叔夜按其形勢畫攻取之策訖得之建為西安州自是蘭無羌患知襄城陳留縣將之奇薦之易禮賓

副使通事舍人知安肅軍言者謂太優還故官獻所為文知舒海秦三州大觀中為庫部員外郎開封少尹復獻文召試制誥賜進士出身遷右司員外郎使遼宴射首中的遼人數詫求觀所引弓以無故事拒不與還圖其山川城郭服器儀範為五篇上之從弟克公彈蔡京京遷怒叔夜摭司存微過貶監西安草場久之召為秘書少監擢中書舍人給事中時吏惰不虔凡命令之出於門下者預列銜使書名而徐填其事謂之空黃叔夜極陳革其弊進禮部侍郎又為京所忌以徽猷閣待制再知海州宋江起河朔轉略十郡官軍莫敢舉其鋒聲言將至叔夜使間者覘所向賊徑趨海瀕劫鉅舟十餘載鹵獲於是募死士得千人設伏近城而出輕兵距海誘之戰先匿壯卒海旁伺兵合舉火焚其舟賊聞之皆無鬪志伏兵乘之擒其副賊江乃降加直學士徙濟南府山東羣盜猝至叔夜度力不敵謂僚吏曰若束手以俟援兵民無噍類當以計緩之使延三日吾事濟矣乃取舊赦賊文俾郵卒傳至郡盜聞果小懈叔夜會飲譙門示以閒暇遣吏諭以恩旨盜狐疑相持至暮未決叔夜發卒五十人乘其情擊之盜奔潰追斬數千級以功進龍圖閣直學士知青州靖康改元金人南下叔夜再上章乞假騎兵與諸將并力斷其歸路不報從鄧州四道置帥叔夜領南道都總管金兵再至欽宗手札趣入衛即自將中軍子伯奮將前軍仲熊將後軍合三萬人翌日上道至尉氏與金游兵遇轉戰而前十一月晦至都帝御南薰門見之軍容甚整入對言賊鋒方銳願如唐明皇之避祿山暫詣襄陽以圖幸雍帝領之加延康殿學士閏月登城叔夜陳兵玉津園鎧甲光明拜舞城下帝益喜進資政殿學士令以兵入城俄簽書樞密院連四日與金人大戰斬其金環貴將二人帝遣使齎蠟書以褒寵叔夜之事檄告諸道然迄無赴者城陷叔夜被創猶父子力戰車駕再出郊叔夜因起居叩馬而諫帝曰朕為生靈之故不得不親往叔夜號慟再拜眾皆哭帝回首字之曰禧仲努力金人議立異姓叔夜謂孫傳曰今日之事有死而已移書二帥請立太子以從民望二帥怒追赴軍中至則抗請如初遂從以北道中不食粟唯時飲湯既次白溝馭者曰進界河矣叔夜乃矍然起仰天大呼遂不復語明日卒年六十三計開贈開府儀

同三司，證忠文。

弄昌，字幸遠，撫州臨川人。始，繇太學上舍釋褐，爲相州教授。用蔡攸薦，召除秘書郎。擢右司員外郎。時三省大吏皆官視卿監者，立都司。上，昌以名分未正，極論之。詔自今至朝請大夫止，以直龍圖閣爲湖南轉運使。還爲太府卿。戶部侍郎，改開封尹。復爲戶部。昌本厚王黼，既而從蔡京，爲黼所中。罷知德安府。又以鄉人訟請崇信軍節度副使，安置衡州。欽宗立，吳敏用事，以昌猛厲徑行，爲可助己，自散地授顯謨閣直學士。知開德府。道拜兵部侍郎，進戶部尚書，領開封府。昌遇事奮然不顧，敢誅殺，敏度不爲用。始憚之，引唐恪徐處仁等共政，獨遺昌。李綱之罷，太學生陳東及士庶十餘萬人，搗鼓伏闕下，經日不退。遇內侍輒殺之。府尹王時雍麾之不去。帝顧昌俾出諭旨，即相率聽命。王時雍欲寬東等獄，昌力言不可。乃止。昌再尹京，惡少年怙亂，畫爲盜，入官民家，摸金帛，且去，輒自縛。黨中三兩輩，聲言擒盜，持伏部走委巷，乃釋縛，分所掠而去。人不奠居。昌悉彈治正法，而縱博弈不之問，或謂令所禁。昌曰：姑從所嗜，以懈其謀，是正所以禁其爲非爾。昌舊名山，至是帝謂其有周昌抗節之義，乃命之曰：昌，京師復戒嚴，拜同知樞密院，入謝，即陳扞敵之策曰：三關四鎮，國家藩籬也，聞欲以界敵，一朝淪盟，何以制之？願勿輕與，而檄天下兵集都畿，堅城守以遏其衝，簡禁旅以備出擊，壅河流以斷歸路，前有堅城，後有大河，勁兵四面而至，彼或南下，墮吾網中矣。臣願激合勇義之士，設伏開關，出不意，掃其營，以報帝壯之，命提舉守禦，得以便宣行事。會金人再議和，割兩河，須大臣報聘，詔取南仲及昌往。昌言：兩河之人，忠義勇勁，萬一不從，必爲所執，死不瞑目矣。儻和議不遂，臣當分遣官屬，促動王之師入衛，許之行。次永安，與金將粘罕遇，其從者稱閣門舍人，止昌徹繳，令用膀子贊名引見。昌不可，爭辯移時，卒以客禮見。昌往河東，至絳，絳人閉壁拒之。昌持詔抵城下，縋而登，州鈐轄趙子清麾衆害昌，扶其目而斃之。年四十九。建炎四年，始贈觀文殿大學士，諡曰忠愍。父用之，年九十以憂死。昌爲人疎傳，喜周人之急，然恩怨太明，睡毗必報。王黼之死，昌實遣客刺之。塞屍道旁，遂附取顯位。左右其說以誤國，卒至禍變，而身亦不免焉。

論曰：何處孫傳弄昌，皆疎俊之士，而器質虛薄，使當重任於艱難之秋，宋事蓋可知矣。欽宗之再詰金營，卓實誤之一死不足償也。傳匿太子之謀甚疎，昌河東之行尤謬，效死弗當，徒傷勇爾。過庭因方臘之亂，乞誅蔡京，王黼朱勳以謝天下，庶幾有敢諫之風焉。

張閣，字臺卿，河陽人。第進士，崇寧初，由衛尉主簿遷祠部員外郎。資閣淺，爲掌制者所譏。蔡京主之，乃止。俄徙吏部。遷宗正少卿，起居舍人，屬疾不能朝。改顯謨閣待制，提舉崇福宮，疾愈，拜給事中，殿中監，爲翰林學士。河北諸帥以繕城訖，役降獎詔，有中貴人爲之地，將繼此策。賞閣言：此牧伯常職，若獎之恐開邀功生事之路。徽宗曰：卿言是也，格不下。嘗夜感寒，草制彙進，帝猶坐，賞其警敏，賜詩以爲寵。京免相，閣當制，歷數其過，詞語適拔，人士多傳誦之。京復相，以龍圖閣學士知杭州，浙部和買絹，杭獨居十三戶，有至數百匹者。閣請均之，他郡杭久闕守，閣經理有敘，去惡少年之爲人害者。州以理聞，召拜兵部尚書，兼侍讀，復爲學士。上日特賜勅詔，且有意大用。未幾卒。年四十六。閣初出守杭，思所以固寵，辭曰：乞自領花石綱事，應奉由是滋熾云。

張近，字幾仲，開封人。第進士，累遷大理正，發運使。呂溫卿以不法聞，近受詔鞫治，哲宗諭之曰：此出朕命，卿毋畏。溫卿對曰：法之所在，雖陛下不能使臣輕重。何惠卿也。溫卿護不肯置對，近言：溫卿所坐明白，儻聽其蔓詞，懼爲株連者累。詔以衆證定其罪，提舉河北東路常平，西路刑獄。入爲刑部員外郎。大理少卿以集賢殿修撰知瀛州，遠使爲夏人請命，而宿兵以臨我，近請亦出秦甲戌北道伐其謀。邊人呂懺兒入瓦橋爲盜，吏執之，遠人因略宋民爲質。近言：朝廷方繼好息民，當使曲在彼，一偷之得失，不足爲輕重釋之，使滄民漁於海遠，卒利其饒，而私舉網取魚，守兵與之鬪，斬級三十二，州將請賞之，或言所殺乃平人，宜論如律議，弗決。近言：邊人貪利，喜功，遂賞之，則爲國起怨，然彼挾兵涉吾地，謂之非盜，可乎？如罪以擅與，他日將誰使禦敵？願兩置賞刑，略而不問，從之。出鎮高陽八年，累加顯謨閣待制，直學士。徙知太原府，以疾提舉洞霄宮，先承詔買馬三千給牧戶。近悉數諸民，而不予直，爲御史所劾，失學士。二年而復之，卒。

年六十五

鄭僅字彥能徐州彭城人第進士為大名府司戶參軍留守文彥博以為材部使者檄往他郡彥博曰如鄭參軍詎可令數出奏改司法選冠氏令河決府西檄夜下調夫急僅方閱保甲盡籍即行先他邑至決遂塞使者怒劾之留守王拱辰爭於朝曰微冠氏城民魚矣猶坐罰金時河朔饑盜起獨冠氏無之且不入境他邑獲盜詰治之盜因言鄭冠氏仁故相戒不犯爾知福昌縣復值歲饑悉意振貸民不流亡當第賞不肯自列提舉京東常平入為戶部員外郎至太府卿加直龍圖閣為陝西都轉運使論魏餉河隄功進集賢殿修撰顯謨閣待制僅請籍閒田為官莊是歲鎮戎德順收穀十餘萬會西寧高永年戰沒熙河帥臣歸咎官莊奪屬荒地致其怨畔詔罷之議者以為惜改知寧州諸軍多殺老弱持首要賞僅下令非疆壯而能生致者賞半之有內附羌追寇得老人不忍殺擒之乃其父也相持哭一軍感動時諸路爭進討秦捷僅獨保境不生事寇一不犯徙秦州復為都轉運使召拜戶部侍郎改吏部侍郎知秦州以顯謨閣直學士通議大夫卒年六十七贈光祿大夫諡曰修敏子望之自有傳

宇文昌齡字伯修成都雙流人進士甲科調榮州推官熊本經制梓夔辟幹當公事凡攻討招襲建南平諸城皆出其畫運大理丞本歸闕言其功權提舉秦鳳路常平改兩浙神宗患司農圖籍不肅選官釐整昌齡以使夔路入辭留為寺主簿遂拜監察御史鄭延帥奏所部劉紹能與西羌通將為患帝察其不然命昌齡即鄜州鞠之果妄也昌齡因請深戒守臣毋生事微賞以靖邊人之心使還賜五品服尚書省建以為比部員外郎時官曹更新統紀未立昌齡悉心從事雖抵暮亦程更不止其所立綱要請於朝而行之三司故吏狂玩弛多不便思有以中之擢遷卒糾其宿直遣小吏取衾服事大臣欲論以私役帝以職事修飭釋不問改吏部員外郎出京西轉運副使召為左司員外郎送遠使至雄州當宴從者不待揖而坐昌齡諫其使曰兩朝聘好百年矣入境置宴非但今日揖而後坐此禮渠可闕邪使者陽若不服而心悟其非卒成禮去還太常少卿詔議郊祀合祭論者不一昌齡曰天地之數以高卑則異位以禮制則

異宜以樂舞則異數至於衣服之章器用之具日至之時皆有辨而不亂夫祀者自有以感於無自實以通於虛必以類應類以氣合氣然後可以得而親可以冀其格今祭地於圜丘以氣則非所合以類則非所應而求高厚之來享不亦難乎後竟用其議改直祕閣知梓州歷壽州河中府鄧州青三州徽宗立召為刑部侍郎徙戶部侍郎陝西魏芻糧於邊舊制令內郡轉給為民病昌齡建言止輸其州而令量取道里費助邊糴從之歲省糴價五百萬公私便之以寶文閣待制知開封府後為戶部侍郎知青杭越三州卒年六十五詔為封傳護送歸官給其葬費子常

常字權可政和末知黎州有上書乞於大渡河外置城邑以便互市者詔以訪常常言自孟氏入朝藝祖取蜀輿地圖觀之畫大渡為境歷百五十年無西南夷患今若於河外建城立邑虜情攜貳邊隙寔開非中國之福也尋提舉成都路茶馬自熙豐以來歲入馬蕃多至崇觀間其法始壞提舉官歲以所入進羨餘吏緣為姦市馬裁十一二且負其直夷人皆怨常盡革其弊馬遂溢額加直祕閣改知夔州進祕閣修撰官累中大夫卒

許幾字先之信州貴溪人少以諸生謁韓琦於魏琦勉入太學擢第調高安樂平主簿知南陵縣還民之託僧尼為姦者數百人提舉京西常平為開封府推官進至將作監吏與匠比為姦欺凡斲削塗墍丹牖之工當以次用而始役即獎給其廩費亡藝而患不均幾逆為之程費省工倍再遷太僕卿戶部侍郎以顯謨閣待制知鄆州梁山濼多盜皆漁者窟穴也幾籍十人為保使晨出夕歸否則以告輒窮治無脫者幾有吏幹善理財由是四入戶部至尚書嘗以搖泉布法罷又以治染院事失實知婺州進樞密直學士河北都轉運使徙知成德軍知太原府張商英裁損吏祿幾預其議貶永州團練副使安置袁州遇恩復中大夫卒

程之邵字懿叔眉州山人曾祖仁霸治獄有陰德之邵以父蔭為新繁主簿熙寧更募役法常平使者欲槩州縣民力以羨乏相補之邵曰此法乃成周均力遺意當各以一邑之力供一邑之役豈宜以此邑助他邑哉使者愧服辟之

邵爲屬聽其所爲，熊本察訪蜀道歸，語諸朝曰：「役法初行，成都路爲最詳，之邵力也。」詔召見，成都守趙抃奏留之，入爲三司磨勘官，得隱匿數十萬緡，從副使蹇周輔計度江嶺鹽，還除廣東轉運判官，元祐初提舉利梓路常平，周輔得罪，亦罷，知祥符縣，俄知泗州，爲慶路轉運判官，慶守疆狼不奉法，劾正其罪，大寧井鹽爲利博，前議者輒儲其半供公上，餘鬻於民，使先輸錢，鹽不足給民，以病告之，邵盡發所儲與之，商賈既通，關征增數倍，除主管秦蜀茶馬公事，革黎州買馬之弊，歲以仲秋爲市，市四月止，以羨茶入熙秦易戰騎，得良馬益多，知鳳翔府，民負債無以償，自焚其居，而給以遺火，有主藏吏殺四婢，人無知者，之邵發摘岐人傳誦，徙鄭州，元符中復主管茶馬，市馬至萬匹，得茶課四百萬緡，重實用師熙岷，不俟報運茶往博羅，發錢二十萬億佐用度，連加直龍圖閣，集賢殿修撰，三進秩爲熙河都轉運使，秦鳳出師，命之經制，即言已備十萬騎，可食三百日矣，徽宗喜，擢顯謨閣待制，敵犯熙河，之邵攝師事，屯兵行邊境，解去，俄得疾卒，方錄功轉大中大夫，不及拜，贈龍圖閣直學士，官護喪歸，子唐至寶文閣學士。

龔原，字深之，處州遂昌人，少與陸佃同師，王安石進士高第，元豐中爲國子直講，以虞蕃訟失官，哲宗卽位，詣訴理所得直，爲國子丞，太常博士，方議祀北郊，原曰：「合祭，非理也。」天子父母地，既不爲廢祠，其可爲暑而輟行，此漢儒陋說爾，願亟正之，加祕閣校理，充徐王府記室，出爲兩浙轉運判官，紹聖初召拜國子司業，入對，帝問曰：「卿歷徐鄭官，何爲補外，得非大臣私意乎？」對曰：「臣出使鄉部，獲知民間事宜，臣素知如是不知其因也，旋兼侍講，遷祕書少監，起居舍人，權工部侍郎，爲會布所重，安惇論其直，講時事，以集賢殿修撰知潤州，徽宗初入爲祕書監，進給事中，時除郎官五人，皆執政姻戚，悉舉駁之，又論郝隨得罪，不得居京師，鄧洵武不宜再入史院，朝論謂帝爲哲宗服，當循開寶故事，爲齊衰期，原曰：「三年之喪，自天子達于庶人，一也，主議者斥其妄，黜知南康軍，改壽州，俄用三年之制，乃復修撰，知揚州，還朝，歷兵工部二侍郎，除寶文閣待制，知廬州，陳璘擊秦京，原與璘善，或謂原實使之奪職，居和州，起爲亳州，命下

而卒年六十七，初王安石改學校法，引原自助，原亦爲盡力，其後司馬光召與語，譏切王氏，原反覆辨，揀不少衰，光嘆曰：「王氏習氣尙爾邪？」爲司業時，請以安石所撰字說洪範傳，及子雱論語孟子義，刊板傳學者，故一時學校舉子之文靡然從之，其敝自原始。

崔公度，字伯易，高郵人，口吃不能劇談，而內絕敏，書一閱卽不忘，劉沆薦茂才，異等，辭疾不應命，用父任補三班差使，非其好也，益閉戶讀書，歐陽修得其所作感山賦，以示韓琦，琦上之英宗，卽付史館，授和州防禦推官，爲國子直講，以母老辭，王安石當國，獻熙寧稽古一法，百利論，安石解衣握手延與語，召對廷和殿，進光祿丞，知陽武縣，京官謁尹，故事當拜庭下，公度疑尹辱己，徑詣安石，訴之，安石使鄧綰薦爲御史，未幾爲崇文校書，刪定三司令式，於是誦言京官庭謁尹非宜，安石爲下編敕所更其制，加集賢校理，知太常禮院，公度起布衣，無所持守，惟知媚附安石，晝夜造請，雖踞廁見之不屑也，嘗從後執其帶尾，安石反顧，公度笑曰：「相公帶有垢，敬以袍拭去之。」爾見者皆笑，亦恬不爲恥，請知海州，元祐紹聖之間，歷兵禮部郎中國子司業，除祕書少監，起居郎，皆辭不受，知穎潤宣通四州，以直龍圖閣卒。

蒲卣，字君錫，閬州人，母任知書，里中號任五經，卣幼以開敏聞，中進士第，歷利州司戶參軍，三泉主簿，知合江金水縣，通判文州，有獻議者欲開文州徑路達陝西，卣言：「洮岷積石至文爲甚遠，自文出江油，鄧艾取蜀故道也，異時鬼章欲從此窺蜀，爲其阻隘而止，夏人志此久矣，可爲之通道乎？」議遂塞，爲睦親宅教授，提舉湖北西常平，崇寧均田，轉運使以用不足，將度費以定稅，卣曰：「詔旨所以嘉惠元元，爾初不在增賦也，宛穰地廣沃，國初募民墾田，得爲世業，令人毋輒訴，蓋百年矣，好訟者稍以易佃法搖之，卣一切禁止，有持獻於權貴而降中旨給賜者，卣言：「地盈千頃，戶且數百，傳子至孫久，一旦改隸，衆將不安，先朝明詔具在，不可易也。」朝廷是其議，提點湖南刑獄，知鼎遠龍寧四州，復提舉潼州路刑獄，有議權酷於瀘敘間，云歲可得錢二十萬，卣言：「先朝念此地夷漢雜居，故弛其權禁，以惠安邊人，今之所行，未見其利，乃止累官中大夫，卒年七十。」

二

論曰傳曰尺有所不逮寸有所不羣觀二張之理郡鄭僅之守藩宇文父子之便邊糶草馬政許幾程之邵之經制財運蒲臣之議稅權皆有可稱道若閣之固寵於花石而龔原崔公度主王氏學以詔事安石則縉紳所不齒也

宋史卷三百五十三

元中書右丞相總裁脫脫等修

列傳第一百十三

沈銖

謝文瓘

陸蘊

黃寔

姚祐

樓昇

沈積中

李伯宗

汪澥

何常

葉祖洽

時彥

霍端友

俞棗

蔡蕤

沈銖字子平真州揚子人父季長王安石妹婿也銖少從安石學進士高第至國子直講季長領監事改審官主簿坐虞蕃事免歸元祐置訴理所被罪者爭自列銖獨不言紹聖初起為太學博士祕書省正字崇政殿說書受旨同編類元祐臣僚章疏以進講為解拜右司諫辭改起居郎權中書舍人吳居厚除戶部尚書銖論其使京東時聚斂詔具實狀不能對罰金講詩南山有臺至萬壽無期以為此太平之基立而可久之應哲宗屢首肯之真拜中書舍人兼侍講俄引疾以龍圖閣待制知宣州卒第錫

錫字子昭以王安禮任為鄂公司戶參軍崇寧初為講議司檢討蔡京方銓次元符上書人欲定罪錫曰遠方之士未能知朝廷好惡若槩罪之恐非敦世厲俗之道京不從除衛尉丞遷祠部員外郎提點江東刑獄知婺州入為左司員外郎兼定嘉二王侍講進太常少卿拜兵部侍郎以徽猷閣待制知應天府從江寧張懷素誅朝廷疑其黨有脫者江淮間往往以誣告與獄錫至郡有告者按之則妄也具疏于朝由是他郡繫者皆得釋歷知海泰汝宣四州以通議大夫致仕卒贈宣奉大夫

路昌衡字持正開封祥符人起進士至太常博士參鞠陳世儒獄逮治苛峻至士大夫及命婦皆不免遷右司員外郎歷江淮發運陝西轉運副使知廣州徙荆南又徙潭州加直龍圖閣知慶州紹聖中召為衛尉大理卿遷工部侍郎俄以贊文閣待制知開封府李清臣有狂婦人之訴昌衡致之重辟出知瀘州徙永興軍進直學士知成都徽宗立應詔上書曰頻年以來西方用兵致與大役

利源害政倭臣蔽主四者皆陰之過感自陝以西民力傷殘人不聊生災異之變生於天地之不和起於人心之怨望故妖星出見大河橫決秋雨霖淫諸路饑饉殍死道路妻子棄捐破析賞儲以應星火之令勤勞憔悴多不生還人心如此而欲其無怨難矣俄坐清臣獄事責司農少卿分司居鄆州明年起為滁州定州復直學士知開封府乞嚴告捕虛妄之法以靖訐訴徙南京留守又坐上書事落職入黨籍卒宣和五年贈龍圖閣學士

謝文瓘字聖藻陳州人進士甲科教授大名府元豐中上疏言臣下推行新法多失本意而榜笞禁錮民受其虐措克聚斂不勝多門其不急之征非理之取宜罷減之大臣以為訕朝廷議置之罪神宗曰彼謂奉法者非其人爾匪訕也哲宗時御史中丞黃履薦為主簿三年不諳執政政府召對除祕書省正字考功右司員外郎紹聖末都水使者議建廣武四掃石岸朝廷命先治岸數十步以驗其可否黃流湍悍役人多死一方甚病功不可成而使者申前說愈力文瓘條別利害罷其役徽宗立擢起居舍人給事中詔修神宗寶訓文瓘請擇當時大政事大黜陟節其要旨而為之說以進然所論率是王安石謂神宗能察衆多之謗任之而不貳於是朋黨消而威柄立他皆放此遂主洪基俎使往弔之令從者變服而入貶秩二等崇寧元年出知濮州尋治黨事坐元豐上疏及嘗詒呂公著書再調邵武軍移處州帝披黨籍曰朕究知文瓘本末命出籍迺以為集英殿修撰知濟州卒子貺宣和中為駕部員外郎知汝州欽宗時上封事十篇論事切至使于金還提點京西北路刑獄金人犯汝州貺自襄陽領兵往援之戰死

陸蘊字敦信福州侯官人少知名登進士第為太學春秋博士經廢員省改國朝會要所檢閱文字崇寧中提舉河北兩浙學事召對言元祐異意俗學既不為我用近詔不使一路而猶得為守令臣愚未知其可遂拜禮部員外郎轉吏部遷辟雍司業太常少卿議原廟不合黜知瑞金縣還為太常進國子祭酒中書舍人請蓋諸州天慶觀立學事司考課法遷大司成權御史中丞引門下侍郎余深親嫌自列徽宗曰相避之法防有司不能盡公爾侍從吾所信任豈

得下同庶僚乎不許蘊頗論事嘗言御筆一日數下而前後相違非所以重命
令輔相大臣官戚里賜第營築縱撤民居縣官市材於民而不予直貴游子
弟以從官領開局奉朝請為員猥多無益於事又賜子過制中外用度多於賦
入數幸私室乖尊卑之分亦非臣下之福其言皆中時病以龍圖閣待制知福
州改建州時弟藻由列曹侍郎出為泉州過蘊合樂燕款聞人以為盛事加顯
謨閣直學士引疾提舉鴻慶宮方二浙用兵旁郡皆繕治守備蘊聞命就道使
者勅為避事奪職稍復集英殿修撰卒

黃寔字師是陳州人登進士第歷司農主簿積官提舉京西淮東常平元豐末
議罷提舉官命未布寔舅章惇屬蔡確從寔提點開封縣鎮提點梓州路兩
浙刑獄京東河北轉運副使哲宗以寔為監司久議召用曾布除沮之林希曰
寔兩女皆嫁蘇軾子所為不正不宜用乃以知陝州為江淮發運副使實遂主
登位及境逐者移牒來稱為實登實位使寔報以受命無實字拒不受還除太
僕卿再擢實文閣待制知瀛州徙定州朝旨籍民兵旁郡因緣擾困寔懷微不
下而畫利害請之事得寢卒于官贈龍圖閣直學士寔孝友敦睦世稱其內行
蘇轍在陳與寔游因結昏其後又與軾友善紹聖黨禍起寔以章惇甥故獲免
然亦不得久於朝者焉

姚祐字伯受湖州長興人元豐末第進士徽宗初除慶州路轉運判官且行會
帝幸禁苑御弓矢祐奏聖武臨射賦帝大悅留為右正言歷陳紹述之說遷左
司諫建議置輔郡以拱大畿進殿中監六尚局官制咸凡所以享上率屬察舉
稽違殿最勤惰之法皆祐裁定以親老請郡授顯謨閣待制知江寧府時召捕
張懷素祐追獲之復為殿中監踰歲以直學士知鄭州改秦州或請調熙河弓
箭士從邊以省更戍祐謂人情懷土重遷巧以二年為更戍之期滿歲樂業而
願留者乃聽且請擇熙秦富民分丁授地獨役借糧以勸耕植益廣秦之東西
川建城壁嚴保障以控熙河涇原皆從之復為殿中監改吏部侍郎命鎮蜀用
母老辭遷工部尚書加龍圖閣學士為大名尹進延康殿學士復為工部尚書
徙禮部母喪除知太原府縣有小胥造冢逼其先墓者祐疑為厭己請解官持

服先是詔許祐悉買墓旁地遂併徙他家小胥不從故祐持以為說言者論其
挾仇要君乃止以提舉上清寶錄宮卒贈特進諡曰文僊

樓異字試可明州奉化人進士高第調汾州司理參軍徙永興虞策幕府監在
京文繡院知大宗正丞遷度支員外郎以養親求知泗州復為吏部右司員外
郎左司郎中太府鴻臚卿除直祕閣知秀州政和末知隨州入辭請於明州置
高麗一司勅百舟應使者之須以遵元豐舊制州有廣德湖墾而為田收其租
可以給用徽宗納其說改知明州賜金紫出內帑緡錢六萬為造舟費治湖田
七百二十頃歲得穀三萬六千加直龍圖閣祕閣修撰至徽猷閣待制郡資湖
水灌漑為利甚廣往者為民包侵異令盡泄之墾田自是苦旱鄉人怨之在郡
五年既請溫之船官自隸以便役又請越台之鹽以佐費詔責之曰郡自有鹽
策不能與而欲東取諸台西取諸越斯乃以鄰國為壑也睦寇起善理城戍有
績進徽猷閣直學士知平江府卒

沈積中常州人賜進士出身為辟雍正戶部員外郎至祕閣修撰河北轉運使
召拜戶部侍郎進尚書知河間真定府積中本王黼所引拔黼方圖燕地使規
邊隙中書舍人程振語之曰當思異時覆族之禍積中感其戒至鎮以書謝振
感言其不可振宣告于朝已而師敗於白溝童貫還罷積中提舉上清寶錄宮
既得燕山又命以資政殿學士同知府未行而卒或曰為盜所殺或曰婢殺之
終亦不能明也貫惡其真言追削官職建炎中宰相上其書乃悉復之

李伯宗字會之河陽人第進士知內丘咸陽太康縣建言朝廷行方田均稅之
法令以豐歲推行今州縣吏苟簡懷異者指熟為災而貪進幸賞者掩災為熟
望深察其違戾而實諸罰括縣壯丁為兵得千人上其名數與按閱之法知樞
密院蔡下書而薦之提舉京畿保甲使行其說增籍二萬已而有訴者陳牒至
八百七十左遷通判相州提舉白波鞏運提點江淮坑冶鑄錢入為將作少監
開封民有鬻神祠故帽飾以龍者吏以為乘輿服御伯宗曰此無他當坐不應
為爾尹不從具以請如伯宗議歷大理卿入對言今情重法輕者許奏請而情
輕法重者不得焉恐非仁聖忠恕之意徽宗納之遷刑部侍郎與王黼不相能

用胥吏微過，罷提舉崇福宮。明年，知同州，徙陝西都轉運使，以通奉大夫顯謨閣待制卒。贈光祿大夫，諡曰榮。

汪灝，字仲容，宣州旌德人。少從胡瑗學易，又學於王安石，著三經義傳，灝與其議。又首傳其說，熙寧大學成，分錄學政，登進士第，調鼎州司理參軍，知黟縣，入爲太學正。累遷國子祭酒，兼定嘉二王珥善，擢中書舍人，爲大司成，議學制不合，以顯謨閣待制知婺州，改穎昌，又改陳壽二州，徙應天府，上章辭行，提舉崇福宮。卒，贈宣奉大夫，灝自布衣錄天子學，至爲正爲司業祭酒，迄于司成，官以儒名者三十年，一時人士推之。

何常，字德固，京兆人。中進士第，爲開封府兵曹，紹聖初，或言蘇軾主文柄，取士之非毀宗廟者，常預其間，出通判原州，歷將作丞丞，西轉運判官，熙河轉運副使，議者欲貸民金帛而使人粟塞下，常曰：車牛轉輸，民力已病，然未至於死亡者，粟自官出而民無害也。今疆以金帛使自入粟，懼非貧弱之利。熙帥及監軍劾之，貶秩徙成都路，中使持御札至，令織戲龍羅二千，繡旗五百，常奏：旗者軍器之飾，敢不奉詔，戲龍羅唯供御服，日衣一匹，歲不過三百有奇，今乃數倍無益也。詔擬其言爲減四之三，除直龍圖閣，加集賢殿修撰，爲使徙陝西，以顯謨閣待制知秦州，轉通議大夫，謀告夏人多築堡柵，議出兵牽制，常言：羌人生長射獵，今困於版築，違所長，用所短，可以拱手待其弊，無煩有爲也。從之。鎮秦六歲，察訪方邵劾其越法貨酒，借米麩於官而毀其曆，獄具，責昭化軍節度副使，數月復其官，終右文殿修撰，年七十三。

論曰：西漢之末，士大夫阿諛銷慳，遂底于亡。東都諸賢，以風節相尙，激成黨禍。宋元祐類東都，崇宣類西漢末世，蓋忠鯁獲罪，則相習容悅而已。君驕臣諂，此邦之所絲畏也。觀沈銖諸人，徒徇時軒輊，不能爲有上，惡足以言士哉。

葉祖洽，字敦禮，邵武人。熙寧初，策試進士，祖洽所對，專投合用事者，考官宋敏求蘇軾欲黜之。呂惠卿擢爲第一，僉奉國軍判官，判登聞檢院，由國子丞知湖州，留爲校書郎。元祐初，歷職方兵部員外郎，加集賢校理，進禮部郎中，給事中。趙君錫論其對策訕及宗廟，祖洽自辨，事下從官定議。蘇軾劉放言，祖洽謂

祖宗紀綱法度，因循苟簡，願朝廷與大臣合謀而新之，可以爲議論乖謬。若謂之訕則不可，於是但出提點淮西刑獄，紹聖中，入爲左司郎中，起居郎，中書舍人，給事中。祖洽性狠愎，喜諛附，密言王珪於冊立時有異論，哲宗曰：宣仁聖烈，婦人之堯舜也，其於社稷大計，聖意素定，朕已令作告命，明述此言。祖洽復言：若以珪爲無迹，則黃履劉拯相繼論之矣。願稽合羣情，決之獨斷。珪遂追貶，又言：司馬光呂公著獲終牖下，恩禮隆縟，蔡確受遺定策，而貶死嶺外，乞恤其孤。其論率類此。林希薦祖洽，謂其最向正，帝言不可大用，乃已。坐舉王回出知濟州，徙洪州，以牟利贖貨聞，祖洽與會布厚，人目爲小訓狐，布用事，欲以吏部侍郎召韓忠彥，不可，白爲寶文閣待制，知青州，未赴，布竟引爲吏部布罷，乃出知定州，且行，大言於上，至云：當時蔡確稍失事幾，王珪果遂姦謀，則神宗遂失正統，不知今日神器孰歸？臣爲朝廷宗社，明確之功，正珪之罪，勸沮忠邪於千萬年，以此報神宗足矣。徽宗怒其躁妄，降集賢殿修撰，提舉沖佑觀，自是不復用。久之，知洪州，改亳州，加徽猷閣直學士，政和末卒。

時彥，字邦美，開封人。舉進士第，簽書穎昌判官，入爲祕書省正字，累至集賢校理，紹聖中，遷右司員外郎，使遼，失職坐廢，旋復校理，提點河東刑獄，遷序辰使，遠還，又坐前受賜增拜，隱不言，復停官。徽宗立，召爲吏部員外郎，擢起居舍人，改太常少卿，以直龍圖閣爲河東轉運使，加集賢殿修撰，知廣州，未行，拜吏部侍郎，徙戶部，爲開封尹，異時都城苦多盜，捕得則皆亡卒，吏憚於移問，往往略之，彥始請一以公憑爲驗，否則拘繫之以俟報坊邑少安。獄屢空，數月，遷工部尚書，進吏部卒。

霍端友，字仁仲，常州武進人。徽宗卽位，策進士第一，授宣義郎，不閱月，擢祕書省校書郎，遷著作佐郎，起居郎，中書舍人，服金紫，故事唯服黑角帶，帝顧見之，曰：給事舍人等爾，而服飾相絕如是，始命犀帶佩魚，進給事中，大司成，禮部侍郎，端友言：朝廷尊安，重內輕外，可令內外侍從更迭出入，以奉禁闈，殿大邦，俾天下之勢如持衡，庶無首重尾輕之患。疏入，卽請補郡，迺以顯謨閣待制知平江，改陳州，爲政以寬聞，不立聲威，陳地汗下，久雨則積潦，時疏新河八百里，而

去淮尚遠水不時洩端友請益開二百里徹于淮自是水患遂去內侍石肅傳詔索瑞香花數十本端友不可疏罷之復以禮部召轉吏部官至通議大夫卒贈宣奉大夫

俞卓字祗若江寧人崇寧四年以上舍生賜進士第簽書鎮南軍判官未赴為辟雍博士秘書省正字吏部員外郎起居舍人兼定嘉二王記室擢中書舍人居三月進給事中殿中侍御史毛注建議罷增石炭場卓駁其非除顯謨閣待制知蔡州明日復留踰年竟出為襄州還拜給事中上言學校三代之學也然崇寧四年以前議者以為是五年則非之大觀三年以前議者以為是四年則非之豈學校固若是哉觀望者無定說爾必使士有成才人無異論事之不美者不出於學校然後為得言頗見行蔡京再相憾向所用士多畔己葉夢得言卓獨否遂拜御史中丞陳士風大弊又發戶部尚書劉炳為舉子時陰事京方倚炳為腹心辰其意改卓翰林學士遷兵部尚書以樞密直學士知開德府石公弼在襄州以論衙前事謫言者謂卓實倡之罷提舉崇禧觀竟以毀紹聖法度貶常州團練副使安置太平州行未至復述古殿直學士知寧江府

蔡夔字文鏡開封人崇寧五年以諸生試策揣蔡京且復用即對曰熙豐之德業足以配天不幸繼之以元祐紹聖之續述足以承賴不幸繼之以靖國陛下兩下求言之詔冀以聞至言收實用也而見於元符之末者方且幸時變而肆姦言乘間隙而投異意詆誣先烈不以為疑動搖國是不以為憚願逆處其未至而絕其原於是擢為第一以所對頒天下甫解褐即除秘書省正字遷起居舍人未幾為中書舍人自有衣至侍從纔九月前所未有也旋進給事中一意附蔡京敘族屬尊為叔父京命修修等出見夔亟云向者大誤公乃叔祖此諸父行也遽列拜之八寶赦恩詔兩省差擇元祐黨人情輕者出籍夔不肯書言者論其不能推廣上恩使歲久獲罪之人得以洗濯出知和州明年加顯謨閣待制知杭州始夔未第時以書謁陳瓘稱其諫疏似陸贄剛方似狄仁傑明道

似韓愈及對策所持論頗異遂欲害瓘以絕口因其子正彙告蔡京不軌執送京師夔復入為給事中又與宰相何執中謀使石誠治瑾幾不免事具權傳御

史毛注言陛下修善政以應天斥大姦以定國而夔巧言惑眾造為豐端疏入不報范柔中者頃以上書入邪等至是進階夔言柔中嘗毀神考哲宗有弗共戴天之讎自今春黨人復官士論駭愕有致疑於紹述者乞削其敘遷昭示好惡從之張商英作相常安民與之書激發為善夔弟菜剽其藁示夔即論之以搖商英夔遷翰林學士坐安議政事罷提舉洞霄宮起知建寧府方建神霄宮夔先一路奏辦下詔褒獎召為學士承旨禮部尚書書陰附權倖事覺徽宗令入對將面詰之踰月不奉詔帝怒命黜之御史言夔游太學則挾詭計以鉗諸生居侍從則挾私事以脅宰輔處門下則借國法以快私忿為郡守則妄尊大而蔑監司召自金陵偃然以丞轄自處既升宗伯乃懷不滿之心宜重實諸罰遂貶單州團練副使房州安置宣和中復龍圖閣直學士再知杭州為政喜怒徇情任刑大慘方臘亂後西北戌卒代歸人得犒絹疑禁民與為市乃下其直彊取之卒怒乘夔夜飲客縱火焚州治須其出殺之夔知事勢洶洶踰垣走僅得免詔奪職罷歸明年以徽猷閣待制卒

論曰自太宗歲設大科致多士居首選者躡取華要有不十年至宰相亦多忠亮雅厚為時名臣治平更三歲之制繼以王安石改新法士習始變哲徽紹述尚王氏學非是無以得高第葉祖洽首迎合時相意擢第一自是靡然士風大壞得人亦衰而上之恩秩亦薄矣熙寧而後訖於宣和首選十八人唯何臯馬涓與此五人有傳然時彥端友齷齪祖洽俞臯蔡夔儉邪小人蘇王氏之學不正害人心術橫潰爛漫邦家而覆之如是其懼焉此孟子所以必辯邪說正人心也

宋史卷三百五十四

元中書右丞相總裁脫脫等修
列傳第一百十四

賈易 董敦逸 上官均 來之邵

葉濤 楊畏 崔台符 楊汲

呂嘉問 李南公 董必 虞策

郭知章

賈易字明叔無爲人七歲而孤母彭以紡績自給日與易十錢使從學易不忍
使一錢每浹旬輒復歸之年踰冠中進士甲科調常州司法參軍自以儒者不
開法令歲議獄唯求合於人情曰人情所在法亦在焉訖去郡中稱平元祐初
爲太常丞兵部員外郎遷左司諫論呂陶不爭張舜民事與陶交攻遂劾陶黨
附蘇軾兄弟併及文彥博范純仁宣仁后怒其訐欲誅之呂公著救之力出知
懷州御史言其謝表文過從廣德軍明年提點江東刑獄召拜殿中侍御史遂
疏彥博至和建儲之議爲不然宣仁后命付史館彥博不自安竟解平章重事
而去蘇轍爲中丞易引前嫌求避改度支員外郎孫升以爲左遷又改國子司
業不拜提點淮東刑獄復入爲侍御史上書言天下大勢可畏者五一曰上下
相蒙而毀譽不得其真故人主聰明壅蔽下情不得上達邪正無別而君子之
道日消小人之黨日進二曰政事苟且而官人不任其責故治道不成萬事靡
廢惡吏市姦而自得良民受弊而無告愁歎不平之氣充溢宇宙以干陰陽之
和三曰經費不充而生財不得其道故公私困弊無及時預備之計衣食之源
日蹙無事之時尚猶有患不幸倉卒多事則狼狽窮迫而禍敗至矣四曰人材
廢闕而教養不以其方故士君子無可用之實而愚不肖充初於朝汙合苟容
之俗滋長背上欺君之風益扇士氣浸弱將誰與立太平之基五曰刑賞失中
而人心不知所向故以非爲是以黑爲白更相欺惑以罔其上爵之以高祿而
不加勸懲之以顯罰而不加懼懲利苟免之姦冒貨犯義之俗將何所不有今
二聖焦勞念治而天下之勢乃如此任事者不可以不憂是猶寢於積薪之上

火未及然而自以爲安可不畏乎然則欲知毀譽真僞之情則莫若明目達聰
使下無雍蔽之患欲官人皆任其責則莫若詢事考言循名責實欲生財不逆
其道則莫若敦本業而抑末作崇儉約而戒奢僭欲教養以其方則莫若廣詳
延之路厲廉恥之節使公卿大臣各舉所知召對延問以觀其能否善者用之
不善者罷之欲人心皆知所向則莫若賞以勸善刑以懲惡不以親疏貴賤爲
之輕重則民志一定而放僻邪侈不爲矣其言雖頗切直然皆老生常談志於
抵阨時事無他奇畫蘇軾守杭訴浙西災潦甚苦易率其僚楊畏安鼎論軾姑
息邀譽眩惑朝聽乞加考實詔下給事中范祖禹封還之以謂正官閣略不問
以活百姓易遂言軾頃在揚州題詩以奉上帝遺詔爲聞好語草呂大防制云
民亦勞止引周厲王詩以比熙寧元豐之政弟轍蚤應制科試文繆不應格幸
而濫進與軾昔皆誹怨先帝無人臣禮至指李林甫楊國忠爲喻議者由是薄
易出知宣州除京西轉運副使徙蘇州徐州加直秘閣元符中累請保靜軍行
軍司馬邵州安置徽宗立召爲太常少卿進右諫議大夫陳次升論其爲曾布
客改權刑部侍郎歷工部吏部未滿歲爲真以寶文閣待制知鄧州尋入黨籍
卒年七十三

董敦逸字夢授吉州永豐人登進士第調連州司理參軍知稷縣時方與水利
提舉官調民鑿馬渡港云可灌田二百頃敦逸言於朝以爲利不補害核實如
敦逸言免役夫十六萬全舊田三千六百頃徙知弋陽縣寶豐銅冶役卒多困
於誘略有致死者敦逸推見本末縱還鄉者數百人稍遷梓州路轉運判官元
祐六年召爲監察御史同御史黃慶基言蘇軾昔爲中書舍人制誥中指斥先
帝事其弟轍相爲表裏以紊朝政宰相呂大防奏曰敦逸慶基言軾所撰制詞
以爲謗毀先帝臣竊觀先帝聖意本欲富國強兵鞭撻不庭一時羣臣將順太
過故事或失當及太皇太后與皇帝臨御因民所欲隨事救改蓋事理當然爾
昔漢武帝好用兵重斂傷民昭帝嗣位博采衆議多行寢罷明帝尙察屢與軾
獄章帝改之以寬厚天下悅服未有以爲謗毀先帝者也至如本朝真宗即位
弛放逋欠以厚民財仁宗即位罷修宮觀以息民力凡此皆因時施宜以補助

先朝關政亦未聞當時士大夫有以為謗毀先帝者也。比惟元祐以來言事官用此以中傷士人，兼欲動搖朝廷，意極不善。轍復奏曰：臣昨日取兄軾所撰呂惠卿告觀之，其言及先帝者，有曰：始以帝堯之仁，姑試伯鯀，終然孔子之聖，不信宰子，兄軾亦豈是謗毀先帝者邪？臣聞先帝末年亦自深悔已行之事，但未暇改爾。元祐改更，蓋追述先帝美意而已。宣仁后曰：先帝追悔往事，至於泣下，大防曰：先帝一時過舉，非其本意。宣仁后曰：皇帝宜深知，於是敦逸慶基並罷，敦逸出為湖州運判，改知臨江軍，聖初軾輒失位，劉拯訟敦逸無罪，哲宗記其人曰：非前日白鬚御史乎？復除監察御史，論常安民為二蘇之黨，凡論議主元祐者斥去之，改工部員外郎，遷殿中侍御史，左司諫侍御史，入謝曰：臣再汗言路，第恐擗逐，不能久奉彈糾之責。哲宗曰：卿能言，無患朕之不能聽，卿言而信，無患朕之不能行也。瑤華秘獄成詔詰掖庭錄問，敦逸察知冤狀，握筆弗忍書，郝隨從旁脅之，乃不敢異，獄既上，於心終不安，幾兩旬，竟上疏，其略云：瑤華之廢，事有所因，情有可察，詔下之日，天為之陰翳，是天不欲廢之也。人為之流涕，是人不欲廢之也。臣嘗閱錄其獄，恐得罪天下，哲宗讀之，怒，蔡卞欲加重貶，章惇曾布以為不可，曰：陛下本以皇城獄出於近習，故使臺端錄問，冀以取信中外，今謫敦逸，何以解天下後世之謗？哲宗意解而止。明年用他事出知興國軍，徙江州，徽宗即位，加直龍圖閣，知荆南，召入為左諫議大夫，敦逸極言蔡京蔡卞過惡，遷戶部侍郎，卒年六十九。

上官均，字彥衡，邵武人。神宗熙寧舉，策進士，擢第二，為北京留守推官。國子直講，元豐中，蔡確薦為監察御史，裏行時相州富人子殺人，讞獄為審刑大理所疑，京師流言法官實莘等受賤，蔡確引猜險吏數十人窮治，莘等慘酷，無敢明其冤，均上疏言之，乞以獄事詔臣參治，坐是請知光澤縣，莘等卒無罪，天下服其持平，有巫託神能禍福人，致貲甚富，均焚像，杖巫出諸境，還監都進奏院，哲宗即位，擢開封府推官，元祐初，復為監察御史，議者請兼用詩賦取士，莘相遂欲廢經義，均言：經術以理為主，而所根者本也。詩賦以文為工，而所逐者末也。今不計本末而欲襲詩賦之弊，未見其為得也。自熙寧以來，京師百司有謁禁

均言，以誠待人，則人思竭忠，以疑遇物，則人思苟免。願除開封大理外，餘皆釋禁，以明洞達不疑之意。遂論青苗以為有惠民之名，而無惠民之實，有目前之利，而為終歲之患。願罷之而復為常平糴糶之法。又言官冗之弊，請罷粟補吏，減任子員，節特奏名之濫，增攝官之舉數，抑胥吏之幸進，以清入仕之源。詔有司議久之，不能有所省，復疏言：今會議之臣，畏世俗之譏評，不計朝廷之利害，閔鄙耄之不進，不思才者之閉滯，非策之善也。因請對力陳之。宣仁后曰：當從我家始，乃自后屬而下至大夫悉裁其數。又言治天下道二，寬與猛而已。寬過則緩而傷義，猛過則急而傷恩，術雖不同，其蠹政害民一也。問者監司務為慘，被郡縣望風趣辦，不暇以便民為意。陛下臨御務從寬大，為吏者又復苟簡縱弛，猛寬二者胥失，願明詔四方，使之寬不縱惡，猛不傷惠，以起中和之風。詔下其章，蔡確弟碩盜貸官錢以萬計，獄既上，均論確為宰相，挾邪撓法，當顯正其罪，以厲百官。張璪李清臣執政，與正人異趣，相繼擊去之。監察御史張舜民論邊事，因及宰相文彥博、舜民左遷，均言：風憲之任，許風聞所以廣耳目也。舜民之言是，當行之，其言非，當容之。願復舜民職，不從。臺諫約再論，均謂事小不當再論。王巖叟遂劾均反覆巖叟移官，均遷殿中侍御史，內不自安，引義丐去。改禮部員外郎，居三年，復為殿中侍御史。西夏自永樂之戰，怙勝氣驕，欲復故地，朝廷用趙鼎計，棄四峒。至是，又請蘭州為峒地，均上疏曰：先王之御外國，知威之不可獨立，故假惠以濟威。知惠之不可獨行，故須威以行惠。然後外國且懷且畏，無怨望輕侮之心。今西夏所爭，蘭州峒地，皆控扼要路。若輕以予之，恐夏人據虛熙河，數郡孤立難守。若繼請熙河，故地將何辭以拒之？是傳虎以翼借寇，以兵不進無益，祇足為患。不如治兵積穀，畫地而守，使夏人曉然知朝廷意也。時傅堯俞為中書侍郎，許將為左丞，韓忠彥為同知樞密院，三人者論事多同，異俱求罷。均言：大臣之任，同國休戚，廟堂之上，當務協謀，使中外之人泯然不知有同異之迹。若悻悻然辯論，不顧事體，何以觀視百寮？堯俞等雖有辯論之失，然事皆緣公，無顯惡。大過望令就職，詔從之。御史中丞蘇轍等尚以為言，均上疏曰：進退大臣當則天下服陛下之明，而大臣得以安其位，進退不當，則

累陛下之哲，而言者自此得以朋黨合謀併力以傾搖大臣天下之事以是非為主，所論若當，雖異不害其為善，所論若非，雖同未免為不善。今亮俞等但不能協和，實無大過，蘇轍乃以許將當時已定議，既而背同列之議，獨上論奏，臣以為善則順之，惡則正之，豈在每事唯命，遂非不改，然後為忠邪？將舍同列之議，上奉聖旨，是能將順其美，不當反以為過惡也。若使不忠，雖與同列協和，是乃姦臣爾，非朝廷之利也。將罷均又言：呂大防堅彊自任，每有差除，同列不敢異，唯許將時有異同，轍素與大防善，盡力排將，期於必勝，臣恐綱紀法令自此敗壞矣。因論御史耳目之任，中丞風憲之長，轍當公是非，別白善惡，而不當妄言也。遂乞罷出知廣德軍，改提點河北東路刑獄。紹聖初，召拜左正言，時大防轍已罷政，均論大防轍六罪，並再黜。大防史禍由此起，又奏罷詩賦，專以經術取士，宰相章惇欲更政事，專黜陟之柄，陰去異己，出吏部尚書彭汝礪知成都府，召朱服為中書舍人，均言汝礪不可出，服不可用，惇怒，遷均為工部員外郎，尋提點京東淮東刑獄，歷梓州淮南轉運副使，知越州，徽宗立，入為秘書少監，遷起居郎，拜中書舍人，同修國史，兼哲宗實錄修撰，遷給事中，太學生張寅亮應詔論事，得罪屏斥，均言寅亮雖不識忌諱，然志非懷邪，陛下既招其來，又罪其言，恐沮多士之氣，寅亮得免，時宰相欲盡循熙豐法度，為紹述，以風均均曰：法度惟是之從，無彼此之辨，由是不協，以龍圖閣待制知永興軍，徙襄州，崇寧初，與元祐黨籍奪職，主管崇禧觀政和中，復集賢院，修撰提舉洞霄宮，久之，復龍圖閣待制，致仕，卒，年七十八。

宋 史 卷二百五十五 列傳

道逆理，典刑未正，鬼得而誅，獨劉擊尚存，實天以遺陛下，其阿恣無忌憚如此。進刑部侍郎，陽翟民盡漸，以訟至有司，之邵二子皆娶盡氏，誣漸非盡氏子，以規其賞，諫官張商英論之，以直龍圖閣出知蔡州，卒，年四十八。蔡京為相，特贈太中大夫。

葉濤，字致遠，處州龍泉人，進士乙科，為國子直講，虞蕃訟起，濤坐受諸生茶紙，免官。濤，王氏，婿也，即往從安石於金陵，學為文詞，哲宗立，上章自理，得大學正，遷博士，紹聖初，為秘書省正字，編修神宗史，進校書郎，曾布薦為起居舍人，擢中書舍人，司馬呂公著、王巖叟追貶，呂大防、劉摯、蘇轍、梁燾、范純仁、責官，皆濤為制詞，文極醜詆，安燾降學士，濤封還命書，云：濤在元祐時，嘗詆文彥博、葉熙河，全先帝萬世之功，不宜加罪，蔡京劾為黨，罷知光州，又以訴理有過，為范鏗所論，連三黜，曾布引為給事中，居數月而病，以龍圖閣待制提舉崇禧觀，卒。楊畏，字子安，其先遂寧人，父徙洛陽，畏幼孤，好學，事母孝，不事科舉，黨友交勸之，乃擢進士第，調成紀主簿，不之官，刻志經術，以所著書謁王安石，呂惠卿為鄆州教授，自是尊安石之學，以為得聖人之意，除西京國子監教授，舒亶薦為監察御史，裏行，時有御史中丞出為郡守，監司薦之，畏言：侍從賢否，上所素知，監司乃敢妄薦，蓋為異日地爾，乞戒其觀望，舒亶有盜學士院廚錢罪，為王安禮所白，畏抗章辯論，以為可謂之失，未可謂之故，亶罷，畏坐左轉，宗正丞，出提點夔州路刑獄，元祐初，請祠歸洛，畏恐得罪於司馬光，嘗曰：畏官夔峽，雖深山羣獠，聞司馬光皆相賀，其感德如此，至光卒，畏復曰：司馬光若知道，更是辜夔復契，以不知道，故於政事未盡也。呂大防劾擊為相，俱與畏善，用畏為工部員外郎，除監察御史，擢殿中侍御史，畏助大防攻擊十事，并言梁燾、王巖叟、劉安世、朱光庭皆其死黨，必與為地，既而燾等果救擊，皆不納，擊罷，燾領為相，畏復攻，頃以留買易除書為罪，須罷，畏意欲蘇轍為相，宣仁后外召范純仁為右僕射，畏又攻純仁，不報，畏本附轍，知轍不相，復上疏，詆轍不可用，其傾危反覆如此，百僚莫不側目，遷侍御史，畏言事之未治有四：曰邊疆曰河事曰役法曰內外官政，時有旨令兩省官舉臺官，畏言：御史與宰相最為相關之地，宰相執

二九四五

既不自差使其屬舉之可乎太常博士朱彥以議皇地示祭不同自列乞罷長

言彥據經論理者彥罷出恐自是人務觀望不敢以守官為義宣仁后崩呂大

防欲用長諫議大夫范純仁以畏非端士不可大防乃遷畏禮部侍郎及大防

為宣仁后山陵使畏首背大防稱述熙寧元豐政事與王安石學術哲宗信之

遂薦章惇呂惠卿可大任廷試進士李清臣發策有紹述意考官第主元祐者

居上畏復考悉下之拔舉漸以為第一惇入相畏遣所親陰結之曰畏前日度

勢力之輕重遂因呂大防蘇轍以逐劉摯梁燾方欲逐呂蘇二人覺罷畏言職

畏迹在元祐心在熙寧首為相公開路者也惇至徙畏吏部引以自助中書侍

郎李清臣知樞密院安燾與惇不合畏復陰附安李惇覺其情又曾布蔡卞言

畏平日所為於惇遂以寶文閣待制出知真定府天下於是目為楊三變謂其

進於元豐顯於元祐遷於紹聖也尋落職知號州入元祐黨後知鄆州復集賢

殿修撰知襄州移荆南提舉洞霄宮居于洛未幾知鄆州再丐祠以言者論列

落職主管崇禧觀蔡京為相畏遣子姪見京以元祐末論蘇轍不可大用等章

後得曾布之薦凡元祐名賢貶責制辭肆筆醜詆雖有善猶不能自滌沉無可

述者乎

崔台符字平反蒲陰人申明法科為大理詳斷官校試殿帷仁宗賜以盡美二

字熙寧中文彥博薦為羣牧判官除河北監牧使入判大理寺初王安石定按

問欲舉法舉朝以為非台符獨舉手加額曰數百年誤用刑名今乃得正安石

喜其附己故用之歷知審刑院判少府監復置大理獄拜右諫議大夫為大理

卿時中官石得一以皇城偵邏為獄台符與少卿楊汲軋迎伺其意所在以鍛

鍊答掠成之都人惴栗至不敢偶語數年間斃文法者且萬人官制行遷刑部

侍郎官至光祿大夫元祐初御史林旦上官均發其惡出知潞州又貶秩徙相

州後兼監牧使卒年六十四舊制武臣至內殿崇班始蔭其族台符言文吏州

判司猶許用蔭武臣五歲一遷自借職四十年乃得通朝籍輕重不相準請自

供奉官即用蔭從之嘗使遠至其朝久立帳前償者不贊導問其故曰太子未

至台符謂之曰安有君父臨軒而臣子偃蹇不至久立使者禮乎償者懼贊導

多失畏謀必中其究俱為縉紳禍云

論曰賈易初以剛直名觀其再劾文彥博范純仁而斥蘇軾蘇轍尤甚何以剛

直為哉董敦逸於元祐末與黃慶基誣二蘇以開紹聖之禍及紹聖則肆詆元

祐諸臣甚至瑤華之冤不能持正雖終悔而諫亦何及焉及見蔡京蔡卞稔惡

乃論其過惡以自文杯水不足以救車薪之火也上官均諫切中時事及不從

紹述之議其為人若可觀然論呂大防蘇轍以之再黜是亦助紹述者也楊畏

傾危反覆周流不窮雖儀秦縱橫無以向之豈徒有三變而已至於倡紹述以

取信哲宗又謂王安石之學有聖人意可謂小人無忌憚也哉來之邵盡擊時

賢而進章惇安燾呂惠卿又請加美諡於安石其流惡不已乃誣人非其子而

欲掩其賢亦何所不至焉葉濤在太學已著汗迹擢第之後詔安石而從之學

公以是媒怨，神宗曰：「免行錢所收細瑣，市易驚及果實，大傷國體。」安石僞辯自解，至譏神宗爲叢脞，不知帝王大略。且曰：「非嘉問孰敢不避左右近習，非臣孰爲嘉問辯？」神宗曰：「卽如是，士大夫何故以爲不便？」安石請言者姓名，令嘉問條析七年旱，帝憂心惻怛，語韓維孫永集市人問之，減坐買錢十萬。安石遂持嘉問條析奏曰：「此皆百姓所願，不如人言也。」嘉問言：「朝廷所以許民輸錢免行者，蓋人情安於樂業，厭於追擾，若一切罷去，則無人祇承。又吏胥祿廩薄，勢不得不求於民，非重法革禁，以薄廩申重法，則法有時而不行，縣官爲給事，則三司經費有限，今取民於鮮而吏知自重，此臣等推行之本意也。議者乃欲除去，是殆不然。民未嘗不畏吏，方其以行役觸罪，雖欲出錢，亦不可得。今吏祿可謂厚矣，然未及昔日取民所得之半，市易所收免行錢，亦未足以償倉法所增之祿。以此推窮，則利害立見矣。初，市易隸三司，嘉問恃勢陵使薛向，出其上，曾布代向，懷不能平，會神宗出手札詢布，布訪於魏繼宗，繼宗憤嘉問掠其功，列其與初議異者，布得實具上，嘉問多收息千賞，挾官府而爲兼并之事，神宗將委布考之。安石言：「二人有私忿，於是詔布與呂惠卿同治，惠卿故憾布，至三司，召繼宗及市買問狀，其辭同，乃脅繼宗使誣布語言，增加繼宗不從，布言惠卿不可共事，神宗欲聽之，安石不可。神宗遂詔中書曰：「朝廷設市易，本爲平準，以便民，若周官泉府者，今顧使中人之家失業，宜釐定其制，布見神宗曰：「臣每聞德音，欲以王道治天下，今所爲駸駸乎問架除陌矣。」嘉問又請販鹽鬻帛，豈不詒四方笑？」神宗頷之，事未決，安石去位。嘉問持之以泣，安石勞之曰：「吾已薦惠卿矣，惠卿既執政，前獄遂成，布得罪，嘉問亦出知常州。明年，安石復相，召檢正中書戶房，安石罷，以知江寧府。歲餘，轉運使何琬劾嘉問營繕越法，徙潤州，復坐免。久之，入爲吏部郎中，光祿卿。言者交論市易之患，被于天下，本錢無慮千二百萬緡，率二分其息，十有五年之間，子本當數倍，今乃僅足本錢，蓋買物入官，未轉售而先計息取賞，至於物貨苦惡，上下相蒙，虧折日多，空有虛名而已。於是削嘉問三秩，黜知淮陽軍，悉罪前被質者，紹聖中，擢寶文閣待制，戶部侍郎，加直學士，知開封府，專附章惇蔡卞，多殺不辜，焚去案牘以滅口，嘗薦鄒浩，浩南

遷，坐罷知懷州。徽宗時，屢暴其宿惡，至分司南京。光州居住，鄆州安置，然爲蔡氏所右，其壻劉達蹇序辰，其死友鄧洵武，羽翼之，故不久輒起，以龍圖閣學士太中大夫卒。年七十七，贈資政殿學士。初，嘉問竊從祖公弼論新法，奏藁以示王安石，公弼以是斥于外。呂氏號爲家賊，故不得與呂氏同傳。

李南公，字楚老，鄭州人。進士及第，調浦江令，郡猾吏恃守以陵縣，不輸負租。南公捕繫之，守怒，通判爲謝曰：「能按郡吏健令也。」卒寘諸法。知長沙縣，有楚婦攜兒以嫁，七年兒族取兒，婦謂非前子，訟于官。南公問兒年，族曰：「九歲。」婦曰：「七歲。」問其齒曰：「去年毀矣。」南公曰：「男八歲而亂，尙何爭？」命歸兒族。熙寧中，提舉京西常平，提點陝西河北刑獄。京西轉運副使，入爲屯田員外郎。南公有女皆適人，而同產女弟年三十不嫁，寄他妹家，爲御史所論，罷主管崇福宮。爲河北轉運副使，先是知澶州，王令圖請開迎陽，歸舊河於孫村，置約回水東注。南公與范子奇以爲可行，且欲於大吳北進鋸牙，約河勢歸故道，朝廷命使者行視，兩人復以前議爲非，云迎陽下瞰京師，孫村水勢不便，又爲御史所論，詔罰金，加直祕閣。知延安府，夏人犯涇原，南公出師擣其虛，夏人解去。進直龍圖閣，擢寶文閣待制，知瀛州，拜戶部吏部侍郎，戶部尙書。歷知永興軍，成都，真定，河南府，鄭州，擢龍圖閣直學士，初，哲宗主入廟，南公修奉，希執政指，請祔東夾室，禮官爭之，不得，及更建廟室，坐前議弗當，奪學士，未幾復之。遂致仕，卒年八十三。南公爲吏六十年，幹局明銳，然反覆詭隨，無特操，識者非之。子諱。

諱字智甫，第進士，紹聖間，知章丘縣。陝西麥熟，朝廷議遣官諸州，令民平償逋負，諱與余景在選中，將賜對，曾布言於哲宗曰：「豐凶未可知，諱景皆刻薄，必因此暴斂爲民之憂。」陛下臨政以來，延見人士未多，如兩人者，懼不足以辱大對，乃喻使戒飭，使還，爲河東轉運判官，徙陝西，進築京師訖，欲除秘閣校理，以母憂去。方建永泰陵，起徙京西，諱官任伯兩言：「祖宗之世，朝廷有大事，邊鄙有兵革，將相大臣，召爲侍從，乃不得已奪情。今山陵事人皆可辦，何至以一諱隳事體哉？」命遂格終制，以直龍圖閣知熙州。蔡京使王厚復河湟，諱與之異，召爲光祿卿，厚奏功罷，諱守就，坐嘗言招納未便，停官。後數年，爲陝西轉運使，京兆

價踊貴。憲與府縣議從民和。市民弗肯損價。憲移府勅上戶閉糴。府帥徐處仁不聽。且責之。憲怒。上章言處仁沮格詔令。陵毀使者。詔黜處仁。而擢憲。顯謨閣待制。代其任。鄭延帥錢昂奏。處仁本以官糴麥。損價與憲爭。乃為民久長之論。不當黜。詔以昂達道干譽。謫永州。憲又代任。鄭延復從承與。偽為蟾芝。以獻。徽宗疑曰。蟾動物也。安得生芝。命漬盆水。一夕而解。坐罔上貶散官安置。三年復之。歷數郡卒。

董必。字子彊。宣州南陵人。嘗謁王安石於金陵。容質諸經疑義。為安石稱許。登進士第。紹聖中。提舉湖南常平。時相章惇方實眾君子於罪。孔平仲在衡州。以倉粟腐惡。乘鐵歲稍損價發之。必即劾其戾。常平法。置鞠長沙。以承惇意。無辜繫訊多死者。平仲坐徙韶州。惇與蔡下將大誅流人。遣呂升卿往廣東。必往廣西察訪。哲宗既止不治。然必所至。猶以慘刻按脅立威。為五書歸奏。除工部員外郎。中書舍人郭知章封還其命。詔以付趙挺之。權給事中陳次升復封駁不下。必於是訟知章。次升為元祐黨人。坐不當訟言者。出知江州。改湖南轉運判官。提點河北刑獄。召為左司員外郎。初。舒亶守荆南。起邊事。一切詐誕。云徭人款附實亦不然。必蓋與之謀。及是。亶暴卒。加必直龍圖閣。往代。乃城通道等六砦。置靖州折博市易。且移飛山營戍。公私煩費。荆人病之。進集賢殿修撰。顯謨閣待制。卒。年八十六。贈龍圖閣待制。

虞策。字經臣。杭州錢塘人。登進士第。調台州推官。知烏程縣。通判蘄州。通判蔣之奇以江淮發運上計。神宗訪東南人才。以策對。王安石禮李常。咸薦之。擢提舉利州路常平。湖南轉運判官。元祐五年。召為監察御史。進右正言。數上書論事。謂人主納諫乃有福。治道以清靜為本。西夏未順命。策言。今邊備解弛。戎備不修。古之人善鎮靜者。警備甚密。務持重者。謀在其中。未有鹵莽闕疎。而曰吾鎮靜。吾持重者。又乞詔內而省曹寺監。外而監司守令。各得以其職。陳朝政闕失。百姓疾苦。星文有變。乞順天愛民。警戒萬事。思治心修身之道。勿以宴安為樂。哲宗納后。上正始要言。遷左司諫。曾肇以議北郊事與朝論不合。免禮部侍郎。為徐州策。時權給事中。還其命。以為筆禮官也。不當以議禮得罪。不從。帝親政。

條所當先者五十六事。後多施行。遷侍御史。起居郎。給事中。以龍圖閣待制知青州。改杭州。過闕。留為戶部侍郎。歷刑部。戶部。尚書。拜樞密直學士。知承興軍。成都府。入為吏部尚書。奏疏徽宗。請均節財用。曰。臣比在戶部。見中都經費歲六百萬。與天下上供之數略相當。嘗以祖宗故實攷之。皇祐所入。總三千九百萬。而費纔三之一。治平四千四百萬。而費五之一。熙寧五千六十萬。而費盡之。今諸道隨一月所須。旋為夏會。汲汲然不能終日。願深裁浮冗。以寬用度。屬疾新外。加龍圖閣學士。知潤州。卒。年六十六。贈左正議大夫。策在元祐紹聖時。皆居言職。雖不依人。取進亦頗持兩端。故黨議之與己。獨得免。第奕奕字純臣。第進士。崇寧提舉河北西路常平。洛相鑣從之東路。入對徽宗。問行期。對曰。臣退即行。流民不以時還。則來歲耕桑皆廢矣。帝悅。既而西部盜起。復徙提點刑獄。時朝廷將遣兵逐捕。奕條上方略。請罷勿用。而自計討賊。不閱月可定。轉運使張搏以為不可。宰相主搏策。數月不効。卒用奕議。悉降之。擢監察御史。親祭北郊。燕人趙良嗣為秘書丞。侍祠。奕白其長曰。今親衛不用三路人。而良嗣以外國降子。願得預祠事可乎。長用其言。具以請。不報。陽武民備於富家。其室美。富子欲私之。弗得。怒殺之。而賂其夫。使勿言。事覺。府縣及大理鸞獄。奕受詔鞫訊。皆伏辜。坐漏泄語言罷去。再踰年。還故職。提點河北刑獄。自何承矩創邊地為塘濼。有定界。既中貴人典領。以屯田開拓為功。肆侵民田。民上訴。屢出使者按治。皆不敢與直。奕曲折上之。疏其五不可。詔罷屯田。加直秘閣。淮南轉運副使。入為開封少尹。故時大理開封治獄。得請實蔽罪。其後率任情棄法。法益不用。奕言。廷尉持天下平。京師諸夏。本法且不行。何以示萬國。請自今非情法實不相當。毋得輒請。從之。遷光祿卿。戶部侍郎。睦州亂。以龍圖閣直學士知鎮江府。寇平。論勞增兩秩。還為戶部內侍總領。內藏。予奪顯己。視戶部如僚屬。度支郎方討理滯奉。中旨令開封尹與總領者來奕。白宰相曰。計臣不才。當去之。而易能者。不可使他人侵其官。即自劾不稱職。詔為罷內侍。而徙奕工部。龔慶宗張濂使郡人詰闕。請登封。東平守王觀諫。以京東歲凶多盜。不當請封。為政者不悅。將罪觀。奕言。觀憂民愛君。所當獎激。奈何用為罪乎。觀獲免。未

幾卒年六十贈龍圖閣學士

郭知章字明叔吉州龍泉人第進士從劉彝廣西幕府知浮梁分寧縣黃履薦爲御史以憂不克拜知海州濮州提點梓州路刑獄復以鄭雍願臨薦爲監察御史哲宗親政上書請用淳化天禧詔增諫官員曰館職無所用朝廷設之不疑諫官最急乃常不足是急於所無用緩其所當急也又比歲選授監司多繇寺監丞不過知縣資序外官莫重於部使者豈宜輕用若是宜稍限以節如轉運判官擇實任通判者提點刑獄擇實任郡守者然後攷其治理簡拔用之又言自大河東北分流生靈被害今水之趨東者已不可遏順而導之閉北而行東其利百倍矣遷殿中侍御史言先帝辟地進壤建策四嘗據高臨下扼西戎咽喉元祐用事者委而棄之願討贖議奏顯行黜罰史院究神宗實錄誣罔事知章請貶治呂大防等紹聖復制科知章校試言先朝既策進士卽廢此科近年復置誠無所補遂復罷又請復元豐役法大抵迎合時好進左司員外郎改左司諫嘗言爵祿慶賞以勸天下之善願無以假借大臣使行私恩刑罰誅戮以懲天下之惡願無以假借大臣使快私忿忠於陛下者必見忌大臣黨於大臣者必上貧陛下惟明主財察權工部侍郎爲中書舍人遣使蕭德崇來爲夏人請還河西地命知章報聘德崇曰兩朝久通好小國叢爾疆土還之可乎知章曰夏人累犯邊法當致討以北朝勸和之故務爲優容彼若恭順如初當自有恩旨非使人所能預知也歸未至坐嘗主導河東流議以集賢殿修撰知和州徽宗立曾布用爲工部侍郎加寶文閣直學士知太原府召拜刑部尙書知開封府爲翰林學士言者又論河事罷知鄧州旋入黨籍數年復顯謨閣直學士政和初卒

論曰神宗好大喜功之資王安石呂惠卿出而與之遇合流毒不能止也哲徽之世一變而爲蔡確章惇曾布又變而爲蔡京蔡卞日有甚之而天下亡矣乘時起而附之者甚衆若崔台符楊汲以獄殺民呂嘉問以均輸困民童必肆酷欲害流人以取悅李南公以反覆詭隨虞策以心持兩端郭知章迎合時好且發實錄之醜觀諸人所學與其從政已多可尙何樂而爲此惡哉不過視一時

君相之好尙將以取富貴而已設使神宗如仁宗之治哲徽承之必無紹述之禍雖安石輩亦將有所薰陶而未必肆其情以至是況此諸人乎世道汚隆士習升降係於人主一念慮之趣尙可不戒哉可不懼哉

宋史卷三百五十五

元中書右丞相總裁脫脫等修

列傳第一百十五

劉拯 錢 澧 石豫左廣附 許敦仁 吳執中

吳材 劉昂 宋喬年 子丹 強淵明

蔡居厚 劉嗣明 蔣靜 賈偉節

崔鷗 張根 弟樓 任諒 周常

劉拯字彥修宣州南陵人進士及第知常熟縣有善政縣人稱之元豐中為監察御史歷江東淮西轉運判官提點廣西刑獄紹興初復為御史言元祐修先帝實錄以司馬光蘇軾之門人范祖禹黃庭堅秦觀為之竄易增減誣毀先烈願明正國典又言蘇軾貪鄙狂悖無事君之義嘗議罪抵死先帝赦之敢以怨忿形於詔語醜詆厚誣策試館職至及王莽曹操之事方異意之臣分據要路而軾聞及此傳之四方忠義之士為之寒心扼腕願正其罪以示天下時祖禹等已貶軾謫英州而拯猶驚視不愜也進右正言累至給事中徽宗立欽聖后臨朝而欽慈后葬大臣欲用妃禮拯曰母以子貴子為天子則母乃后也當改園陵為山陵又言門下侍郎韓忠彥雖以德選然不可啟貴戚預政之漸帝疑其阿私觀望黜知濠州改廣州加寶文閣待制以吏部侍郎召還帝稱其議欽慈事褒進兩秩遷戶部尚書蔡京編次元祐姦黨拯言漢唐失政皆分朋黨今日指前人為黨安知後人不以今人為黨乎不若定為三等某事為上某事為中某事為下而不斥其名氏京不樂又言戶部月賦入不足償所出京益怒徙之兵部旋罷知蘄州徙潤州張商英入相召為吏部尚書拯已昏憤吏乘為姦又左轉工部以樞密直學士知同州時商英去位侍御史洪彥昇併劾之削職提舉鴻慶宮卒

錢通字德循婺州浦江人以進士甲科調洪州推官累通判越州至校書郎徽宗立擢殿中侍御史中丞豐稷論其回邪不可任風憲不報稷復言必用通則願罷臣乃以提舉湖北常平崇寧初召為都官員外郎殿中侍御史劾曾布援

元祐姦黨播紹聖忠賢布去遷侍御史闕兩月進中丞乞治元符末大臣嘗乞復孟后而廢劉后事韓忠彥曾布李清臣黃履及議者曾肇豐稷陳瓘龔夬皆坐貶遂與殿中侍御史石豫左廣言元祐皇后得罪先朝昭告宗廟天下莫不知哲宗上賓太后聽政當國大臣盡欲變亂紹聖之事以逞私欲因一布衣何大正狂言復還廢后位號當時物議固已洶洶乃至疎邀小臣詰問上書忠義激切則天下公議從可知矣今朝廷既已貶削中彥等及追號大正誤國則元祐皇后義非所安孔子曰必也正名乎名不正則言不順夫在先朝則曰后今日則謂之元祐皇后於名為不正先朝廢而陛下復於事為不順考之典禮則古昔所無稽之本朝則故實未有詢之師言則大以為不然況既為先朝所廢則宗廟祭告歲時薦饗人事有嫌疑之迹神靈萌厭教之心萬世之後配祔將安所施宜蚤正厥事斷以大義無牽於流俗非正之論以累聖朝明日又言典禮所在實朝廷治亂之所係雖人主之尊不得而擅又沉區區臣下敢輕變易者哉元祐皇后得罪先朝廢處瑤華制誥一頒天下無間然者並后匹嫡春秋譏之豈宜明感之朝而循衰世非禮之事於是尚書右僕射京門下侍郎將中書侍郎尚書左丞挺之右丞商英言元祐皇后再復位號考之典禮將來宗廟不可從享陵寢不可配祔揆諸禮制皆所未安請如紹聖三年九月詔書旨后由是復廢適豫遂言元祐皇后各位未正乃冊為崇恩太后適章所言小臣上書者昌州推官馮海也其書以謂先帝既終則后無單立之義稽之逆順陛下無立嫂之禮要之終始皇太后亦不得伸慈婦之恩雖已遠之事難復之失然感悟追正何有不可解用是得召對除鴻臚主簿蔡京謀取青唐通助成其議會籍元祐黨適以為多漏略給事中劉遠駁之左轉戶部侍郎俄遷工部尚書兼侍讀踰年以樞密直學士知穎昌府言者疏其罪黜為滁州稍復顯謨閣待制直學士徙宣州復為工部尚書舉馮海自代謂海趣操端勁古人與稽嘗建明典禮忠義凜凜縮紳歎服言者又疏其罪以待制知秀州中書舍人侯綬封還之又奪待制久之還故職改述古殿直學士屏居十五年方臘陷婺適逃奔蘭溪為賊所殺年七十二

石豫者寧陵人第進士以安惇薦為監察御史與左詹事鄒浩獄文致重比又使廣東鍾正甫逮治浩欲致之死豫論邊事謂中國與四夷相交為君臣相與為賓客徽宗以其言無倫理且辱國出為淮南轉運判官陳瓘又追論羅織鄒浩事降通判亳州崇寧元年召拜殿中侍御史遂同錢道潛廢元祐皇后議亟遷侍御史至中丞請削去景靈宮繪像臣僚自文彥博司馬呂公著呂大防范純仁劉摯范百祿梁燾王巖叟以下既以論罷軍器監蔡頌碩訟豫平生交通狀黜知陳州徙鄧州過闕留為工部侍郎進戶部兼侍讀以調度不繼降秩一等徙刑部祖母死用嫡孫承重去官服未闋而卒廬州人亦用安惇薦為御史履歷大略與石豫同遷侍御史累至刑兵戶三尚書以樞密直學士知河南府改承與軍卒

許敦仁與化人第進士崇寧初入為校書郎蔡京以州里之舊擢監察御史亟遷右正言起居郎倚為腹心敦仁凡所建請悉受京旨言元符之末姦臣用事內外制詔類多誣實乞自今日以前委中書舍人或著作局討論刪正起居郎舍人異時過車駕行幸惟當直者從敦仁始請悉扈蹕遷殿中監拜御史中丞甫視事即上章請五日一視朝徽宗以其言失當乖宵旰圖治之意命罰金仍左遷兵部侍郎他日為朱諤言且欲逐敦仁而京庇之甚力敦仁亦處之自如後二年卒靖康中諫官呂好問論蔡京使敦仁請五日一視朝欲顛覆國命蓋指此也

吳執中字子權建州松溪人登嘉祐進士第歷官州縣同門壻呂惠卿方貴戚不肯附以取進凡三十餘年始提舉河南常平連徙河東淮南江東轉運判官提點廣東刑獄入為庫部吏部右司郎中大觀初擢兵部侍郎二年進御史中丞論開封府內侍省京畿秦鳳違法干請詔擬其得風憲體又言開封之治事大理之決獄將作之營繕權貨之入中皆職所當為乃妄以為功一歲遷官至五六宜行抑損遂詔自今但賜東帛鄭居中知樞密院執中言外戚不宜在政地帝還其章而諭所以用居中之意初蔡京忌張康國故引執中居言路執中先劾劉炳兄弟宋喬年父子皆京客也帝嘗語執政嘉其不阿康國曰是乃為

逐臣地耳已而章果至帝怒黜知滁州未幾徙越州石公弼以為執中反復得罪未宜殿大府改提舉洞霄宮以集賢殿修撰知揚州加顯謨閣待制知河南府道過都復拜中丞帝以星變逐蔡京言者未已執中謂進退大臣當全禮貌於是為京下詔京得不重貶龐恭孫趙適開梓襄諸夷州執中乞正其罪又言入行之舉所得皆鄉曲常人不足以為士願下大學致其道藝而進退之所論多施行遷禮部尚書張商英罷御史張克公言執中與商英皆由郭天信以進除樞密直學士知越州尋降待制又奪職卒于家

吳材字聖取處州龍泉人進士第歷清溪主簿咸平尉知江都縣入為太學博士以趙挺之薦擢右正言遷左司諫黨論復起材首論范純禮為朋附黨與前日大臣變更神考法度故引之執政不宜復其職程之元為蘇軾心腹不宜亞九卿張舜民當初政時猖狂無所顧忌不宜以從官處鄉郡其後受會布指與王能甫疏言元符之末變神考之美政逐神考之人材者韓忠彥實為之首忠彥遂罷材驚忍疾視善類所排逐最多進起居郎以憂去蔡京用為給事中吏部侍郎陛見有所陳京不悅以天章閣待制知光州挺之作相召拜工部侍郎卒

論曰紹述說行權臣顛假以攻元祐正士網既盡矣復假以攻異己鸞犬外搏鬼域內狙宜小人得志而空朝廷也故劉拯撫實錄以肆詆錢適斥孟后以徧刺石豫指繪像以削諸賢吳材適黨論以捕善類許敦仁五日一朝之請吳執中體貌大臣之言俱蔡京腹心計也讒說殄行虞帝攸聖似是而非孔聖惡佞有國家者可不監夫

劉昂字子蒙開封東明人初名炳賜今名元符末進士甲科起家太學博士遷秘書省正字校書郎兄煥通樂律煥死蔡京擢昂大司樂付以樂正遂引蜀人魏漢津鑄九鼎作大晟樂昂撰鼎書新樂書皆漢津妄出己意而昂為緣飾語在樂志累遷給事中京置局議禮昂又領之為翰林學士改工部尚書提舉紀元曆有所損益為吳執中所論以顯謨閣直學士知陳州昂與弟煥皆侍從而親喪不葬坐奪職罷郡復以事免官京再輔政召為戶部尚書昂嘗為京畫策

排鄭居中，故京力援，由廢黜中還故班，御史中丞俞棗發其姦利事，京從東他官，徽宗所儲三代彝器，詔曷訂定，凡尊爵俎豆盤匱之屬，悉改以從古，而載所制器於祀儀，令太學諸生習肄雅樂，閱試日，曷與大司成劉嗣明奏有鶴翔宮架之上，再為翰林學士，東宮建為太子賓客，又還戶部大理議戶絕法，若祖有子未娶而亡，不得養孫為嗣，曷曰：計一歲諸路戶絕，不過得錢萬緡，使歲失萬緡而天下無絕戶，豈不可乎？詔從其議，加宣和殿學士，知河南府，積官金紫，光祿大夫，與王家交通事敗，開封尹戚章議以死，刑部尚書范致虛為請，乃長流瓊州，死年五十七。

宋喬年，字仙民，宰相庠之孫也，父充國，刻意問學，以鄉書試禮部，既自謂宰相子，輒罷舉仁宗知之，召試學士院，賜進士出身，簽書河南判官，判登聞鼓院，知太常禮院，英宗祔廟，議者欲祧傳祖藏夾室，充國請配感生帝為宋始祖，從之，東西府建，上二歲以戒大臣，大臣不憚，會廟饗宿齋，其妻遣兩妾至寺，充國自劾罷禮院，遂致仕，充國性剛介，孝於奉親，平居得微物必先薦家廟，乃敢嘗，官至大中大夫，卒，喬年用父蔭監市易，坐與倡女私及私役吏失官，落拓二十年，女嫁蔡京子攸，京當國，始復起用，崇寧中，提舉開封縣鎮府界常平，改提點京西北路刑獄，賜進士第，加集賢殿修撰，京畿轉運副使，進顯謨閣待制，為都轉運使，改開封尹，以龍圖閣學士知河南府，京罷相，諫議大夫毛注，御史中丞吳執中，交擊之，貶保靜軍節度副使，斬州安置，京復相，還舊官，知陳州，政和三年卒，年六十七，諡曰忠文，子昇。

昇字景裕，崇寧初，由譙縣尉為勅令，刪定官數，年至殿中少監，時喬年尹京，父子依憑蔡氏，陵轍士大夫，陰交諫官蔡居厚，使為鷹犬，以徽猷閣待制知陳州，喬年貶昇亦謫少府少監，分司南京，未幾知應天府，喬年卒，復為京西都轉運使，治西宮及修三山新河，權至顯謨閣學士，方是時，徽宗議謁諸陵，有司預為西幸之備，昇治宮城廣袤十六里，創廊屋四百四十間，費不可勝，會霖潦至，友人骨為胎，斤直錢數千，盡發洛城外二十里古冢，凡衣冠壘北，大抵遺暴掘，用是遷正議大夫，殿中監，又奉命補治三陵泄水坑澗，計役四百九十萬工。

未幾卒，贈金紫光祿大夫，延康殿學士，諡曰恭敏。強淵明，字德季，杭州錢塘人，父至，以文學受知韓琦，終祠部郎中，淵明進士第，調海州司法參軍，歷濟杭二州教授，知蔡州，確山縣，通判保定軍，入為太府丞，軍器少監，國子司業，與兄浚明及葉夢得締蔡京為死交，立元祐籍，分三等定罪，皆三人所建，遂濟成黨禍，淵明以故或遷秘書少監，中書舍人，大司成，翰林學士，大觀三年，京罷相，以龍圖閣直學士知永興軍，徙鄭越二州，召為禮部尚書，復拜學士，進承旨，翰林廣直廬，帝書摘文堂勝賜之，兼太子賓客，以疾改延康殿學士，提舉醴泉觀，兼侍讀，監修國史，卒，贈金紫光祿大夫，資政殿學士，諡曰文憲，浚明早死。

蔡居厚，字寬夫，熙寧御史延禧子也，延禧嘗擊呂惠卿兄弟有直名，居厚第進士累官吏部員外郎，大觀初，拜右正言，奏疏曰：神宗造立法度，曠古絕擬，雖符祐之黨力起相軋，而終不能搖者，出於人心理義之所在也，陛下繼志廣聲，政事具舉，願如明詔，勅有司勒為成書，以明一代之制，遷起居郎，進右諫議大夫，論東南兵政七弊，及言學官書局皆為要塗，宜公選實學多聞之士，無使庸常之徒得以幸進，河北河東羣盜起，太原真定守皆以不能擒捕罪去，居厚言：將帥之才，不儲養於平時，故緩急無所可用，宜令觀察使以上各舉所知，又言：比來從事於朝者，皆姑息胥吏，吏彊官弱，浸以成風，蓋鞏轂之下，吏習狡獪，故怯懦者有所畏，至用為耳目，倚為鄉導，假借色辭，過為卑辱，浸淫及於侍從，今廟堂之上，稍亦為之，願重為之制，改戶部侍郎，言者論其在諫省時為宋喬年父子，用以集賢殿修撰知秦州，降羌在州者逸入京師，訴事，坐失察削職罷，蔡京再相起知滄棗齊三州，加徽猷閣待制，為應天河南尹，初建神霄宮，度地汗下為道士交訴，徙汝州，久之，知東平府，復以戶部侍郎召，未至，又以知青州，病不能赴，未幾卒。

劉嗣明，開封祥符人，入太學，積以試藝名出諸生右，崇寧中，車駕幸學，解褐補承事郎，歷校書郎，至給事中，張商英居相位，惡其不附己，時鄭居中雖以嫌去，樞密然陰植黨與，窺伺益固，嗣明與之合計傾商英，門下省吏張天忱，貶秩，嗣

明獻弗下商英爭之詔御史臺蔽曲直商英以是罷嗣明遂論商英引李士觀尹天民入政典局矯為勅詔共造姦謀三人俱坐責嗣明遷大司成士子肆雅樂被恩嗣明亦升班與學士等已而言者論其取悅權貴妄升國子生預舍法以抑寒士黜知穎州未幾入為工部侍郎翰林學士工部尚書卒贈資政殿學士大中大夫

蔣靜字叔明常州宜興人第進士調安仁令俗好巫疫癘流行病者寧死不服藥靜悉論巫罪聚其所事淫像得三百軀毀而投諸江知陳留縣與屯將不協罷去徽宗初立求言靜上言多詆元祐間事蔡京第為政等擢職方員外郎中書舍人吳伯舉封還之京怒黜伯舉明年遷國子司業帝幸太學命講書無逸篇賜服金紫進祭酒為中書舍人以顯謨閣待制知壽州徙江寧府茅山道士劉混康以技進賜號先生其徒倚為姦利奪民葦場墮市廬舍詞訟至府吏觀望不敢治靜悉抵于法徙睦州移病提舉洞霄宮越九年召為大司成出知洪州復告歸加直學士卒年七十一贈通議大夫

賈偉節開封人第進士累擢兩浙轉運判官條上民間利病加直祕閣為江淮發運副使蔡京壞東南轉般法為直達綱偉節率先奉承歲以上供物徑造都下籍催諸道逋負造巨船二千四百艘非供奉物而輒運載者請論以違制花石海錯之急勿自此而輿論功進秩遂拜戶部侍郎改刑部歲餘以顯謨閣直學士提舉醴泉觀卒

論曰善乎歐陽修之論朋黨也其言曰君子以同道為真朋小人以同利為偽朋同道則同心相益而共濟小人見利則爭先利盡則疎而相賊害矣蘇軾續修說謂君子不得志則奉身而退樂道不仕小人不得則僥倖復用唯怨之報此所以不勝也秦觀亦言君子小人不免有黨人主不辨邪正必至兩廢或言兩存則小人卒得志君子終受害其說明甚徽宗弗之察也唯蔽於紹述之說崇姦貶正黨論滋起於是紹聖指元祐為黨崇寧指元符為黨而鄭居中張商英蔡京王黼諸人互指為黨不復能辨始以黨敗國衣冠塗炭垂三十年其禍汰於東都白馬蓋至是而三子之言效焉彼劉曷強淵明宋喬年

劉嗣明直斗筭耳亦使攘臂恣睢撼撞無忌小人之為術蹙矣嗚呼朋黨之說真能空人之國如此哉

崔鷗字德符雍丘人父毗徙居穎州遂為霍陽人登進士第調鳳州司戶參軍筠州推官徽宗初立以日食求言鷗上書曰臣聞諫爭之道不激切不足以起人主意激切則近訕諂夫為人臣而有訕諂之名此讒邪之論所以易乘而世主所以不悟天下所以卷舌吞聲而以言為戒也臣嘗讀史見漢劉陶曹鸞唐李少良之事未嘗不掩卷興嗟矯然有山林不反之意比聞國家以日食之異詢求直言伏讀詔書至所謂言之失中朕不加罪蓋陛下披至情窮聖度以來天下之言如此而私祕所聞不敢一吐是臣子負陛下也方今政令煩苛民不堪擾風俗險薄法不能勝未暇一二陳之而特以判左右之忠邪為本臣至於草萊不識朝廷之士特怪左右之人有指元祐之臣為姦黨者必邪人也使漢之黨錮唐之牛李之禍將復見於今日甚可駭也夫毀譽者朝廷之公議故責授朱崖軍司馬左右以為姦而天下皆曰忠令宰相章惇左右以為忠而天下皆曰姦此何理也臣請略言姦人之迹夫乘時抵巇以盜富貴探微揣端以固權寵謂之姦可也包苴滿門私謁踴路陰交不逞密結禁廷謂之姦可也奇伎淫巧蕩上心以信優女色敗君德獨操實刑自報恩怨謂之姦可也蔽遮主聽排斥正人微言者坐以刺譏直諫者陷以指斥以杜天下之言掩壅蔽之罪謂之姦可也凡此數者光有之乎惇有之乎夫有其實者名隨之無其實而有其名誰肯信之傳曰謂狐為狸非特不知狐又不知狸是故以佞為忠必以忠為佞於是乎有繆賞濫罰實繆罰濫佞幸偷徇如此而國不亂未有也光忠信直諫聞於華夷雖古名臣未能遠過而謂之姦是欺天下也至如惇徂詐凶險天下士大夫呼曰惇賊貴極宰相人所具瞻以名呼之又指為賊豈非以其孤負主恩玩竊國柄忠臣痛憤義士不服故賊而名之指其實而號之以賊邪京師語曰大惇小惇殃及子孫謂惇與御史中丞安惇也小人譬之蝮蝎其兇忍害人根乎天性隨遇必發天下無事不過賊陷忠良破善類至緩急危疑之際必有反覆賣國跋扈不臣之心比年以來諫官不論得失御史不効

姦邪門下不駁詔令，共持暗默，以爲得計。昔李林甫竊相位十有九年，海內怨痛，而人主不知，頃鄒浩以言事得罪，大臣拱而觀之，同列無一語者，又從而播之，夫以股肱耳目，治亂安危所係，而一切若此，陛下雖有堯舜之聰明，將誰使之，誰使行之，夫日者陽也，食之者陰也，四月正陽之月，陽極陰極，極衰之時，而陰干陽，故其變爲大，惟陛下畏天威，聽明命，大運乾剛，大明邪正，毋違經義，毋鬱民心，則天意解矣。若夫伐鼓用幣，素服徹樂，而無懿德善政之實，非所以應天也。帝覽而善之，以爲相州教授。後蔡京復繕上書人，以鷓鴣爲邪等，免所居官，久之，調績溪令，移病歸，始居郟城，治地數畝，爲婆娑園，屏處十餘年，人無貴賤，長少，悉尊師之。宣和六年，起通判寧化軍，召爲殿中侍御史，既至而欽宗即位，授右正言。上疏曰：六月一日詔書，詔諫臣直論得失，以求實是，有以見陛下求治之切也。數十年來，王公卿相，皆自蔡京出，要使一門生死，則一門生用，一故吏逐，則一故吏來，更持政柄，無一人立異，無一人害己者，此京之本謀也。安得實是之言，聞於陛下哉。諫議大夫馮澥近上章曰：士無異論，太學之感也。澥尙敢爲此姦言乎。王安石除異己之人，著三經之說，以取士，天下靡然雷同，陵夷至于大亂，此無異論之効也。京又以學校之法馭士人，如軍法之馭卒伍，一有異論，累及學官。若蘇軾黃庭堅之文，范鎮沈括之雜說，悉以嚴刑重賞，禁其收藏，其苛錮多士，亦已密矣。而澥猶以爲太學之感，欺罔不已甚乎。原京與澥罪，乃天地否泰所係，國家治亂，由之以分，不可忽也。仁宗英宗，選敦朴敢言之士，以遺子孫，安石目爲流俗，一切逐去，司馬光復起而用之，元祐之治，天下安於泰山。及章惇蔡京，倡爲紹述之論，以欺人主，紹述一道德，而天下一於詔佞，紹述同風俗，而天下同於欺罔。紹述理財而公私竭，紹述造士而人材衰，紹述開邊而塞塵犯關矣。元符應詔上書者數千人，京遺腹心考定之，同己爲正，異己爲邪，懈與京同者也，故列於正。京之術破壞天下，於茲極矣，尙忍使其餘蠹再破壞邪，京姦邪之計，大類王莽，而朋黨之衆，則又過之，願斬之以謝天下，累章極論，時議歸重，忽得變疾不能行。三求去，帝惜之不許，呂好問徐秉哲爲言，乃以龍圖閣直學士主管嵩山崇福宮，命下而卒。臨平生爲文至多，輒爲人取。

去，篋無留者，尤長於詩，清峭雄深，有法度，無子，塏衛昂集其遺文爲三十卷，傳於世。張根，字知常，饒州德興人，少入太學，甫冠第進士，調臨江司理參軍，遂昌令，當改京秩，以四親在堂，冀以父母之恩，封大父母，而貽妻封及母，遂致仕，得通直郎如其志。時年三十一，鄉人之賢者，彭汝礪序其事，自以爲不及，屏處十年，曾布曾鞏鄒浩及本道使者，上其行義，徽宗召詰，關爲帝言，人主一日萬幾，所恃者是心耳，一累於物，則聰明智慮且耗，賢不肯混淆，綱紀不振矣。願陛下清心省欲，以空禍亂之原，遂請罷錢塘製造局，帝改容嘉美，以爲親賢宅教授，未幾通判杭州，提舉江西常平，內侍走馬承受舉劾一路，以錢半給軍衣，非是自轉運使郡守以下，皆罷。根言：東南軍法與西北殊，此行之百五十年矣。帥守監司分朝廷憂，顧使有罪，猶當審處，豈宜以小奄尺紙，空十郡吏哉。詔皆令復還。又言：本道去歲蠲租四十萬，而戶部責償如初，祖宗立發運上供額，而給本錢數百萬緡，使廣糴以待用，比希恩者，乃獻爲羨餘，故歲計不足，至爲無名之斂，詔貸所蠲租，而以糴本錢還之。六路洪州失官錫，繫治兵吏千計。根曰：此有司失於幾察之過也。今羅取無罪之人，責以不可得之物，何以召和氣，乃罷其獄。大觀中，入對言：陛下幸滌煩苛，破朋黨，而士大夫以議論不一，觀望苟且，莫肯自盡，陛下毀石刻，除黨籍，與天下更始，而有司以大臣仇怨，廢錮自如，爲治之害，莫大於此。願思所以勵勅之，卽命爲轉運副使，改淮南轉運使，加直龍圖閣，上書請常平止聽納息，以塞兼并，下戶均出役錢，以絕姦僞，市易惟取淨利，以役商賈，雖名若非正，然與和買不讎，其直什買而使之倍輸，額外無名無數之斂，有間矣。又請分舉官爲三科，一縣令，二學官，三縣丞，曹州郡亦分三等，明言其人某，材堪充某州某官某縣令，吏部據以注擬，則令選稍清，視平配硬差遠矣。詔吏部戶部相度以聞，根又以水災多乞蠲租賦，散活口米，常平青苗米，振貸流民，詔裏論之，徙兩浙，辭不行，乃具疏付驛遞奏，大略謂：今州郡無兼月之儲，太倉無終歲之積，軍須匱乏，邊備缺然，東南水旱盜賊間作，西北二國窺伺，日久安得不豫爲之計。因條列茶鹽常平等利病之數，遂言爲今之計，當節其

大者而莫大於土木之功。今羣臣賜一第，或費百萬，臣所部二十州，一歲上供財三十萬緡耳，曾不足給一第之用。以龍元勳威德，猶慮不稱，況出於閭閻，干澤者哉。雖趙普韓琦，任命策所未有，願日削而月損之。如金帛好賜之類，亦不可不節也。又其次如錫帶，其直雖數百緡，亦必斂於數百家，而後足。今乃下被僕隸，使混清公卿間，賢不肖無辨，如其左右趨走，不欲墨綬當別為制度，以示等威可也。書奏，權倖側目，謀所以中傷之者，言交上，帝察根誠，不之罪也。尋以花石綱拘占漕舟，官買一竹至費五十緡，而多入諸臣之家，因力陳其弊，益忤權倖，乃擯根所書奏牘，注勿草略，為傲慢不恭，責監信州酒。既又言根非詆常平之法，以搖紹述之政，再貶濠州團練副使。安置郴州，尋以討淮賊功得自便，以朝散大夫終于家。年六十，根性至孝，父病，蠶戒鹽，根為食淡，母嗜河豚，及暨母終，根不復食，母方病，每至雞鳴則少蘇，後不忍聞雞聲，子燾自有傳，第

樸字見素，第進士，歷耀潛宿三州教授，太學錄，升博士，改禮部員外郎，高麗遣子弟入學肄業，又兼博士，遷光祿太常少卿，權侍御史，鄭居中去位，樸言，朋黨分攻，非朝廷福，若不擯其尤，久則難圖，於是宇文黃中賈安宅等六人皆罷，比蔡京所惡，亦指為居中黨，而逐時，即員冗濫，至五十五人，徽宗諭樸使論列，乃擯其庸繆者十六人，疏斥諸外，徐處仁議置裕民局，以京提舉，京不樂，樸言，國家法令明具，何嘗不裕民乎，今置局非是，卒罷之，起復修製大樂局，管勾官田為大晟府典樂，樸論為食濫不法，物論弗齒，且典樂在太常少卿之上，修製冗官，不當超躡，迺罷為樂令，未幾復前命，樸爭不已，改祕書少監，蔡攸引為道史，檢討官，召試中書舍人，卒。

任諒，字子諒，眉山人，徙汝陽，九歲而孤，舅欲奪母志，諒挽衣泣曰，豈有為人子不能養其親者乎，母為感動而止，諒力學自奮，年十四，即冠鄉書，登高第，調河南戶曹，以兵書謁樞密，曾布使人邀詰，問既見，覺不能合，徑去，布為相，猶欲用之，諒子書規以李德裕事，布始怒，蔣之奇章奏在樞府，薦為編修官，布持其奏不下，為懷州教授，徽宗見其所作新學碑曰，文士也，擢提舉夔路學事，歷京

西河北京東，改轉運判官，著河北根籍，凡戶口之升降，官吏之增損，與一歲出納奇贏之數，披籍可見，上之朝，張商英見其書，謂為天下部使者之最，提點京東刑獄，梁山濼漁者習為盜，蕩無名籍，諒伍其家，刻其舟，非是不得輒入，他縣地錯其間者，鑿石為表，盜發則督吏名捕，莫敢不盡力，跡無所容，加直秘閣，徙陝西轉運副使，降人李訛咳，知邊屢不繼，陰關地害粟而叛，遣西夏統軍書稱定邊可唾手取，諒諜知其謀，亟輸粟定邊及諸城堡，且募人發所害得數十萬石，訛咳果入寇，失藏粟，七日而退，他日復圍觀化堡，而邊儲已足，訛咳遂解去，加徽猷閣待制，江淮發運使，蔡京破東南轉般漕運法為直達綱，應募者率游手亡賴，盜用乾沒，漫不可核，人莫敢言，諒入對首論之，京怒，會汴泗大水，泗州城不沒者兩板，諒親部卒築隄，徙民就高，振以米粟，水退人獲全，京誣以為漂溺千計，坐削籍歸田里，執政或言水災守臣職，發運使何罪，帝亦知其枉，復右文殿修撰，陝西都轉運使，尋復徽猷閣待制，進直學士，重賈更錢法，必欲鐵錢與銅錢等，物價率十減其九，詔諒與實議，諒言為六路害，緩其策，加龍圖閣直學士，知京兆府，徙渭州，以母憂去，宣和七年，提舉上清寶籙宮，修國史，初朝廷將有事於燕，諒曰，中國其有憂乎，乃作書貽宰相曰，今契丹之勢，其亡昭然，取之當以漸，師出不可無名，宜別立耶律氏之法，使散為君長，則我有存亡繼絕之義，彼有瓜分軋裂之弱，與鄰崛起之金國，勢相萬也，至是又言郭藥師必反，帝不聽，大臣以為病狂，出提舉嵩山崇福宮，是冬，金人舉兵犯燕山，藥師叛降，皆如諒言，迺復起諒為京兆，未幾卒，年五十八。

周常，字仲修，建州人，中進士第，以所著禮禮弓義，見王安石，呂惠卿，二人稱之，補國子直講，太常博士，以養親求教授揚州，年未五十即致仕，久之，御史中丞黃復薦其恬退，起為太常博士，辭，元符初復，申前命，兼崇政殿說書，遷著作佐郎，疏言，祖宗諸陵器物，止用塗金服飾，又無珠玉，蓋務在質素，昭示訓戒，自裕陵至宣仁，后寢宮，乃施金珠，願收貯景靈殿，以遺遺訓，詔置之奉宸庫，擢起居舍人，鄒浩得罪，常於講席論救，貶監郴州酒，徽宗立，召為國子祭酒，起居郎，從容言自古求治之主，未嘗不以尚志為先，然溺於富貴，逸樂蔽於詔諫，順適則

志隨以喪不可不戒。元祐法度互有得失。人才各有所長。不可偏棄。時以天暑。令記注官卯漏正。即勿奏事。仍具爲令。常言。本朝記注類多兼諫員。故凡言動。得有所聞。見論可否。神宗皇帝時。修注官雖不兼諫職。亦許以史事於崇政院。和殿直前陳述。陛下於炎暵可畏之候。暫停進對。亦人情之常。若著爲定令。則必記於日錄。傳之史筆。使後人觀之。將以爲倦於聽納。而忘先帝之美意矣。事遂寢。進中書舍人。禮部侍郎。蔡京用事不能容。以寶文閣待制。出知湖州。尋又奪職居婺州。復集賢殿修撰。卒年六十七。

論曰。徽宗荒于治。壁倖塞朝。柄移權姦。不鳴者進。習爲腰熟。鷗根諒常。氣節併偏。指切時弊。能盡言不諱。卒不勝讒舌。根常死外。鷗諒甫用。而病奪之。可悲也。已。金兵旣舉。郭藥師已叛。朝廷猶弗知。矧能先見禍機哉。毋惑乎狂諒之言也。

宋史卷三百五十六

元中書右丞相總裁脫脫等修

列傳第一百十六

何灌

李熙靖

王雲

譚世勳

梅執禮

程振

劉延慶

何灌字仲源開封祥符人武選登第為河東從事經略使韓琦難數試其材而常沮抑之不假借久乃語之曰君奇士也他日當據吾坐為府州大山軍巡檢盜蘇延福狡悍為二邊患灌親擊其首賈胡曠有泉遠人常越境而汲灌親申畫界接過其來忿而舉兵犯我灌迎高射之發輒中或著崖石皆沒鐵敵驚以為神遂巡敵去後三十年契丹蕭大師與灌會道曩事數何巡檢神射灌曰即灌是也蕭曼然起拜為河東將與夏人遇鐵騎來追灌射皆徹甲至洞胸出背疊貫後騎羌懼而引卻知寧化軍豐州徙熙河都監見童貫不拜貫憾焉張康國薦於徽宗召對問西北邊事以笏畫御榻指坐衣花紋為形勢帝曰敵在吾目中矣提點河東刑獄遷西上閣門使領威州刺史知滄州以治城郭功轉引進使運粟三十萬石於並塞三州灌言水淺不勝舟陸當用車八千乘沿邊方登麥願以運費增價就糴之奏上報可安撫使忌之劾云板築未畢而冒賞奪所遷官仍再貶秩罷去未幾知岷州引洮川水溉開田千頃湟人號廣利渠從河州復守岷提舉熙河蘭湟弓箭手入言漢金城湟中穀斛八錢今西寧湟廓即其地也漢唐故渠尚可考若先葺渠引水使田不病旱則人樂應募而射士之額足矣從之甫半歲得善田二萬六千頃募士七千四百人為他路最重實用兵西邊灌取古骨龍馬進武軍加吉州防禦使改知蘭州又攻仁多泉城砲傷足不顧卒拔城斬首五百級尋改鄆州防禦使宣和初劉法陷於敵震武危甚熙帥劉仲武使灌往救灌以衆寡不敵但張虛聲駭之夏人宵遁灌恐規其竄遽反兵仲武猶奏其逗遛罷為淮西鈐轄從平方臘獲賊帥呂師囊遷同州觀察使浙東都鈐轄改浙西童貫北征檄統制兵馬逐易平以知易州遷寧武軍承宣使燕山路副都總管又加龍神衛都指揮使夔萬不取景州圍薊州貫

諛以兵事即復景城釋薊圍郭藥師統蕃漢兵灌白頃年折氏歸朝朝廷別置一司專部漢兵至于克行乃許同管今但宜令藥師主常勝軍而以漢兵委灌輩實不聽召還管幹步軍司陪遠使射玉津園一發破的再發則否客曰太尉不能耶曰非也以禮讓客耳整弓復中之觀者誦歎帝親賜酒勞之遷步軍都虞候金師南下悉出禁旅付梁方平守黎陽灌謂宰相白時中曰金人傾國遠至其鋒不可當今方平掃精銳以北萬有一不枝梧何以善吾後蓋留以衛根本不從明日又命灌行辭以軍不堪戰疆之拜武泰軍節度使河東河北制置副使未及行而帝內禪灌領兵入衛鄆王楷至門欲入灌曰大事已定王何所受命而來導者懼而退灌竟行援兵二萬不能足聽募兵充數靖康元年正月二日次滑州方平南奔灌亦望風迎灌黃河南岸無一人禦敵金師遂直叩京城灌至乞入見不許而令控守西隅背城拒戰凡三日被創沒于陣年六十二帳下韓綜雷彥與奇士也各手殺數人從以死欽宗哀悼賜金帛命官護葬已而言者論其不守河津追削官秩長子劄至閣門宣贊舍人從父戰箭貫左臂拔出之病創死紹興四年中子辭以灌事泣訴于朝詔復履正大夫忠正軍承宣使

李熙靖字子安常州晉陵人唐衛公德裕九世孫也祖均父公弼皆進士第公弼崇寧初通判潞州以議三舍法不使使者劾其沮格詔令坐劄黜以死熙靖擢第又中詞學兼茂選為辟雍錄太學正升博士以父老丐外除提舉淮東學事使養命下乃得河東而為淮東者減祐之也蓋省吏取祐之路輒易之或教使自言熙靖曰事君不擇地吾其可發人之私求自便也宰相聞而賢之留為兵部員外郎遭父憂去還為右司員外郎玉黼以太宰領應奉司又方事燕雲立經撫房於中書獨專之他執政皆不得預熙靖與言曰應奉之職非宰相所當預尚書樞密皆有兵房足以治疆事經撫何為者我黼積不樂同列五人皆躡躡禁從獨獨留四年都水丞失職移過於熙靖貶其兩秩又將左轉為國子司業執政交言不可僅遷太常少卿黼罷乃拜中書舍人蔡攸又惡之出知拱州越兩月復以故官召入對言燕山雖定宜益謹思患豫防之戒徽宗曰詩所

謂迨天之未陰雨。徹彼桑土。綢繆牖戶者。是也。熙靖進曰。孔子云。為此詩者。其知道乎。能治其國家。誰敢侮之。願陛下為無疆之計。帝嘉之。靖康初。同譚世勳。事龍德宮。改顯謨閣待制。提舉禮泉觀。道君待之甚厚。常從容及內禪事。曰。外人以爲吳敏功。殊不知此自出吾意耳。吾苟不欲。人言且滅族。誰敢哉。或謂君似唐睿宗。上畏天戒。故爲之。吾有此心久矣。熙靖再拜賀。敏聞而忌之。以進對不時受罰。詎拒張邦昌之命。憂憤廢食。家人進粥藥。寬譬之。終無生意。故人視其病。相持啜泣。索筆書唐王維所賦百官何日再朝天之句。明日遂卒。年五十三。與世勳同贈端明殿學士。

王雲。字子飛。澤州人。父獻可。仕至英州刺史。知瀘州。黃庭堅請於浚。獻可遇之甚厚。時人稱之。雲舉進士。從使高麗。撰鷄林志。以進。權祕書省校書郎。出知簡州。遷陝西轉運副使。宣和中。從童貫宣撫。募入爲兵部員外郎。起居中書舍人。靖康元年。以給事中使韓離不軍。議割三鎮以和。使還。傳道韓離不之意。以爲黏罕得朝廷所與。余觀蠟書。堅云。中國不可信。欲敗和約。執政以爲不然。罷爲徽猷閣待制。知唐州。金人陷太原。召拜刑部尚書。再出使。許以三鎮。賦入之數。雲至。真定。遣從吏李裕還言。金人不復求地。但索五輅及上尊號。且須康王來。和好乃成。欽宗悉從之。且命王及馮澥往。未行而車輅至。長垣爲所卻。雲亦還。澥奏言。雲誕妄。誤國。雲言。事勢中變。金人必欲得三鎮。不然則進兵取汴。都中外震駭。詔集百官議。雲固言。康王舊與韓離不結歡。宜將命。帝慮爲所留。雲曰。和議既成。必無留王之理。臣敢以百口保之。王遂受命。而雲以資政殿學士爲之副。頃雲奉使過磁。相勸兩郡。徹近城民舍。運粟入保。爲清野之計。民怨之。及是。次磁州。又與守臣宗澤有憾。於是王出謁。嘉應神祠。雲在後。民遮道諫曰。肅王已爲金人所留。王不宜北去。厲聲指雲曰。清野之人。真姦賊也。王出廟行。或發雲箚。得烏絁短巾。蓋雲夙有風眩疾。癢則以護首者。民益信其爲姦。謀而殺之。王見事勢洶洶。乃南還。相州是役也。雲不死。王必北行。議者以是驗天命云。建炎初。贈觀文殿學士。雲兄霽。崇寧時爲謀議司。詳議官。上書告蔡京罪。諫練海島。欽宗復其官。從种師中戰死。

譚世勳。字彥成。潭州長沙人。第進士。教授郴州。時王氏學盛行。世勳雅不喜。或問之曰。說多而屢變。無不易之論也。置其書不觀。又中詞學兼茂科。除祕書省正字。時相蔡京子攸領書局。同舍郎多翕附以取貴仕。世勳獨坐直廬。繼書竟日。梁師成之客。與爲隣居。數致師成願交意。謝不答。在館六年不遷。京罷。用久次爲司門員外郎。又三年遷吏部。京復相。嫌不附。已罷。提點太平宮。久之。復還吏部。倖臣妄引恩澤。任子。持不與。吏白有某例。世勳曰。豈當以暫例破成法。已而取中旨行之。進少府監。擢中書舍人。以謹命。令惜名器。廣言路。客賜予正上。供省浮費六事。言于上。又爲當路所嫉。以徽猷閣待制知婺州。未行。復留之。徽宗禪位東幸。且還。使與李熙靖副執政。奉迎。遂同主管龍德宮。請辨正宣仁國史之謗。述欽聖遺旨。以復瑤華。大亨神祖。仍用富弼侑食。釋奠先聖。不當以王安石配。後皆施行。秋七月。禁出東方。大臣或謂此四夷將衰之兆。世勳面奏。垂象可畏。當修德以應天。不宜惑諛說。進給事中。兼侍讀。內侍喧爭殿門。詔以贖論。世勳較其不恭。因言童貫輩初亦甚微。小惡不懲。將劇至大患。疏入。同類側目。何與建議。分外郡爲四道。置都總管。事得顛決。世勳言。裂天下以付四人。而三畿所治者。纔十六縣。獨無尾大不掉之慮乎。棗不樂。改禮部侍郎。金騎駭駭南下。世勳言。守邊爲上策。今邊不得守。守河則京畿自固。中策也。巡幸江淮。會東南兵以捍敵。下策也。金人既渡河。又請遣大將秦元以所部京畿保甲分護國門。使兵勢連屬。首尾相援。即金人不敢逼。孫傳深然之。又格於棗議。再扈車。駕至金師帳。以十害說其用事者。言講解之利。詞意忠激。金人聳聽。張邦昌僭國。令與李熙靖同直學士院。皆稱疾臥不起。以憂卒。年五十四。建炎初。襲其守節。贈端明殿學士。

梅執禮。字和勝。婺州浦江人。第進士。調常山尉。未赴。以薦爲勅令。刪定官武學博士。大司成厲淵明賢其人。爲宰相言。相以未嘗識面爲嫌。執禮聞之曰。以人言而得。必以人言而失。吾求在我者而已。卒不往謁。歷軍器鴻臚丞。比部員外郎。比部職。官稽財貨。文牘山委。率不暇經目。苑吏有持茶券至。爲錢三百萬者。以楊戩旨意。追取甚急。執禮一閱。知其妄。欲白之。長貳疑不敢。乃獨列上。果詐

也。改度支吏部。進國子司業兼資善堂翊善。遷左司員外郎。擢中書舍人。給事中。林據以前執政赴闕宿留。冀復故職。執禮論去之。孟昌齡居鄆質人屋。當贖不肯與。而請中旨奪之。外郡卒留役中。都者萬數。肆不逞爲姦。詔悉令還。楊戩占不遺。內侍張佑董葦太廟。僭求賞。皆駁奏弗行。遷禮部侍郎。素與王黼善。黼嘗置酒其第。夸示園池妓妾之盛。有驕色。執禮曰。公爲宰相。當與天下同憂樂。今方臘流毒吳地。瘡痍未息。是豈歌舞宴樂時乎。退又戒之以詩。黼愧怒。會孟饗原廟後。至以顯謨閣待制知蘄州。又奪職。明年。徙滁州。復集英殿修撰。時賦鹽虧額。滌亦苦抑配。執禮曰。郡不能當蘇杭一邑。而食鹽乃倍粟數。民何以堪。請於朝。詔損二十萬。滌人德之。欽宗立。徙知鎮江府。召爲翰林學士。道除吏部尙書。旋改戶部。方軍興。調度不足。執禮請以禁內錢。隸有司。凡六宮廩給。皆由度支。乃得下。嘗有小黃門持中批詣部取錢。而封識不用。璽既悟其失。復取之。執禮奏審。詔責典寶夫人。而杖黃門。金人圍京都。執禮勸帝親征。而請太上帝。后皇后太子皆出避用事者沮之。洎失守。金人質天子。邀金帛以數百千萬計。曰。和議已定。但所需滿數。則奉天子還闕。執禮與同列陳知質程振安扶皆主根索。四人哀民力已困。相與謀曰。金人所欲無藝極。雖銅鐵亦不能給。盍以軍法結罪。儻室其求。而宦者挾宿怨語金帥曰。城中七百萬戶。所取未百一。但許民持金銀換粟麥。當有出者。已而果然。會怒呼四人責之。對曰。天子蒙塵。臣民皆願致死。雖肝腦不計。於金猶何有哉。顧比屋枵空。亡以塞命耳。會問官長何在。振恐執禮獲罪。遽前曰。皆官長也。會益怒。先取其副胡舜陟。胡唐老。姚舜明。王俱。各杖之百。執禮等猶爲之請。俄遣還。將及門。呼下馬。擣殺之。而梟其首。時靖康二年二月也。是日。天晝冥。士庶皆隕涕。憤歎。初。車駕再出。執禮與宗室子昉諸將吳革等。謀集兵奪萬勝門。夜擣金帥帳。迎二帝以歸。而王時雍徐秉哲。使范瑄泄其謀。故不克死。時年四十九。高宗卽位。詔贈通奉大夫。端明殿學士。議者以爲薄。復加資政殿學士。

鄒祀孟軻。以公孫丑萬章樂正克等配食。從之。提舉京西常平。入爲膳部員外郎。監察御史。辟雍國子司業。左司員外郎。兼太子舍人。始。卽言古者大祭祀。登饒受爵。必以上嗣。既禮經所載。且元豐彝典具存。昨天子展事明堂。而殿下不預。非所以尊宗廟重社稷也。太子豐然曰。宮僚初無及此者。由是特加獎異。方臘起。振謂王黼。宜乘此時。建革天下弊事。以上當天意。下順人心。黼不憚曰。上且疑。黼挾寇。奈何。振知黼忘其言。趨而出。然太子薦之甚力。遂擢給事中。黼白振資淺。且雅長書命。請以爲中書舍人。侍郎馮熙載。出知亳州。黼怨熙載。欲振詆以醜語。振不肯。黼使言者劾爲黨。罷提舉。沖佑觀。居三年。後還。故官。靖康元年。進吏部侍郎。爲欽宗言。柄臣不和。論議多駁。詔令輕改。失於事幾。金人交兵。半歲而至。今不解者。以和戰之說未一故也。裁抑濫賞。如白黑易分。而數月之間。三變其議。以私心不除。各蔽其黨故也。今日一人言之。以爲是而行。明日一人言之。以爲非而止。或聖斷踰度。而不暇瞻咨。或大臣偏見。而遂形播告。所以動未必善。處未必宜。乃輒爲之反汗。其勢不得不爾也。時金兵至河北。振請糾諸道兵。犄角擊之。曰。彼猖獗如此。陛下尙欲守和議。而不使之少有懲艾乎。上嗟味其言。而牽於外廷。不能用。拜開封尹。故時大辟有情。可矜。多奏取原貸。崇寧以來。議者謂鞏轂先彈壓。率便文殺之。振請復舊制。詔捕亡命卒得數千人。必大駭觀聽。乃盡釋之。改刑部侍郎。金騎在郊。邀車駕出城。振爲何臬言。宜思所以折之之策。莫不從。未幾。及於難。年五十七。金人去。從子庭訪得其首。歸葬之。初。王黼使其客沈積中。圖燕。振戒以後禍。積中懼而言不可。既而振乃用是死。聞者痛之。初。宣和崇道家之說。振侍坐東宮。從容言。孔子以鴟鴞之詩爲知道。其詞不過曰。迨天之未陰雨。綢繆牖戶而已。老子亦云。爲之於未有。治之於未亂。今不固根本於無事之時。而事目前區區。非二聖人意。他日。太子爲徽宗道之。徽宗寤。頗欲去健羨。疏左右近習。而宦寺楊戩輩。方大興宮室。懼不得肆。因讒家令楊馮。以爲將輔太子。幸非常。徽宗震怒。執馮誅之。而太子之言亦廢。振尹京時。兩宮方困於甚間。振極意彌縫。治龍德樂忻獄。寃其罪。不使有

繼介可指高宗即位進秩七等仍官其子及親屬三人又贈端明殿學士端平初曾孫東請諡賜諡剛愍同時死者禮部侍郎陳知質失其傳給事中安扶附見父安燾傳

劉延慶保安軍人世爲將家雄豪有勇數從西伐立戰功積官至相州觀察使龍神衛都指揮使鄜延路總管遷泰寧軍節度觀察留後改承宣使破夏人成德軍擒其酋賞屈降王子益麻党征拜保信軍節度使馬軍副都指揮使從童貫平方臘節度河陽三城又從北伐以宣撫都統制督兵十萬渡白溝延慶行軍無紀律郭藥師扣馬諫曰今大軍拔隊行而不設備若敵人置伏邀擊首尾不相應則望塵決潰矣不聽至良鄉遼將蕭幹帥衆來延慶與戰敗績遂閉壘不出藥師曰幹兵不過萬人今悉力拒伐燕山必虛願得奇兵五千倍道襲取令公之子三將軍簡師爲後繼延慶許之遣大將高世宣與藥師先行卽入燕城幹舉精甲三千巷戰三將軍者光世也渝約不至藥師失援敗走世宣死之延慶營于盧溝南幹分兵斷鑿道擒護糧將王淵得漢軍二人蔽其目留帳中夜半僞相語曰聞漢軍十萬壓吾境吾師三倍敵之有餘當分左右翼以精兵衝其中左右翼爲應殲之無遺陰逸其一人歸報明旦延慶見火起以爲敵至燒營而奔相蹂踐死者百餘里自熙豐以來所儲軍實殆盡退保雄州燕人作賦及歌誚之朝議延慶喪師不可不行法坐貶率府率安置筠州契丹知中國不能用兵由是輕宋未幾復爲鎮海軍節度使靖康之難延慶分部守京城城陷引秦兵萬人奪開遠門以出至龜兒寺爲追騎所殺光世自有傳論曰靖康之變執禮振不忍都人塗炭拒疆敵無厭之欲親逢其凶熙靖世勳不肯以一身事二姓悲不食以終灌延慶戰敗而沒此數人者其所遭不同至於死國難則一而已雲之死雖其有以取之殆亦天未欲絕宋祀也不然是行也康王其危哉

列傳第一百十七

李綱上

李綱字伯紀邵武人也。自其祖始居無錫。父夔終龍圖閣待制。綱登政和二年進士第。積官至監察御史。兼權殿中侍御史。以言事忤權貴。改比部員外郎。遷起居郎。宣和元年。京師大水。綱上疏言。陰氣太盛。當以盜賊外患為憂。朝廷惡其言。謫監南劍州沙縣稅務。七年。為太常少卿。時金人淪盟邊報狎。至朝廷議避敵之計。詔起師勤王。命皇太子為開封牧。令侍從各具所見以聞。綱上禦戎五策。具語所善給事中吳敏曰。拜牧之議。豈非欲委以留守之任乎。巨敵猖獗如此。非傳以位號。不足以招徠天下豪傑。東宮恭儉之德。聞於天下。以守宗社可也。公以獻納論思為職。曷不為上極言之。敏曰。監國可乎。綱曰。肅宗靈武之事。不建號不足以復邦。而建號之議。不出於明皇。後世惜之。主上聰明仁慈。公言萬一能行。將見金人悔禍。宗社底寧。天下受其賜。翌日。敏請對。具道所以。因言李綱之論。蓋與臣同。有旨召綱入議。綱刺臂血上疏云。皇太子監國典禮之常也。今大敵入攻。安危存亡。在呼吸間。猶守常禮可乎。名分不正。而當大權。何以號召天下。期成功於萬一。哉。若假皇太子以位號。使為陛下守宗社。收將士心。以死捍敵。天下可保。疏上。內禪之議。乃決。欽宗即位。綱上封事。謂方今中國勢弱。君子道消。法度紀綱蕩然。無統陛下履位之初。當上應天心。下順人欲。攘除外患。使中國之勢尊。誅鋤內姦。使君子之道長。以副道君皇帝付託之意。召對延和殿。上迎謂綱曰。朕頃在東宮。見卿論水災疏。今尚能誦之。李鄴使金議割地。綱奏。祖宗疆土。當以死守。不可以尺寸與人。欽宗嘉納。除兵部侍郎。靖康元年。以吳敏為行營副使。綱為參謀官。金將韓萬不兵渡河。徵宗東幸。幸執議。請上暫避敵鋒。綱曰。道君皇帝挈宗社以授陛下。委而去之可乎。上默然。太宰白時中謂都城不可守。綱曰。天下城池。豈有如都城者。且宗廟社稷。百官萬民所在。捨此欲何之。上顧宰執曰。策將安出。綱進曰。今日之計。當整軍馬。固結民

心。相與堅守。以待勤王之師。上問誰可將者。綱曰。朝廷以高爵厚祿崇養大臣。蓋將用之於有事之日。白時中李邦彥等。雖未必知兵。然藉其位號。撫將士以抗敵鋒。乃其職也。時中忿曰。李綱莫能將兵。出戰否。綱曰。陛下不以臣庸懦。儻使治兵。願以死報。乃以綱為尙書右丞。宰執猶守避敵之議。有旨以綱為東京留守。綱為上力陳。所以不可去之意。且言。明皇聞潼關失守。即時幸蜀。宗廟朝廷毀于賊手。范祖禹以為其失在於不能堅守。以待援。今四方之兵。不日雲集。陛下奈何輕舉。以蹈明皇之覆轍乎。上意頗悟。會內侍奏中宮已行。上色變。倉卒降御榻曰。朕不能留矣。綱泣拜以死邀之。上顧綱曰。朕今為卿留。治兵禦敵之事。專責之卿。勿令有疎虞。綱惶恐受命。未幾。復決意南狩。綱趨朝。則禁衛擐甲乘輿已駕矣。綱急呼禁衛曰。爾等願守宗社乎。願從幸乎。皆曰。願死守。綱入見曰。陛下已許臣留。復戒行何也。今六軍父母妻子皆在都城。願以死守。萬一中道散歸。陛下孰與為衛。敵兵已逼。知乘輿未遠。以健馬疾追。何以禦之。上感悟。遂命輟行。綱傳旨語左右曰。敢復有言去者。斬。禁衛皆拜伏呼萬歲。六軍聞之。無不感泣流涕。命綱為親征行營使。以便宜從事。綱治守戰之具。不數日而畢。敵兵攻城。綱身督戰。募壯士縋城而下。斬酋長十餘人。殺其眾數千人。金人知有備。又聞上已內禪。乃退。求遣大臣至軍中議和。綱請行。上遣李稅。綱曰。安危在此一舉。臣恐李稅怯懦而誤國事也。上不聽。竟使稅往。金人須金幣以千萬計。求割太原中山河間地。以親王宰相為質。稅受事。自不措一辭。還報。綱謂所需金幣。竭天下且不足。況都城乎。三鎮國之屏蔽。割之何以立國。至於遣質。即宰相當往。親王不當往。若遣辯士姑與之議。所以不可不者。宿留數日。大兵四集。彼孤軍深入。雖不得所欲。亦將速歸。此時而與之盟。則不敢輕中國而和可久也。宰執議不合。綱不能奪。求去。上慰諭曰。卿第出治兵。此事當徐議之。綱退。則誓書已行。所求皆與之。以皇弟康王少保張邦昌為質。時朝廷日輸金幣。而金人需求不已。日肆屠掠。四方勤王之師漸有至者。种師道姚平仲亦以涇原秦鳳兵至。綱奏言。金人貪婪無厭。兇悻已甚。其勢非用師不可。且敵兵號六萬。而吾勤王之師集城下者。已二十餘萬。彼以孤軍入重地。猶虎豹自投檻穽。

中當與計取之不必與角一旦之力若扼河津絕饗道分兵復畿北諸邑而以重兵臨敵營堅壁勿戰如周亞夫所以困七國者俟其食盡力疲然後以一檄取書復三鎮縱其北歸半渡而擊之此必勝之計也上深以為然約日舉事姚平仲勇而寡謀急於要功先期率步騎萬人夜斫敵營欲生擒韓侂胄及取康王以歸夜半中使傳旨諭綱曰姚平仲已舉事卿速援之綱率諸將且出封丘門與金人戰暮天坡以神臂弓射金人却之平仲竟以襲敵營不克懼誅亡去金使來宰相李邦彥語之曰用兵乃李綱姚平仲非朝廷意遂罷綱以蔡懋代之太學生陳東等詣闕上書明綱無罪軍民不期而集者數十萬呼聲動地患不得報至殺傷內侍帝亟召綱綱入見泣拜請死帝亦泣命綱復為尚書右丞充京城四壁守禦使始金人犯城者蔡懋禁不得輒施矢石將士積憤至是綱下令能殺敵者厚賞衆無不奮躍金人懼稍稍引却且得制三鎮詔及親王為質乃退師除綱知樞密院事綱奏請如澶淵故事遣兵護送且戒諸將可擊則擊之乃以兵十萬分道並進將士受命踊躍以行先是金帥粘罕圍太原守將折可求劉光世軍皆敗平陽府義兵亦叛導金人入南北關取隆德府至是遂攻高平宰相咎綱盡遣城下兵追敵恐倉卒無措急徵諸將已追及金人於邢趙間遽得還師之命無不扼拳比綱力爭復追而將士解體矣詔議迎太上皇帝還京初徽宗南幸童貫高俅等以兵扈從既行聞都城受圍乃止東南郵傳及勤王之師道路籍籍言貫等為變陳東上書乞誅蔡京蔡攸童貫朱勳高俅盧宗原等議遣聶山為發運使往圖之綱曰使山所圖果成震驚太上此憂在陛下萬一不果是數人者挾太上於東南求劍南一道陛下將何以處之莫若罷山之行請於太上去此數人自可不勞而定上從其言徽宗還次南都以書問改革政事之故且詔吳敏李綱或慮太上有不測綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數行下問卿頃以何故去綱對曰臣昨任左史以狂妄論列水災蒙恩寬斧鉞之誅然臣當時所言以謂天地之變各有類應正為今日攻圍之兆夫災異變故譬猶一人之身病在五臟則發於氣色形於脈息善醫者能知之

所以聖人觀變於天地而修其在我者故能制治保邦而無危亂之憂徽宗稱善又詢近日都城攻圍守禦次第語漸浹洽徽宗因及行宮上遞角等事曰當時恐金人知行宮所在非有他也綱奏方艱危時兩宮隔絕朝廷應副行宮亦豈能無不至者在聖度燭之耳且言皇帝仁孝惟恐有一不當太上皇帝意者每得詰問之詔輒憂懼不食臣竊嘗之家長出而疆寇至子弟之任家事者不得不從宜措置長者但當以其能保田園之計而慰勞之苟誅及細故則為子弟者何所逃其責哉皇帝傳位之初陛下巡幸適當大敵入攻為宗社計庶事不得不小有更革陛下回鑾臣謂宜有以大慰安皇帝之心勿問細故可也徽宗感悟出玉帶金象簡賜綱曰行宮人得卿來皆喜以此示朕意卿可使服史垂名萬世綱感泣再拜綱還具道太上意幸執進迎奉太上儀注耿南仲議欲屏太上左右車駕乃進綱言如此是示之以疑也天下之理誠與疑明與闇而已自誠明而推之可至於堯舜自疑闇而推之其患有不可勝言者耿南仲不以堯舜之道輔陛下乃闇而多疑南仲怫然曰臣適見左司諫陳公輔乃為李綱結士民伏闕者乞下御史置對上愕然綱曰臣與南仲所論國事也南仲乃為此言臣何敢復有所辯願以公輔事下吏臣得乞身待罪章十餘上不允太上皇帝還綱迎拜國門翌日朝龍德宮退復上章懇辭上手詔諭意曰乃者敵在近郊士庶伏闕一朝倉猝衆數十萬忠憤所激不謀同辭此豈人力也哉不悅者造言致卿不自安朕深諒卿不足介懷巨敵方退正賴卿協濟艱難宜勉為朕留綱不得已就職上備邊禦敵八事時北兵已去太上還宮上下恬然置邊事於不問綱獨以為憂與同知樞密院事許翰議調防秋之兵吳敏乞置詳議司檢詳法制以革弊政詔以綱為提舉官南仲沮止之綱奏邊患方棘調度不給宜稍抑冒濫以足國用謂如節度使至遙郡刺史本以待勳臣今皆以戚里恩澤得之堂吏轉官止於正郎崇觀間始轉至中奉大夫今宜皆復舊制執政揭其奏通衢以綱得士民心欲因此離之會守禦司奏補副尉二人御批有大臣專權浸不可長語綱奏頃得旨給空名告勅以便宣行事二人有勞當

補官故具奏聞。乃遵上旨。非專權也。時太原圍未解。種師中戰沒。師道病歸。南仲曰。欲援太原。非綱不可。上以綱爲河東北宣撫使。綱言。臣書生實不知兵。在圍城中。不得已爲陛下料理兵事。今使爲大帥。恐誤國事。因拜辭不許。退而移疾乞致仕。章十餘上不允。臺諫言。綱不可去朝廷。上以其爲大臣遊說斥之。或謂綱曰。公知所以遣行之意乎。此非爲邊事。欲緣此以去公。則都人無辭耳。公堅臥不起。讒者益肆。上怒且不可奈何。許翰書杜郵二字遺綱。綱皇恐受命。上手書裴度傳以賜綱言。吳元濟以區區環寨之地抗唐室。與金人疆鞏固不相侔。而臣曾不足以望裴度萬分之一。然寇攘外患。可以掃除。小人在朝。盡害難去。使朝廷既正。君子道長。則所以扞禦外患者有不難也。因書裴度論元稹魏洪簡章疏要語以進。上優詔答之。宣撫司兵僅萬二千人。庶事未集。綱乞展行期。御批以爲遲延拒命。綱上疏明其所以未可行者。且曰。陛下前以臣爲專權。今以臣爲拒命。方遣大帥解重圍。而以專權拒命之人爲之。無乃不可乎。願乞骸骨。解樞筦之任。上趣召數四曰。卿爲朕巡邊。便可還朝。綱曰。臣之行無復還之理。昔范仲淹以參政出撫西邊。過鄭州。見呂夷簡。夷簡曰。參政豈可復還。其後果然。今臣以愚直不容於朝。使既行之後。進而死敵。臣之願也。萬一朝廷執議不堅。臣當求去。陛下宜察臣孤忠。以全君臣之義。上爲之感動。及陛辭。言唐恪彘山之姦。任之不已。後必誤國。進至河陽。望拜諸陵。復上奏曰。臣總師出鞏洛。望拜陵寢。潯然出涕。惟祖宗創業守成。垂二百年。以至陛下。適丁艱難之秋。疆敵內侵。中國勢弱。此誠陛下嘗膽思報。厲精求治之日。願深考祖宗之法。一二推行之。進君子退小人。益固邦本。以圖中興。上以慰安九廟之靈。下爲億兆蒼生之所依賴。天下幸甚。行次懷州。有詔罷滅所起兵。綱奏曰。太原之圍未解。河東之勢甚危。秋高馬肥。敵必深入。宗社安危。殆未可知。使防秋之師果能足用。不可保無敵騎渡河之警。況臣出使未幾。朝廷盡改前詔。所團結之兵。悉罷滅之。今河北河東日告危急。未有一人一騎以副其求。甫集之兵。又皆散遣。臣誠不足以任此。且以軍法勒諸路起兵。而以寸紙罷之。臣恐後時有所號召。無復應者矣。疏上不報。御批曰。促解太原之圍。而諸將承受御書。事皆專達。宜撫

司徒有節制之名。綱上疏極諫。節制不專之弊。時方議和。詔止綱進兵。未幾。徐處仁吳敏罷相。而相唐恪。許翰罷。同知樞密院。而進森山陳過庭李回等。吳敏復謫置涪州。綱聞之。數曰。事無可爲者矣。即上奏巧罷。乃命種師道以同知樞密院事。領宣撫司事。召綱赴闕。尋除觀文殿學士。知揚州。綱具奏辭免。未幾。以綱專主戰議。喪師費財。落職提舉亳州明道宮。責授保靜軍節度副使。建昌軍安置。再謫寧江。金兵再至上。悟和議之非。除綱資政殿大學士。領開封府事。綱行次長沙。被命。即率湖南勤王之師入援。未至而都城失守。先是康王至北軍。爲金人所懼。求遣肅王代之。至是康王開大元帥府。承制復綱故官。且貽書曰。方今生民之命。急於倒垂。諒非不世之才。何以協濟事功。閣下學窮天人。忠貫金石。當投袂而起。以副蒼生之望。高宗即位。拜尙書右僕射。兼中書侍郎。趣赴闕。中丞顏岐奏曰。張邦昌爲金人所喜。雖已爲三公郡王。宜更加同平章事。增重其禮。李綱爲金人所惡。雖已命相。宜及其未至罷之。章五上上曰。如朕之立。恐亦非金人所喜。岐語塞而退。岐猶遣人封其章示綱。覲以沮其來。上聞綱且至。遣官迎勞。錫宴趣見于內殿。綱見上涕泗交集。上爲動容。因奏曰。金人之道。專以詐謀取勝。中國不悟。一切墮其計中。賴天命未改。陛下總師于外。爲天下臣民之所推戴。內修外攘。還二聖而撫萬邦。責在陛下。與宰相臣自視。闕然不足以副陛下委任之意。乞追廢成命。且臣在道。顏岐嘗封示論臣章。謂臣爲金人所惡。不當爲相。如臣愚。但知有趙氏。不知有金人。宜爲所惡。然謂臣材不足以任宰相。則可。謂爲金人所惡。不當爲相。則不可。因力辭。帝爲出范宗尹知饒州。顏岐與綱猶力辭。上曰。朕知卿忠義智略久矣。欲使敵國畏服。四方安寧。非相卿不可。卿其勿辭。綱頓首泣謝。云。臣愚陋無取。荷陛下知遇。然今日扶顛持危。圖中興之功。在陛下。而不在臣。臣無左右先容。陛下首加職權。付以宰相柄。區區何足以仰副圖任責成之意。然靡不有初。鮮克有終。臣孤立寡與。望察管仲齊霸之言。留神於君子小人之間。使得以盡志畢慮。雖死無憾。昔唐明皇欲相姚崇。崇以十事要說。皆中一時之病。今臣亦以十事仰干天聽。陛下度其可行者。賜之施行。臣乃敢受命。一曰。議國是。謂中國之御四裔。能守而後可。

戰能戰而後可和而增康之末皆失之今欲戰則不足欲和則不可莫若先自治專以守為策俟吾政事修士氣振然從可議大舉二曰議巡幸謂車駕不可不到京師見宗廟以慰都人之心度未可居則為巡幸之計以天下形勢而觀長安為上襄陽次之建康又次之皆當詔有司預為之備三曰議赦令謂祖宗登極赦令皆有常式前日赦書乃以張邦昌偽赦為法如赦惡逆及罪廢官盡復官職皆汎濫不可行宜悉改正以法四曰議僭逆謂張邦昌為國大臣不能臨難死節而挾金人之勢易姓改號宜正典刑垂戒萬世五曰議偽命謂國家更大變解仗節死義之士而受偽官以屈膝於其庭者不可勝數昔肅宗平賊汙偽命者以六等定罪宜倣之以勵士風六曰議戰謂軍政久廢士氣怯惰宜一新紀律信賞必罰以作其氣七曰議守謂敵情狡兪勢必復來宜於沿河江淮措置控禦以扼其衝八曰議本政謂政出多門紀綱紊亂宜一歸之於中書則朝廷尊九曰議久任謂靖康間進退大臣太速功效蔑著宜慎擇而久任之以責成功十曰議修德謂上始膺天命宜益修孝悌恭儉以副四海之望而致中興翌日班綱議于朝惟僭逆偽命二事留中不出綱言二事乃今日政刑之大者邦昌當道君朝在政府者十年淵聖即位首擢為相方國家禍難金人為易姓之謀邦昌如能以死守節推明天下戴宋之義以感動其心敵人未必不悔禍而存趙氏而邦昌方自以為得計偃然正位號處宮禁擅降偽詔以止四方勤王之師及知天下之不與不得已而後請元祐太后垂簾聽政而議奉迎邦昌僭逆始末如此而議者不同臣請備論而以春秋之法斷之夫都城之人德邦昌謂因其立而得生且免重科金銀之擾元帥府怨邦昌謂其不待征討而遣使奉迎若天下之憤嫉邦昌者則謂其建號易姓而奉迎特出於不得已都城德之元帥府怨之私也天下憤嫉之公也春秋之法人臣無將將而必誅趙盾不討則書以弑君今邦昌已僭位號敵退而止勤王之師非特將與不討賊而已劉盆子以漢宗室為赤眉所立其後以十萬眾降光武但待之以不死邦昌以臣易君罪大於盆子不得已而自歸朝廷既不正其罪又尊崇之此何理也陛下欲建中興之業而尊崇僭逆之臣以示四方其誰不解體又偽命

臣僚一切置而不問何以厲天下士大夫之節時執政中有論不同者上乃詔黃潛善等議之潛善主邦昌甚力上顧呂好問曰卿昨在圍城中知其故以為何如好問附潛善持兩端曰邦昌僭竊位號人所共知既以自歸惟陛下裁處綱言邦昌僭逆豈可使之在朝廷使道路指目曰此亦一天子哉因泣拜曰臣不可與邦昌同列當以笏擊之陛下必欲用邦昌第罷臣上頗感動伯彥乃曰李綱氣直臣等所不及乃詔邦昌謫潭州吳玠莫俸而下皆遷謫有差綱又言近世士大夫寡廉鮮恥不知君臣之義靖康之禍能仗節死義者在內惟李若水在外惟霍安國願加贈恤上從其請仍詔有死節者諸路詢訪以聞上謂綱曰卿昨爭張邦昌事內侍輩皆泣涕卿今可以受命矣綱拜謝有旨兼充御營使入對奏曰今國勢不逮靖康間遠甚然而可為者陛下英斷於上羣臣輯睦於下庶幾靖康之弊革而中興可圖然非有規模而知先後緩急之序則不能以成功夫外禦疆敵內銷盜賊修軍政變士風裕邦財寬民力改弊法省冗官誠號令以感人心信賞罰以作士氣擇帥臣以任方面選監司郡守以奉行新政俟吾所以自治者政事已修然後可以問罪金人迎還二聖此所謂規模也至於所當急而先者則在於料理河北河東蓋河北河東者國之屏蔽也料理稍就然後中原可保而東南可安今河東所失者恆代太原澤潞汾晉餘郡猶存也河北所失者不過真定懷衛濬四州而已其餘三十餘郡皆為朝廷守兩路士民兵將所以戴宋者其心甚堅皆推豪傑以為首領多者數萬少者亦不下萬人朝廷不因此時置司遣使以大慰撫之分兵以援其危急臣恐糧盡力疲坐受金人之困雖懷忠義之心援兵不至危迫無告必且憤怨朝廷金人因得撫而用之皆精兵也莫若於河北置招撫司河東置經制司擇有材略者為之使宣諭天子恩德所以不忍棄兩河於敵國之意有能全一州復一郡者以為節度防禦團練使如唐右鎮之制使自為守非惟絕其從敵之心又可資其禦敵之力使朝廷永無北顧之憂最今日之先務也上善其言問誰可任者綱薦張所傅亮所嘗為監察御史在靖康圍城中以蠟書募河北兵士民得書喜曰朝廷棄我猶有一張察院能拔而用之應募者凡十七萬人由是所之聲震

河北故綱以爲招撫河北非所不可。傅亮者先以邊功得官。嘗治兵河朔。都城受圍時。亮率勤王之兵三萬人。屢立戰功。綱察其智略。可以大用。欲因此試之。上乃以所爲河北招撫使。亮爲河東經制副使。皇子生。故事當肆赦。綱奏。陛下登極曠蕩之恩。獨遺河北河東而不及。勤王之師。天下缺望。夫兩路爲朝廷堅守。而赦令不及。人皆謂已棄之。何以慰忠臣義士之心。勤王之師在道路半年。擐甲荷戈。冒犯霜露。雖未效用。亦已勞矣。加以疾病死亡。恩恤不及。後有急難。何以使人乎。願因今赦。廣示德意。上嘉納。於是兩路知天子德意。人情翕然。間有以破敵捷書至者。金人圍守諸郡之兵。往往引去。而山砦之兵。應招撫經制。二司募者甚衆。有許高許亢者。以防河而遁。請嶺南。至南康謀變。年倅戮之。或議其擅殺。綱曰。高亢受任防河。寇未至而遁。分途劫掠。甚於盜賊。朝廷不能正軍法。而一守倅能行之。真捷吏也。使受命捍賊而欲退走者。知郡縣之吏皆得以誅之。其亦少知所戒乎。上以爲然。命轉一官。開封守關。綱以留守非宗澤不可。力薦之。澤至。撫循軍民。修治樓櫓。屢出師以挫敵。綱立軍法。五人爲伍。伍長以牌書同伍四人姓名。二十五人爲甲。甲正以牌書伍長五人姓名。百人爲隊。隊將以牌書甲正四人姓名。五百人爲部。部將以牌書隊將正副十人姓名。二千五百人爲軍。統制官以牌書部將正副十人姓名。命招置新軍及御營司兵。並依新法團結。有所呼召。使令。按牌以遣。三省樞密院置賞功司。受賂乞取者。行軍法。遇敵逃潰者。斬。因而爲盜賊者。誅及其家屬。凡軍政申明改更者。數十條。又奏。步不足以勝騎。騎不足以勝車。請以車制。領京東西製造。而教閱之。又奏。進戰艦。募水軍。及詢訪諸路武臣材略之可任者。以備用。又進三疏。一曰。募兵。二曰。買馬。三曰。募民出財。以助兵費。諫議大夫宋齊愈聞而笑之。謂虞部員外郎張浚曰。李丞相三議無一可行者。浚問之。齊愈曰。民財不可盡括。西北之馬不可得。而東南之馬不可用。至於兵數。若郡增二千。則歲用千萬緡。費將安出。齊愈將極論之。浚曰。公受禍自此始矣。時朝廷議遣使于金。綱奏曰。堯舜之道。孝悌而已。孝悌之至。可以通神明。陛下以二聖遠狩沙漠。食不甘味。寢不安席。思迎還兩宮。致天下養。此孝悌之至。而堯舜之用心也。今日之事。正當枕戈。

嘗膽。內修外攘。使刑政修而中國疆。則二帝不俟迎請而自歸。不然。雖冠蓋相望。卑辭厚禮。恐亦無益。今所遣使。但當奉表通問兩宮。致思慕之意可也。上乃命綱草表。以周望傳等爲二聖通問使。奉表以往。且乞降哀痛之詔。以感動天下。使同心協力。相與扶持。以致中興。又乞省冗員。節浮費。上皆從其言。是時四力潰兵爲盜者十餘萬人。攻劫山東淮南襄漢之間。綱命將悉討平之。一日。論靖康時事。上曰。淵聖勤於政事。省覽章奏。至終夜不寢。然卒致播遷。何耶。綱曰。人主之職。在知人。進君子而退小人。則大功可成。否則衡石程書無益也。因論靖康初。朝廷應敵得失之策。且極論金人兩至都城。所以能守不能守之故。因勉上以明恕盡人言。以恭敬足國用。以英果斷大事。上皆嘉納。又奏。臣章言車駕巡幸之所。關中爲上。襄陽次之。建康爲下。陛下縱未能行上策。猶當且適襄鄧。示不忘故都。以係天下之心。不然。中原非復我有。車駕還闕無期。天下之勢遂傾。不復振矣。上爲詔論兩京以還都之意。讀者皆感泣。未幾。有詔欲幸東南。避敵。綱極論其不可。言自古中興之主。起於西北。則足以據中原。而有東南。起於東南。則不能以復中原。而有西北。蓋天下精兵健馬。皆在西北。一旦委中原而棄之。豈惟金人將乘間以擾內地。盜賊亦將遽起爲亂。跨州連邑。陛下雖欲還闕。不可得矣。况欲治兵勝敵。以歸二聖哉。夫南陽光武之所興。有高山峻嶺。可以控扼。有寬城平野。可以屯兵。西隣關陝。可以召將士。東達江淮。可以運穀粟。南通荆湖巴蜀。可以取財貨。北距三都。可以遣救援。暫議駐蹕。乃還汴都。策無出於此者。今乘舟順流而適東南。固其安便。第恐一失中原。則東南不能必其無事。雖欲退保一隅。不易得也。況嘗隆詔許留中原。人心悅服。奈何詔墨未乾。遽失大信於天下。上乃許幸南陽。時黃潛善汪伯彥實陰上巡幸東南之議。客或有謂綱曰。外論洵洵。咸謂東幸已決。綱曰。國之存亡。於是焉分。吾當以去就爭之。初。綱每有所論。諫其言雖切直。無不容納。至是。所言常留中。不報。已而遷綱尚書左僕射。兼門下侍郎。黃潛善除右僕射。兼中書侍郎。張所乞且置司北京。俟措置有緒。乃渡河。北京留守張益謙。潛善黨也。奏招撫司之擾。又言。自置司河北。盜賊益熾。綱言。所尚留京師。益謙何以知其擾。河北民無所歸。聚而

爲盜。豈由置司乃有盜賊乎。有旨令留守宗澤節制傅亮。即日渡河。亮言措置未就。而渡河恐誤國事。綱言招撫經制臣所建明。而張所傅亮。又臣所薦用。今潛善伯彥祖所及亮。所以沮臣。臣每覽靖康大臣不和之失事。未嘗不與潛善伯彥議而後行。而二人設心如此。願陛下虛心觀之。既而詔罷經制司。召亮赴行在。綱言。聖意必欲罷亮。乞以御筆付潛善施行。臣得乞身歸田。綱退而亮竟罷。乃再疏求去。上曰。卿所爭細事。胡乃爾。綱言。方今人材以將帥爲急。恐非小事。臣昨議遷幸。與潛善伯彥異。宜爲所嫉。然臣東南人。豈不願陛下東下爲安便哉。願一去中原。後患有不可勝言者。願陛下以宗社爲心。以生靈爲意。以二聖未還爲念。勿以臣去而改其議。臣雖去左右。不敢一日忘陛下。泣辭而退。或曰。公決於進退。於義得矣。如讒者何。綱曰。吾知盡事君之道。不可則全進退之節。患禍非所恤也。初二帝北行。金人議立異姓。吏部尙書王時雍問於吳玠。莫傳。二人微言敵意在張邦昌。時雍未以爲然。適宋齊愈自敵所來。時雍入問之。齊愈取片紙書張邦昌三字。時雍意乃決。遂以邦昌姓名入議狀。至是齊愈論綱二事之非。不報。擬章將再上。其鄉人嘆齊愈者。竊其草示綱。時方論僭逆附僞之罪。於是逮齊愈。齊愈不承。獄吏曰。王尙書輩所坐不輕。然但遷嶺南。大諫第承。終不過躡嶺爾。齊愈引伏。遂誅之。東市。張浚爲御史。劾綱以私意殺侍從。且論其買馬招軍之罪。詔罷綱爲觀文殿大學士。提舉洞霄宮。尙書右丞許翰言。綱忠義捨之。無以佐中興。會上召見陳東。東言。潛善伯彥不可任。綱不可去。東坐誅。翰曰。吾與東皆爭李綱者。東戮都市。吾在廟堂可乎。遂求去。後有旨。綱落職居鄂州。自綱罷。張所以罪去。傅亮以母病辭歸。招撫經制二司皆廢。車駕遂東幸。兩河郡縣相繼淪陷。凡綱所規畫軍民之政。一切廢罷。金人攻京東西。殘毀闕輔。而中原盜賊遽起矣。

列傳第一百十八

李綱下

紹興二年除觀文殿學士湖廣宣撫使兼知潭州是時荆湖湘江之間流民潰卒羣聚為盜賊不可勝計多者至數萬人綱悉蕩平之上言荆湖國之上流其地數千里諸葛亮謂之用武之國今朝廷保有東南控馭西北如鼎澧嶽鄂若荆南一帶皆當屯宿重兵倚為形勢使四川之號令可通而襄漢之聲援可接乃有恢復中原之漸議未及行而諫官徐俯劉表劾綱罷為提舉西京崇福宮四年冬金人及偽齊來攻綱具防禦三策謂偽齊悉兵南下境內必虛儻出其不意電發霆擊擣頰昌以臨畿甸彼必震懼還拯王師追躡必勝之理此上策也若駐蹕江上號召上流之兵順流而下以助聲勢金鼓旌旗千里相望則敵人雖衆不敢南渡然後以重師進屯要害之地設奇邀擊絕其糧道俟彼遁歸徐議攻討此中策也萬一借親征之名為順動之計使卒伍潰散控扼失守敵得乘間深入州縣望風奔潰則其患有不可測矣往歲金人利在侵掠又方時暑勢必還師朝廷因得以還定安集今偽齊導之而來勢不徒還必謀割據姦民潰卒從而附之聲勢鴟張苟或退避則無以為善後之策昔符堅以百萬衆侵晉而謝安以偏師破之使朝廷措置得宜將士用命安知北敵不授首於我顧一時機會所以應之者如何耳望降臣章與二三大臣熟議之詔綱所陳今日之急務付三省樞密院施行時韓忠忠屢敗金人於淮楚間有旨督劉光世張浚統兵渡河車駕進發至江上勞軍五年詔問攻戰守備措置綏懷之方綱奏願陛下勿以敵退為可喜而以讎敵未報為可憤勿以東南為可安而以中原未復赤縣神州陷於敵國為可恥勿以諸將屢捷為可賀而以軍政未修士氣未振而疆敵猶得以潛逃為可虞則中興之期可指日而俟議者或謂敵馬既退當遂用兵為大舉之計臣竊以為不然生理未固而欲浪戰以僥倖非制勝之術也高祖先保關中故能東嚮與項籍爭光武先保河內故能降赤眉銅

馬之屬肅宗先保靈武故能破安史而復兩京今朝廷以東南為根本將士暴露之久財用調度之煩民力料取之困苟不大修守備痛自料理先為自固之計何以能萬全而制敵議者又謂敵人既退當且保據一隅以苟目前之安臣又以為不然秦師三伐晉以報殺之師諸葛亮佐蜀連年出師以圖中原不如是不足以立國高祖在漢中謂蕭何曰吾亦欲東光武破隗囂既平隴復望蜀此皆以天下為度不如是不足以混一區宇戡定禍亂況祖宗境土豈可坐視淪陷不務恢復乎今歲不征明年不戰使敵勢益張而吾之所糾合精銳士馬日以損耗何以圖敵謂宜於防守既固軍政既修之後即議攻討乃為得計此二者守備攻戰之序也至於守備之宜則當料理淮南荆襄以為東南屏蔽夫六朝之所以能保有江左者以疆兵巨鎮盡在淮南荆襄間故以魏武之雄符堅石勒之衆宇文拓跋之威卒不能窺江表後唐李氏有淮南則可以都金陵其後淮南為周世宗所取遂以削弱近年以來大將擁衆兵於江南官吏守空城於江北雖有天險而無戰艦水軍之制故敵人得以侵擾窺伺今當於淮之東南及荆襄置三大帥屯重兵以臨之分遣偏師進守支郡加以戰艦水軍上運下接自為防守敵馬雖多不敢輕犯則藩籬之勢威而無窮之利也有守備矣然後議攻戰之利分責諸路因利乘便收復京畿以及故都斷以必為之志而勿失機會則以弱為彊取威定亂於一勝之間逆臣可誅疆敵可滅攻戰之利莫大於是若夫萬乘所居必擇形勝以為駐蹕之所然後能制服中外以圖事業建康自昔號帝王之宅江山雄壯地勢寬博六朝更都之臣昔舉天下形勢而言謂關中為上今以東南形勢而言則當以建康為便今者鑾輿未復舊都莫若且於建康權宜駐蹕願詔守臣治城池修宮闕立官府勸營壁使粗成規模以待巡幸蓋有城池然後人心不恐有官府然後政事可修有營壘然後士卒可用此措置之所當先也至於西北之民皆陛下赤子荷祖宗涵養之深其心未嘗一日忘宋特制於疆敵陷於塗炭而不能以自歸天威震驚必有結納來歸願為內應者宜給之土田予以爵賞優加撫循許其自新使陷溺之民知所依怙莫不感悅益堅戴宋之心此綏懷之所當先也臣竊觀陛下有聰明

睿知之姿有英武敢為之志然自臨御迄今九年國不闕而日蹙事不立而日壞將驕而難御卒情而未練國用匱而無贏餘之蓄民力困而無休息之期使陛下憂勤雖至而中興之效邈乎無聞則羣臣誤陛下之故也陛下觀近年以來所用之臣慨然敢以天下之重自任者幾人乎居無事小廉曲謹似可無過忽有擾攘則錯愕無所措手足不過奉身以退天下憂危之重委之陛下而已有臣如此不知何補於國而陛下亦安取此夫用人如用醫必先知其術業可以已病乃可使之進藥而責成功今不詳審其術業而姑試之則雖日易一醫無補於病徒加疾而已大概近在閑暇則以和議為得計而以治兵為失策倉卒則以退避為愛君而進禦為誤國上下偷安不為長久之計天步艱難國勢益弱職此之由今天啓宸衷悟前日和議退避之失親臨大敵天威所臨使北軍數十萬之衆震怖不敢南渡潛師宵奔則和議之與治兵退避之與進禦其效概可觀矣然敵兵雖退未大懲創安知其秋高馬肥不再來擾我疆場使疲於奔命哉臣夙夜為陛下思所以為善後之策惟自昔創業中興之主必躬冒矢石履行陣而不避故高祖既得天下擊韓王信陳豨黥布未嘗不親行光武自即位至平公孫述十三年間無一歲不親征本朝太祖太宗定維揚平澤潞下河東皆躬御戎輅真宗亦有澶淵之行措天下於大安此謂始憂勤而終逸樂也若夫退避之策可暫而不可常可一而不可再退一步則失一步退一尺則失一尺往時自南都退而至維揚則關陝河北河東失矣自維揚退而至江浙則東西失矣萬有一敵騎南牧復將退避不知何所適而可乎航海之策萬乘冒風濤不測之險此又不可之尤者也惟當於國家閑暇之時明政刑治軍旅選將帥修車馬備器械峙糧糧積金帛敵來則禦俟時而奮以光復祖宗之大業此最上策也臣願陛下自今以往勿復為退避之計可乎臣又觀古者敵國善鄰則有和親仇讐之邦鮮復遣使豈不以豐隙既深終無講好睦睦之理故耶東晉渡江石勒遣使于晉元帝命焚其幣而却其使彼遣使來且猶却之此何可往假道僭偽之國其自取辱無補於事祇傷國體金人造覺之深知我必報其措意為何如而我方且卑辭厚幣屈體以求之其不推誠以見信決矣

器幣禮物所費不貲使輶往來坐索士氣而又邀我以必不可從之專制我以必不敢為之謀是和卒不成而徒為此擾擾也非特如此於吾自治自疆之計動輒相妨實有所害金人二十餘年以此策破契丹困中國而終莫之悟夫辨是非利害者人心所同豈真不悟哉聊復用此以僥倖萬一曾不知為吾害者甚大此古人所謂幾何僥倖而不喪人之國者也臣願自今以往勿復遣和議之使可乎二說既定擇所當為者一切以至誠為之俟吾之政事修倉廩實府庫充器用備士氣振力可有為乃議大舉則兵雖未交而勝負之勢已決矣抑臣聞朝廷者根本也藩方者枝葉也根本固則枝葉蕃朝廷者腹心也將士者爪牙也腹心壯則爪牙奮今遠而疆敵近而偽臣國家所仰以為捍蔽者在藩方所資以致攻討者在將士然根本腹心則在朝廷惟陛下正心以正朝廷百官使君子小人各得其分則是非明賞罰當自然藩方協力將士用命雖疆敵不足畏逆臣不足憂此特在陛下方寸之間耳臣昧死上條六事一曰信任輔弼二曰公選人材三曰變革士風四曰愛惜日力五曰務盡人事六曰寅畏天威何謂信任輔弼夫與衰撥亂之主必有同心同德之臣相與有為如元首股肱之於一身父子兄弟之於一家乃能協濟今陛下選於衆以圖任遂能捍禦大敵可謂得人矣然臣願陛下待以至誠無事形跡久任以責成功勿使小人得以間之則君臣之美垂於無窮矣何謂公選人材夫治天下者必資於人才而創業中興之主所資尤多何則繼體守文率由舊章得中庸之才亦足以共治至於艱難之際非得卓犖瓌偉之才則未易有濟是以大有為之主必有不世出之才參贊胡佐以成大業然自昔抱不羣之才者多為小人之所忌嫉或中之以黯闇或指之為黨與或誣之以大惡或擿之以細故而以道事君者不可則止難於自進恥於自明雖負重譴遭深譴安於義命不復自辨苟非至明之主深察人之情偽安能辨其非辜哉陛下臨御以來用人多矣世之所許以為端人正士者往往閑廢於無用之地而陛下寢寐側席有乏材之歎蓋少留意而致察焉何謂變革士風夫用兵之與士風似不相及而實相為表裏士風厚則議論正而是非明朝廷賞罰當功罪而人心服攻之本朝嘉祐治平以前

可知已。數十年來奔競日進。論議徇私邪說。利口足以惑人主之聽。元祐大臣持正論。如司馬光之流。皆社稷之臣也。而羣枉嫉之。指為姦黨。顛倒是非。政事大壞。馴致靖康之變。非偶然也。竊觀近年。士風尤薄。隨時好惡。以取世資。滄訥成風。豈朝廷之福哉。大抵朝廷設耳目。及獻納論思之官。固許之以風聞。至於大故。必須覈實。而後言。使其無實。則誣人之罪。服讒蒐惡。得以中害善。良皆非所以修政也。何謂愛惜日力。夫創業中興。如建大廈。堂室與序。其規模可一日而成。鳩工聚材。則積累非一日所致。陛下臨御九年。千茲境土。未復僭逆。未誅仇敵。未報尚稽。中與之業者。誠以始不為之規模。而後不為之積累。故也。邊事粗定之時。朝廷所推行者。不過簿書期會不切之細務。至於攻討防守之策。國之大計。皆未嘗留意。夫天下無不可為之事。亦無不可為之時。惟失其時。則事之小者。日益大事之易者。日益難矣。何謂務盡人事。夫天人之道。其實一致。人之所為。即天之所為也。人事盡於前。則天理應於後。此自然之符也。故創業中興之主。盡其在我而已。其成功歸之於天。今未嘗盡人事。敵至而先自退。屈而欲責功於天。其可乎。臣願陛下詔三三大臣。協心同力。盡人事以聽天命。則恢復土宇。羈屠鯨鯢。迎還兩宮。必有日矣。何謂寅畏天威。夫天之於王者。猶父母之於子。愛之至。則所以為之戒者亦至。故人主之於天威。必恐懼修省。以致其寅畏之誠。比年以來。勞感失次。太白晝見。地震水溢。或久陰不雨。或久雨不霽。或當暑而寒。乃正月之朔。日有食之。此皆天意眷佑陛下。丁寧反覆。以致告戒。惟陛下推至誠之意。正厥事以應之。則變災而為祥矣。凡此六者。皆中與之業所關。而陛下所當先務者。今朝廷人才不乏。將士足用。財用有餘。足為中與之寶。陛下春秋鼎盛。欲大有為。何施不可。要在改前日之轍。斷而行之耳。昔唐太宗謂魏徵為敢言。徵謝曰。陛下導臣使言。不然。其敢批逆鱗哉。今臣無魏徵之敢言。然展盡底蘊。亦思慮之極也。惟陛下赦其愚直。而取其拳拳之忠。疏奏上為賜詔。褒諭除江西安撫制置大使。兼知洪州。有旨赴行在。奏事畢之官。六年綱至。引對內殿。朝廷方銳意大舉。綱陛辭言。今日用兵之失者四。措置未盡善者五。宜預備者三。當善後者二。時宋師與金人偽齊相持於淮泗者半年。綱奏

兩兵相持。非出奇不足以取勝。願速遣驍將。自淮南約岳飛為犄角夾擊之。大功可成。已而未師。屢捷。劉光世張俊楊沂中大破偽齊兵於淮肥之上。車駕進發。幸建康。綱乞乞益飭戰守之具。修築沿淮城壘。且言。願陛下勿以去冬驟勝而自怠。勿以目前粗定而自安。凡可以致中興之治者。無不為。凡可以害中興之業者。無不去。要以修政事。信賞罰。明是非。別邪正。招徠人材。鼓作士氣。愛惜民力。順導衆心。為先。數者既備。則將帥輯睦。士卒樂戰。用兵其有不勝者哉。淮西鄴瓊以全軍叛歸劉豫。綱指陳朝廷有措置失當者。深可痛惜者。及當監前失以圖方來者。凡十有五事。奏之。張浚引咎去相位。言者引漢武誅王恢為比。綱奏曰。臣竊見張浚罷相。言者引漢武誅王恢事以為比。臣恐智謀之士。卷舌而不談兵。忠義之士。扼腕而無所發憤。將士解體而不用命。州郡望風而無堅城。陛下將誰與立國哉。張浚措置失當。誠為有罪。然其區區徇國之心。有可矜者。願少寬假。以責來效。時車駕將幸平江。綱以為平江去建康不遠。徒有退避之名。不宜輕動。復具奏曰。臣聞自昔用兵。以成大業者。必先固人心。作士氣。據地利而不肯先退。盡人事而不肯先屈。是以楚漢相距於滎陽。成皋關。高祖雖屢敗。不退尺寸之地。既割鴻溝。羽引而東。遂有垓下之亡。曹操袁紹戰於官渡。操雖兵弱糧乏。荀彧止其退避。既焚紹輜重。紹引而歸。遂喪河北。由是觀之。今日之事。豈可因一叛將之故。望風怯敵。遽自退屈。果出此謀。六飛回馭之後。人情動搖。莫有固志。士氣銷縮。莫有關心。我退彼進。使敵馬南渡。得一邑則守一邑。得一州則守一州。得一路則守一路。亂臣賊子。黠吏姦氓。從而附之。虎踞鸞張。雖欲如前日返駕還轅。復立朝廷於荊棘瓦礫之中。不可得也。借使敵騎衝突。不得已而權宜避之。猶為有說。今疆場未有緊急之報。兵將初無不利之失。朝廷正可懲往事。修軍政。審號令。明賞刑。益務固守。而遽為此擾擾。棄前功。挑後患。以自趨於禍敗。豈不重可惜哉。八年。王倫使北還。綱聞之。上疏曰。臣竊見朝廷遣王倫使金國。奉迎梓宮。今倫之歸。與金使偕來。乃以詔諭江南為名。不著國號。而曰江南。不曰通問。而曰詔諭。此何禮也。臣請試為陛下言之。金人毀宗社。逼二聖。而陛下應天順人。光復舊業。自我視彼。則仇讎也。自彼視我。則腹

心之疾也。豈復有可和之理。然而朝廷遣使通問。冠蓋相望於道。卑辭厚幣。無所愛惜者。以二聖在其域中。為親屈己。不得已而然。猶有說也。至去年春。兩宮凶問既至。遣使以迎梓宮。亟往過返。初不得其要領。今倫使事。初以奉迎梓宮為指。而金使之來。乃以詔諭江南為名。循名責實。已自乖戾。則其所以罔朝廷而生後患者。不待詰而可知。臣在遠方。雖不足以知曲折。然以愚意料之。金以此名遣使。其邀求大略有五。必降詔書。欲陛下屈體降禮以聽受。一也。必有赦文。欲朝廷宣布。班示郡縣。二也。必立約束。欲陛下奉藩稱臣。稟其號令。三也。必求歲賂。廣其數目。使我坐困。四也。必求割地。以江為界。淮南荆襄四川盡欲得之。五也。此五者。朝廷從其一。則大事去矣。金人變詐不測。貪婪無厭。縱使聽其詔令。奉藩稱臣。其志猶未已也。必繼有號令。或使親迎梓宮。或使單車入覲。或使移易將相。或改革政事。或竭取租賦。或腴削土宇。從之則無有紀極。一不從。則前功盡廢。反為兵端。以為權時之宜。聽其邀求。可以無後悔者。非愚則誣也。使國家之勢單弱。果不足以自振。不得已而為此。固猶不可。況土宇之廣。猶半天下。臣民之心。戴宋不忘。與有識者謀之。尚足以有為。豈可忘祖宗之業。生靈之屬望。弗慮弗圖。遽自屈服。冀延旦暮之命哉。臣願陛下特留聖意。且勿輕許。深詔羣臣。講明利害。可以久長之策。擇其善而從之。疏奏雖與衆論不合。上不以為忤。曰。大臣當如此矣。九年。除知潭州。荆湖南路安撫大使。綱具奏力辭曰。臣迂疎無周身之術。動致煩言。今者罷自江西。為日未久。又蒙擢拔。畀以帥權。昔漢文帝聞季布賢。召之。既而罷歸。布曰。陛下以一人之譽。召臣。以一人之毀。去臣。臣恐天下有以窺陛下之淺深。願臣區區。進退何足少多。然數年之間。亟奮亟躡。上累陛下。知人任使之明。實有係於國體。詔以綱累奏。不欲重違。遂允其請。次年薨。年五十八。訃聞。上為軫悼。遣使賻贈。撫問其家。給喪葬之費。贈少師。官其親族十人。綱負天下之望。以一身用舍。為社稷生民安危。雖身或不用。用有不久。而其忠誠義氣。凜然動乎遠邇。每宋使至。燕山必問李綱趙鼎安否。其為遠人所畏服如此。綱有著易傳內篇十卷。外篇十二卷。論語詳說十卷。文章歌詩奏議百餘卷。又有靖康傳信錄。奉迎錄。建炎時政記。建炎進退志。建炎

制詔表劄集。宣撫荆廣記。制置江右錄。

論曰。以李綱之賢。使得舉力。殫慮於靖康建炎間。莫或撓之。二帝何至於北行。而宋豈至為南渡之偏安哉。夫用君子則安。用小人則危。不易之理也。人情莫不喜安而惡危。然綱居相位。僅七十日。其謀數不見用。獨於黃潛善汪伯彥秦檜之言。信而任之。恆若不及。何高宗之見與人殊哉。綱雖屢斥。忠誠不少貶。不以用舍為語。默若赤子之慕其母。怒呵。猶噉噉焉。挽其裳裾而從之。嗚呼。中興功業之不振。君子固歸之天。若綱之心。其可謂非諸葛孔明之用心歟。

宋史卷二百五十九

宗澤字汝霖婺州義烏人母劉夢天大雷電光燭其身翌日而澤生澤自幼豪爽有大志登元祐六年進士第廷對極陳時弊考官惡直寘末甲調大名館陶尉呂惠卿帥鄆延檄澤與邑令視河埭檄至澤適喪長子奉檄遽行惠卿聞之曰可謂國爾忘家者適朝廷大開御河時方隆冬役夫僵仆于道中使督之急澤曰浚河細事乃上書其帥曰時方凝寒徒苦民而功未易集少需之至初春可不擾而辦卒用其言上聞從之惠卿辟為屬辭調衛州龍游令民未知學澤為建庠序設師儒講論經術風俗一變自此擢科者相繼調晉州趙城令下車請升縣為軍書聞不盡如所請澤曰承平時固無慮它日有警當知吾言矣知萊州掖縣部使者得旨市牛黃澤報曰方時疫癘牛飲其毒則結為黃今和氣橫流牛安得黃使者怒劾邑官澤曰此澤意也獨銜以聞通判登州境內官田數百頃皆不毛之地歲輸萬餘緡率橫取於民澤奏免之朝廷遣使由登州結女真盟海上謀夾攻契丹澤語所親曰天下自是多事矣退居東陽結廬山谷間靖康元年中丞陳過庭等列薦假宗正少卿充和議使澤曰是行不生還矣或問之澤曰敵能悔過退師固善否則安能屈節北庭以辱君命乎議者謂澤剛方不屈恐害和議上不遣命知磁州時太原失守官兩河者率託故不行澤曰食祿而避難不可也即日單騎就道從羸卒十餘人磁經敵騎蹂躪之餘人民逃徙帑廩枵然澤至繕城壁浚隍池治器械募義勇始為固守不移之計上言邢洛磁趙相五州各善精兵二萬人敵攻一郡則四郡皆應是一郡之兵常有十萬人上嘉之除河北義兵都總管金人破真定引兵南取慶源自李固渡渡河恐澤兵躡其後遣數千騎直扣磁州城澤揮甲登城令壯士以神臂弓射走之開門縱擊斬首數百級所獲羊馬金帛悉以賞軍士康王再使金行至磁澤迎謁曰肅王一去不反金敵又詭辭以致大王願勿行王遂回相州有詔

以澤為副元帥從王起兵入援澤言宜急會兵李固渡斷敵歸路衆不從迺自將兵趨渡道遇北兵遣秦光弼張德夾攻大破之金人既敗乃留兵分屯澤遣壯士夜擣其軍破三十餘營時康王開大元帥府檄兵會大名澤履冰渡河見王謂京城受圍日久入援不可緩會簽書樞密院事曹輔齋蠟封欽宗手詔至自京師言和議可成澤曰金人狡譎是欲款我師爾君父之望入援何啻饑渴宜急引軍直趨澶淵次第進壘以解京城之圍萬一敵有異謀則吾兵已在城下汪伯彥等難之勸王遣澤先行自是澤不得預府中謀議矣二年正月澤至開德十三戰皆捷以書勸王檄諸道兵會京城又移書北道總管趙野河東北路宣撫范訥知興仁府曾楸合兵入援三人皆以澤為狂不答澤以孤軍進都統陳淬言敵方熾未可輕舉澤怒欲斬之諸將乞貸淬使得效死澤命淬進兵遇金人敗之金人攻開德澤遣孔彥威與戰又敗之澤度金人必犯濮先遣三千騎往援金人果至敗之金人復向開德權邦彥孔彥威合兵夾擊又大敗之澤兵進至衛南度將孤兵寡不深入不能成功先驅云前有敵營澤揮衆直前與戰敗之轉戰而東敵益生兵至王孝忠戰死前後皆敵壘澤下令曰今日進退等死不可不從死中求生士卒知必死無不一當百斬首數千級金人大敗退却數十餘里澤計敵衆十倍於我今一戰而却勢必復來使悉其鐵騎夜襲吾軍則危矣乃募徒其軍金人夜至得空營大驚自是憚澤不敢復出兵澤出其不意遣兵過大河襲擊敗之王承制以澤為徽猷閣待制時金人逼二帝北行澤聞即提軍趨滑走黎陽至大名欲徑渡河據金人歸路還遣二帝而勸王之兵卒無一至者又聞張邦昌僭位欲先行誅討會得大元帥府書約移師近都按甲觀變澤復書于王曰人臣豈有服膺袍張紅蓋御正殿者乎自古姦臣皆外為恭順而中藏禍心未有竊據寶位改元肆赦惡狀昭著若邦昌者今二聖諸王悉渡河而北惟大王在濟天意可知宜亟行天討與復社稷且言邦昌偽赦或啟姦雄之意望遣使分諭諸路以定民心又上書言今天下所屬望者在於大王大王行之得其道則有以慰天下之心所謂道者近則正而遠柔邪納諫諍而拒諛佞尚恭儉而抑驕侈體憂勤而忘逸樂進公實而退私偽因累

表勸進。王即帝位于南京。澤入見涕泗交頤。陳興復大計。時與李綱同入對。相見論國事。慷慨流涕。綱奇之。上欲留澤。潛善等沮之。除龍圖閣學士。知襄陽府。時金人有割地之議。澤上疏曰。天下者。太祖太宗之天下。陛下當兢兢業業。思傳之萬世。奈何遽議割河之東西。又議割陝之蒲解乎。自金人再至。朝廷未嘗命一將出一師。但聞姦邪之臣。朝進一言以告和。暮入一說以乞盟。終致二聖北遷。宗社蒙恥。臣意陛下赫然震怒。大明黜陟。以再造王室。今即位四十日矣。未聞有大號令。但見刑部指揮云。不得騰播赦文於河之東西。陝之蒲解者。是禱天下忠義之氣。而自絕其民也。臣雖驚怯。當躬冒矢石。為諸將先。得指輻輳。國恩足矣。上覽其言壯之。改知青州。時年六十九矣。開封尹闕。李綱言。綏復舊都。非澤不可。尋徙知開封府。時敵騎留屯河上。金鼓之聲。日夕相聞。而京城樓櫓盡廢。兵民雜居。盜賊縱橫。人情恟恟。澤威望素著。既至。首捕誅金賊者數人。下令曰。為盜者賊。無輕重。並從軍法。由是盜賊屏息。民賴以安。王善者。河東巨寇也。擁眾七十萬。車萬乘。欲據京城。澤單騎馳至善營。泣謂之曰。朝廷當危難之時。使有如公一二輩。豈復有敵患乎。今日乃汝立功之秋。不可失也。善感泣曰。敢不效力。遂解甲降。時楊進號沒角牛。兵三十萬。王再與李貴王大郎等。各擁眾數萬。往來京西。淮南。河南北。侵掠為患。澤遣人諭以禍福。悉招降之。上疏請上還京。俄有詔。荆襄江淮。悉備巡幸。澤上疏言。開封物價。市肆漸同。平時將士農民。商旅士大夫之懷忠義者。莫不願陛下亟歸京師。以慰人心。其唱為異議者。非為陛下忠謀。不過如張邦昌輩。陰與金人為地爾。除延康殿學士。京城留守。兼開封尹。時金遣人。以使偽楚為名。至開封府。澤曰。此名為使。而實覘我也。拘其人。乞斬之。有詔所拘金使。延置別館。澤曰。國家承平二百年。不識兵革。以敵國誕謾為可憑信。恬不置疑。不惟不嚴攻討之計。其有實欲買勇思敵所憚之人。士大夫不以為狂。則以為為妄。我有前日之禍。張邦昌耿南仲輩所為。陛下所親見也。今金人假使偽楚。來覘虛實。臣愚乞斬之。以破其姦。而陛下惑於人言。令遷置別館。優加待遇。臣愚不敢奉詔。以彰國弱。上乃親札諭澤。竟縱遣之。言者附潛善意。皆以澤拘留金使為非。尚書左丞許景衡抗疏力辨。且謂澤

之為尹。威名政績。卓然過人。今之縉紳。未見其比。乞厚加任使。以成禦敵治民之功。真定懷衛間。敵兵甚盛。方密脩戰具。為入攻之計。而將相恬不為慮。不脩武備。澤以為憂。乃渡河約諸將共議事宜。以圖收復。而於京城四壁各置使。以領招集之兵。又據形勢立堅壁二十四所於城外。沿河鱗次為連珠。皆連結河東河北山水。忠義民兵。於是陝西京東西諸路人馬。咸願聽澤節制。有詔如淮甸。澤上表諫。不報。乘義即岳飛犯法。將刑。澤一見奇之。曰。此將材也。會金人攻汜水。澤以五百騎授飛。使立功贖罪。飛大敗金人而還。遂升飛為統制。飛由是知名。澤視師河北。還上疏言。陛下尚留南都。道路籍籍。咸以為陛下舍宗廟。朝廷使社稷無依。生靈失所。仰戴陛下。宜亟回汴京。以慰元元之心。不報。復抗疏言。國家結好金人。欲以息民。卒之劫掠侵欺。靡所不至。是守和議。果不足以息民也。當時固有阿意順旨。以叨富貴者。亦有不相諛隨。以獲罪戾者。陛下觀之。叨富貴者。為是乎。獲罪戾者。為是乎。今之言還幸者。猶前之言和議。為可行者也。今之言不可還者。猶前日之言和議。不可行者也。惟陛下下熟思。而審用之。且京師二百年積累之基業。陛下奈何輕棄。以遺敵國乎。詔遣官迎奉六宮。往金陵。澤上疏曰。京師天下腹心也。兩河雖未救寧。特一手臂之不信爾。今遽欲去之。非惟一臂之弗瘳。且并與腹心而棄之矣。昔景德間。契丹寇澶淵。王欽若江南人。即勸幸金陵。陳堯叟蜀人。即勸幸成都。惟寇準毅然請親往。卒用成功。臣何敢望。寇準然不敢不以章聖望陛下。又條上五事。其一言黃潛善汪伯彥贊南幸之非。澤前後建議。經從三省樞密院。輒為潛善等所抑。每見澤奏疏。皆笑以為狂。金將兀朮渡河。謀攻汴京。諸將請先斷河梁。嚴兵自固。澤笑曰。去冬金騎直來。正坐斷河梁耳。乃命部將劉衍趨滑。劉達趨鄭。以分敵勢。戒諸將極力保護河梁。以俟大兵之集。金人聞之。夜斷河梁。遁去二年。金人自鄭抵白沙。去汴京密邇。都人震恐。僚屬入問計。澤方對客圍碁。笑曰。何事。張皇。劉衍等在外。必能禦敵。乃選精銳數千。使繞出敵後。伏其歸路。金人方與衍戰。伏兵起。前後夾擊之。金人果敗。金將黏罕據西京。與澤相持。澤遣部將李景良閻中立郭俊民。領兵趨鄭。遇敵大戰。中立死之。俊民降。景良遁去。澤捕得景良。謂曰。不勝

罪可恕私自逃，是無主將也。斬其首以徇。既而俊民與金將史姓者及燕人何仲祖等持書來招澤。澤數俊民曰：汝失利死，尚爲忠義鬼。今反爲金人持書相誘，何面目見我乎？斬之。謂史曰：我受此土，有死而已。汝爲人將，不能以死敵我，乃欲以兒女子語誘我乎？亦斬之。謂仲祖脅從，貸之。劉衍還，金人須入滑部，將張橋請往。澤選兵五千付之，戒毋輕戰，以需援。橋至滑迎戰，敵騎十倍，諸將請少避其鋒。橋曰：避而偷生，何面目見宗公？力戰死之。澤聞橋急，遣王宣領騎五千救之。橋死二日，宣始至，與金人大戰，破走之。澤迎橋喪，恤其家，以宣權知滑州。金人自是不復犯東京。山東盜起，執政謂其多以義師爲名，請下令止勦王。澤疏曰：自敵圍京城，忠義之士憤懣爭奮，廣之東西，湖之南北，福建江淮越數千里，爭先勦王。當時大臣無遠識大略，不能撫而用之，使之饑餓困窮，弱者填溝壑，強者爲盜賊。此非勦王者之罪，乃一時錯置乖謬所致耳。今河東西不從敵國，而保山砦者不知其幾，諸處節義之夫，自黥其面，而爭先救駕者，復不知其幾。此詔一出，臣恐草澤之士一旦解體倉卒有急，誰復有願忠效義之心哉？王策者，本遼酋爲金將，往來河上，澤擒之，解其縛坐堂上，爲言契丹本宋兄弟之國，今女真辱吾主，又滅而國，義當協謀雪恥，策感泣願效死。澤因問敵國虛實，盡得其詳，遂決大舉之計。召諸將謂曰：汝等有忠義心，當協謀勦敵，期還二聖，以立大功。言訖泣下。諸將皆泣聽命。金人戰不利，悉引兵去。澤疏諫南幸，言：臣爲陛下保護京城，自去年秋冬至于今春，又三月矣。陛下不早回京城，則天下之民無所依戴，除資政殿學士，又遣子穎詣行闕上疏曰：天下之事，見幾而爲，待時而動，則事無不成。今收復伊洛而金酋渡河，捍蔽滑臺而敵國屢敗，河東河北山砦義民引領舉踵，日望官兵之至，以幾以時而言之，中與之北可見，而金人滅亡之期可必。在陛下見幾乘時而已。又言：昔楚人城郢，史氏鄙之，今聞有旨於儀真教習水戰，是規規爲偏霸之謀，非可鄙之甚者乎？傳聞四方，必謂中原不守，遂爲江寧控扼之計耳。先是澤去磁以州事付兵馬鈐轄李侃，統制趙世隆殺之。至是世隆及弟世興以兵二萬來歸，衆懼其變。澤曰：世隆本吾一校爾，何能爲世隆？責之曰：河北陷沒，吾宋法令與上下之分，亦陷沒

邪，命斬之。時世興佩刀侍側，衆兵露刃庭下。澤徐謂世興曰：汝兄誅汝，汝能奮志立功，足以雪恥。世興感泣。金人攻滑州，澤遣世興往救。世興至，掩其不備，敗之。澤威聲日著。北方聞其名，常尊憚之。對南人言，必曰：宗爺爺澤疏言。丁進數十萬衆，願守護京城。李成願扈從還闕，即渡河勦敵。楊進等兵百萬，亦願渡河，同致死力。臣聞多助之至，天下順之。陛下及此時還京，則衆心翕然，何敵國之足憂乎？又奏言：聖人愛其親以及人之親，所以教人孝；敬其兄以及人之兄，所以教人弟。陛下當與忠臣義士合謀肆討，迎復二聖。今上皇所御龍德宮，儼然如舊，惟淵聖皇帝未有宮室，望改脩寶籙宮，以爲迎奉之所。使天下知孝於父，弟於兄，是以身教也。上乃降詔，擇日還京。澤前後請上還京二十餘奏，每爲潛善等所抑，憂憤成疾，疽發于背。諸將入問疾，澤瞿然曰：吾以二帝蒙塵，積憤至此，汝等能殲敵，則我死無恨。衆皆流涕曰：敢不盡力。諸將出，澤數曰：出師未捷身先死，長使英雄淚滿襟。翌日，風雨晝晦，澤無一語及家事，但呼過河者三而薨。都人號慟，遺表猶贊上還京，贈觀文殿學士，通議大夫，諡忠簡。澤質直好義，親故貧者，多依以爲活，而自奉甚薄。常曰：君父側身膏膾，臣子乃安居美食，邪？始澤招集羣盜，聚兵儲糧，結諸路義兵，連燕趙豪傑，自謂渡河克復，可指日冀。有志弗就，識者恨之。子穎居戎幕，素得士心。澤薨數日，將士去者十五都人，請以穎繼父任。會朝廷已命杜充留守，乃以穎爲判官。充反澤所爲，頗失人心。穎屢爭之，不從。乃請持服歸。自是豪傑不爲用。羣聚城下者，復去爲盜。而中原不守矣。穎官終兵部郎中。

趙鼎，字元鎮，解州聞喜人。生四歲而孤，母樊教之，通經史百家之書。登崇寧五年進士第，對策斥章惇誤國，累官爲河南洛陽令。宰相吳敏知其能，擢爲開封士曹。金人陷太原，朝廷議割三鎮地。鼎曰：祖宗之地，不可以與人。何庸議？已而京師失守，二帝北行，金人議立張邦昌。鼎與胡寅張浚逃太學中，不書議狀。高宗即位，除權戶部員外郎。知樞密院張浚薦之，除司勳郎官。上幸建康，詔條具防秋事宜。鼎言：宜以六宮所止爲行宮，車駕所止爲行在，擇精兵以備儀衛。其餘兵將分布江淮，使敵莫測巡幸之定所。上納之。久雨，詔求闕政。鼎言：自熙寧

聞王安石用事變祖宗之法而民始病。假關國之謀，造生邊患，與理財之政，窮困民力，設虛無之學，敗壞人才。至崇寧初，蔡京託紹述之名，盡祖安石之政。凡今日之患，始於安石。成於蔡京。今安石猶配享廟廷，而京之黨未除，時政之闕無大於是。上為罷安石配享，擢右司諫，旋遷殿中侍御史。劉光世部將王德擅殺韓世忠之將，而世忠亦率部曲奪建康守府，鼎言：「德總兵在外，專殺無忌，此而不治，孰不可為？」命鼎鞠德，鼎又請下詔切責世忠，而指取其將吏付有司治罪。諸將肅然。上曰：「肅宗與靈武得一李勉，朝廷始尊。今朕得卿，無愧昔人矣。」中丞范宗尹言：「故事無自司諫遷殿中者。」上曰：「鼎在言路極舉職，所言四十事，已施行三十有六。遂遷侍御史。北兵至江，上幸會稽，召臺諫議去留。鼎陳戰守避三策，拜御史中丞。請督王瓚進軍宣州，周望分軍出廣德，劉光世渡江駐蕪黃，為邀擊之計。又言：「經營中原，當自關中始。經營關中，當自蜀始。欲幸蜀，當自荆襄始。吳越介在一隅，非進取中原之地。荆襄左顧川陝，右控湖湘，而下瞰京洛，三國所必爭，宜以公安為行闕，而屯重兵于襄陽，運江浙之粟以資川陝之兵。經營大業，計無出此。」韓世忠敗金人于黃天蕩，宰相呂頤浩請上幸浙西，下詔親征。鼎以為不可輕舉，頤浩惡其異己，改鼎翰林學士。鼎不拜，改吏部尚書。又不拜。言：「陛下有聽納之誠，而宰相陳拒諫之說，陛下有眷待臺臣之意，而宰相挾挫沮言官之威，堅臥不出，疏頤浩過失。凡千言，上罷頤浩，詔鼎復為中丞。謂鼎曰：「朕每聞前朝忠諫之臣，恨不之識。今於卿見之，除端明殿學士，簽書樞密院事。金人攻楚州，鼎奏遣張俊往援之，俊不行。山陽遂陷，金人留淮上。范宗尹奏敵未必能再渡，鼎曰：「勿恃其不來，恃吾有以待之。三省當以敵退為陛下援人才，脩政事。密院常虞敵至，為陛下申軍律，治甲兵，即兩得之上。」上曰：「卿等如此，朕復何憂？」鼎以楚州之失，上章丐去。會辛企宗除節度使，鼎言：「企宗非軍功，忤旨，出奉祠。除知平江府，尋改知建康。又移知洪州。京西招撫使李橫欲用兵，復東京。鼎言：「橫烏合之眾，不能當敵，恐遂失襄陽。」已而橫戰不利，走襄陽，竟陷。召拜參知政事。宰相朱勝非言：「襄陽國之上流，不可不急取。」上問岳飛可使否，鼎曰：「知上流利害無如飛者。」簽書徐俯不以為然，飛出師，竟復襄陽。鼎乞令韓

世忠屯泗上，劉光世出陳蔡，光世請入奏，俯欲許之。鼎不可，僞齋宿遷令來歸。俯欲斬送劉豫，鼎復爭之。俯積不能平，乃求去。朱勝非兼知樞密院，言者謂當國者不知兵，乞令參政通知。由是為勝非所忌。除鼎知樞密院，川陝宣撫使鼎辭以非才。上曰：「四川全盛，半天下之地，盡以付卿，黜陟專之可也。」時吳玠為宣撫副使，鼎奏言：「臣與玠同事，或節制之耶？」上乃改鼎都督川陝諸軍事。鼎所條奏，勝非多沮抑之。鼎上疏言：「頃張浚出使川陝，國勢百倍於今。浚有補天浴日之功，陛下有礪山帶河之勢。君臣相信，古今無二，而終致物議，以被竄逐。今臣無浚之功，而當其任，遠去朝廷，其能免於紛紛乎？」又言：「臣所請兵不滿數千，半皆老弱，所資金帛至微，薦舉之人，除命甫下，彈墨已行。臣日侍宸衷，所陳已艱難，況在萬里之外乎？」時人士皆惜其去，臺諫有留行者，會邊報沓至，鼎每陳用兵大計，及朝辭，上曰：「卿豈可遠去，當遂相卿。」九月，拜尚書右僕射，同中書門下平章事。兼知樞密院事。制下，朝士相慶。時劉豫子麟與金人合兵，大入，舉朝震恐。鼎論戰禦之計，諸將各異議，獨張俊以為當進討。鼎是其言，有勸上他幸者。鼎曰：「戰而不捷，去未晚也。」上亦曰：「朕當親總六師，臨江決戰。」鼎喜曰：「累年退怯，敵志益驕，今聖斷親征，成功可必。於是詔張俊以所部援韓世忠，而命劉光世移軍建康，且促世忠進兵。世忠至揚州，大破金人於大儀鎮，方警報交馳，劉光世遣人諷鼎曰：「相公自入蜀，何事為他人任患？」世忠亦謂人曰：「趙丞相真敢為者。」鼎聞之，恐上意中變，乘間言：「陛下養兵十年，用之正在今日。若少加退阻，即人心渙散，長江之險，不可復恃矣。」及捷音日至，車駕至平江，下詔聲逆豫之罪。欲自將渡江決戰。鼎曰：「敵之遠來，利於速戰，遽與爭鋒，非策也。」且豫猶遣其子，豈可煩至尊耶？帝為止不行。未幾，簽書樞密院事胡松年自江上還云：「北兵大集，然後知鼎之有先見也。」張浚久廢，鼎言浚可大任，乃召除知樞密院。命浚往江上視師，時敵兵久駐淮南，知南兵有備，漸謀北歸。鼎曰：「金人無能為矣，命諸將邀諸淮，連敗之。」金人遁去。上謂鼎曰：「近將士致勇爭先，諸路守臣亦翕然自效，乃朕用卿之力也。」鼎謝曰：「皆出聖斷，臣何力之有焉？」或問鼎曰：「金人傾國來攻，眾皆恟懼，公獨言不足畏，何耶？」鼎曰：「敵眾雖威，然以豫邀而來，非其本心，戰

必不力。以是知其不足畏也。上嘗語張浚曰：趙鼎真宰相，天使佐朕中興，可謂宗社之幸也。鼎奏金人遁歸，尤當博采羣言，爲善後之計。於是詔呂頤浩等議攻戰備禦措置經懷之方。五年，上環臨安，制以鼎守左僕射，知樞密院事。張浚守右僕射，兼知樞密院事。都督諸路軍馬。鼎以政事先後及人才所當召用者，條而置之座右。次第奏行之。制以貴州防禦使張玘爲保慶軍節度使，封建國公。於行宮門外建資善堂。鼎薦范冲爲翊善，朱震爲贊讀。朝論謂二人極天下之選。建炎初，書下詔以姦臣誣蔑宣仁保佑之功。命史院刊脩，未及行。朱勝非爲相，上諭之曰：神宗哲宗兩朝史事多失實，非所以傳信後世。宜召范冲刊定。勝非言：神宗史增多王安石日錄，哲宗史經京卞之手，議論多不正。命官刪脩，誠足以彰二帝威美，會勝非去位，鼎以宰相監脩二史，是非各得其正。上親書忠正德文四字賜鼎，又以御書尙書一帙賜之。曰：書所載君臣相戒飭之言，所以賜卿。欲共由斯道。鼎上疏謝。劉豫遣子麟，分路入寇。時張俊屯盱眙，楊沂中屯泗，韓世忠屯楚，岳飛駐鄂。劉光世駐廬，沿江上下無兵。上與鼎以爲憂。鼎移書浚，欲令浚與沂中合兵勦敵。光世乞捨廬還太平，又乞退保采石。鼎奏曰：豫逆賊也，官軍與豫戰而不能勝，或更退守，何以立國。今賊已渡淮，當亟遣張俊合光世之軍，盡掃淮南之寇。然後議去留。上善其策。詔二將進兵。俊軍至藕塘，與貌戰，大破之。鼎命沂中趨合肥，以會光世。光世已棄廬回江北。浚以書告鼎。鼎曰：上詔浚有不用命者，聽以軍法從事。光世大駭，復進至肥河，與麟戰，破之。麟貌拔柵遁去。浚在江上，嘗遣其屬呂社入奏事。所言誇大，鼎每抑之。上謂鼎曰：他日張浚與卿不和，必呂社也。後浚因論事，語意微侵鼎。鼎言：臣初與浚如兄弟，因呂社離間，遂爾睽異。今浚成功，當使展盡底蘊。浚當留，臣當去。上曰：俟浚歸議之。浚嘗奏乞幸建康，而鼎與折彥質請回驛臨安。浚遂還，乞乘勝攻河南。且罷劉光世軍政。鼎言：擒豫固易耳，然得河南，能保金人不內侵乎。光世累世爲將，無故而罷之，恐人心不安。浚滋不悅。鼎以觀文殿大學士知紹興府。七年，上幸建康。罷劉光世，以王德爲都統制，鄺瑄副之。並聽參謀兵部尙書呂社節制。瑄與德有宿怨，訴于社，不得直。執社以全軍降。爲齊。浚引社去位，乃以萬

書觀使兼侍讀，召鼎入對，拜尙書左僕射，同中書門下平章事，兼樞密使。進四官。上言：淮西之報初至，執政奏事皆失措。惟朕不爲動。鼎曰：今見諸將，尤須靜以待之。不然，益增其驕蹇之心。臺諫交論淮西無備。鼎曰：行朝擁兵十萬，敵騎直來，自足抗之。設有他虞，鼎身任其責。淮西迄無驚。鼎嘗乞降詔安撫淮西。上曰：俟行遣張浚，朕當下罪己之詔。鼎言：浚已落職。上曰：浚罪當遠，寬鼎奏浚母老，且有勳王功。上曰：功過自不相掩。已而內批出。浚謫置嶺南。鼎留不下。詰旦，約同列掬解。上怒殊未釋。鼎力懇曰：浚罪不過失策耳。凡人計慮，豈不欲萬全。儻因一失，便寘之死地。後有奇謀秘計，誰復敢言者。此事自關朝廷，非獨私浚也。上意乃解。遂以散官分司居永州。鼎既再相，或議其無所施設。鼎聞之曰：今日之事，如人患羸，當靜以養之。若復加攻，必傷元氣矣。金廢劉豫，鼎遣間招河南守將，壽亭陳蔡之間，往往舉城或率部曲來歸，得精兵萬餘，馬數千。知廬州劉錡亦奏言：淮北歸正者不絕。度今歲可得四五萬。上喜曰：朕常慮河池數百里，備禦空虛。今得此軍，可無患矣。金人遣使議和，朝論以爲不可信。上怒。鼎曰：陛下於金人，有不共戴天之讎。今屈己請和，不憚爲之者，以梓宮及母后耳。羣臣憤激之辭，出於愛君，不可以爲罪。陛下宜諭之曰：講和非吾意，以親故不得已爲之。但得梓宮及母后還，敵雖渝盟，吾無憾焉。上從其言。羣議遂息。潘良貴以向于譚奏事久，叱之退。上欲抵良貴罪，常同爲之辨。欲併逐同。鼎奏：子諱雖無罪，而同與良貴不宜逐。二人竟出。給事中張致遠謂不應以一子諱出二佳士。不書黃。上怒。顧鼎曰：固知致遠必繳敵。鼎問何也。上曰：與諸人善，蓋已有先入之言。由是不樂於鼎矣。秦檜繼留身奏事，既出，鼎問帝何言。檜曰：上無他恐。丞相不樂耳。御筆和州防禦使璩除節鉞，封國公。鼎奏：建國雖未正名，天下皆知陛下有子。社稷大計也。在今禮數不得不異，所以繫人心。不使之二三而惑也。上曰：姑徐之。檜後留身，不知所云。鼎嘗闢和議，與檜意不合。及鼎以爭璩封國事拂上意，檜乘間擠鼎。又薦蕭振爲侍御史，振本鼎所引，及入臺，劾參知政事劉大中罷之。鼎曰：振意不在大中。振亦謂人曰：趙丞相不待論，當自爲去。就會殿中侍御史張戒論給事中勾濤濤言戒之擊臣，乃趙鼎意。因詆鼎結

臺諫及諸將上聞益疑鼎引疾求免言大中持正論為章惇蔡京之黨所嫉臣
 議論出處與大中同大中去臣何可留乃以忠武節度使出知紹興府尋加檢
 校少傅改奉國軍節度使檜率執政往錢其行鼎不為禮一揖而去檜益憾之
 鼎既去王庶入對上謂庶曰趙鼎兩為相於國大有功再贊親征皆能決勝又
 鎮撫建康回鑾無患他人所不及也先是王倫使金從鼎受使指問禮數則答
 以君臣之分已定問地界則答以大河為界二者從事之大者或不從則已倫
 受命而行至是倫與金使俱來以撫諭江南為名上歎息謂庶曰使五日自得
 此報趙鼎豈可去耶初車駕還臨安內侍移竹栽入內鼎見責之曰良嶽花石
 之擾皆出汝曹今欲蹈前轍耶因奏其事上改容謝之有戶部官進錢入宮者
 鼎召至相府切責之翌日問上曰某人獻錢耶上曰朕求之也鼎奏某人不當
 獻陛下不當求遂出其人與郡鼎嘗薦胡寅魏矼晏敦復潘良貴呂本中張致
 遠等數十人分布朝列暨再相奏曰今清議所與如劉大本胡寅呂本中常同
 林季仲之流陛下能用之乎妬賢長惡如趙鼎胡世將周秘陳公輔之徒陛下
 能去之乎上為從世將而公輔等尋補外上書中批二人付廟堂升擢鼎奏疎
 遠小臣陛下何由得其姓名上謂常同實稱之鼎曰同知其賢何不露章薦引
 始浚薦秦檜可與共大事鼎再相亦以為言然檜機穽深險外和而中異浚初
 求去有旨召鼎鼎至越丐祠檜惡其逼已徙知泉州又諷謝祖信論鼎嘗受張
 邦昌偽命遂奪節御史中丞王次翁論鼎治郡廢弛命提舉洞霄宮鼎自泉州
 歸復上書言時政檜忌其復用諷次翁又論其嘗受偽命乾沒都督府錢十七
 萬緡請官居興化軍論者猶不已移漳州又責清遠軍節度副使潮州安置在
 潮五年杜門謝客時事不掛口有問者但引咎而已中丞詹大方誣其受賄屬
 死以不移檜見之曰此老倔強猶昔在吉陽三年潛居深處門人故吏皆不敢
 通問惟廣西帥張宗元時饋糲米檜知之命本軍月具存亡申鼎遣人語其子
 汾曰檜必欲殺我我死汝曹無患不爾禍及一家矣先得疾自書墓中石記鄉
 里及除拜歲月至是書銘旌云身騎箕尾歸天上氣作山河壯本朝遺言屬其

子乞歸葬遂不食而死時紹興十七年也天下聞而悲之明年得旨歸葬孝宗
 即位謚忠簡贈太傅追封豐國公高宗祔廟以鼎配享廟庭擢用其孫十有二
 人鼎為文渾然天成凡高宗處分軍國機事多其視草有擬奏表疏雜詩文二
 百餘篇號得全集行於世論中興賢相以鼎為稱首云

論曰夫謀國用兵之道有及時乘銳而可以立功者有養成持重而後能有為
 者二者之設施不同其為忠一而已方金人逼二帝北行宗社失主宗澤一呼
 而河北義旅數十萬眾若響之赴聲實由澤之忠忱義氣有以風動之抑思民
 目睹君父之陷於塗淖孰無憤激之心哉使當其時澤得勇往直前無或齟齬
 牽制之則反二帝復舊都特一指顧間耳黃潛善汪伯彥嫉能而恭功使澤不
 得信其志發憤而薨豈不悲哉及趙鼎為相則南北之勢成矣兩敵之相持非
 有灼然可乘之釁則養吾力以俟時否則徒取危困之辱故鼎之為國專以固
 本為先根本固而後敵可圖雖可復此鼎之心也惜乎一見忌於秦檜斥逐遠
 徙卒齎其志而亡君子所尤痛心也竊嘗論澤鼎之終而益有感焉澤之易贊
 也猶運呼渡河者三而鼎自題其銘旌有氣作山河壯本朝之語何二臣之愛
 君憂國雖處死生禍變之際而猶不渝若是而高宗惑於儉邪之口乍任乍黜
 所謂善善而不能用于載而下忠臣義士猶為之撫卷扼腕國之不競有以哉

宋史卷三百六十

元中書右丞相總裁脫脫等修
列傳第一百二十

張浚子物

張浚字德遠漢州綿竹人唐宰相九齡第九輩之後父咸舉進士賢良兩科浚四歲而孤行直視端無詭言識者知為大器入太學中進士第靖康初為太常簿張邦昌僭立逃入太學中聞高宗即位馳赴南京除樞密院編修官改虞部郎擢殿中侍御史駕幸東南後軍統制韓世忠所部逼逐臣墜水死浚奏奪世忠觀察使上下始知有國法遷侍御史時乘輿在揚州浚言中原天下之根本願下詔葺東京關陝襄鄧以待巡幸嗚幸相意除集英殿修撰知興元府未行擢禮部侍郎高宗召論曰卿知無不言言不盡朕將有為正如欲一飛冲天而無羽翼卿勉留輔朕除御營使司參贊公事浚度金人必來攻而廟堂晏然殊不為備力言之宰相黃潛善汪伯彥皆笑其過計建炎三年春金人南侵車駕幸錢塘留朱勝非于吳門捍禦以浚同節制軍馬已而勝非召浚獨留時潰兵數萬所至剽掠浚招集甫定會苗傅劉正彥作亂改元赦書至平江浚命守臣湯東野秘不宜未幾傳等以檄來浚慟哭召東野及提點刑獄趙哲謀起兵討賊時傳等以承宣使張俊為秦鳳路總管俊將萬人還將卸兵而西浚知上遇俊厚而俊純實可謀大事急邀俊握手語故相持而泣因告以將起兵問罪時呂頤浩節制建業劉光世領兵鎮江浚遣人賈蠟書約頤浩光世以兵來會而命俊分兵扼吳江上疏請復辟傳等謀除浚禮部尚書命將所部詣行在浚以大兵未集未欲誦言討賊乃託云張俊驟回人情震讙不可不少留以撫其軍會韓世忠舟師抵常熟張俊曰世忠來事濟矣白浚以書招之世忠至對浚慟哭曰世忠與俊請以身任之浚因大輻後世忠將士呼諸將校至前抗聲問曰今日之舉孰順孰逆眾皆曰賊逆我順浚曰聞賊以重賞購吾首若浚此舉違天悖人汝等可取浚頭去不然一有退縮悉以軍法從事眾咸感憤於是令世忠以兵赴關而戒其急趨秀州據糧道以俟大軍之至世忠至秀即大治

戰具會傳等以書招浚浚報云自古言涉不順謂之指斥乘輿事涉不遜謂之震驚宮闕廢立之事謂之大逆不道大逆不道者族今建炎皇帝不聞失德一旦遜位豈所宜聞傳等得書恐乃遣重兵扼臨平亟除俊世忠節度使而誣浚欲危社稷責柳州安置俊世忠拒不受會呂頤浩劉光世兵踵至浚乃聲傳正彥罪傳檄中外率諸軍繼進初浚遣客馮楷以計策往說傳等會大軍且至傳正彥憂恐不知所出楷知其可動即以大義白宰相朱勝非使率百官請復辟高宗御筆除浚知樞密院事浚進次臨平賊兵拒不得前世忠等搏戰大破之傳正彥脫遁浚與頤浩等入見伏地涕泣待罪高宗問勞再三曰曩在睿聖兩宮隔絕一日啜羹小黃門忽傳太后之命不得已貶卿柳州朕不覺羹覆于手念卿被謫此事誰任留浚引入內殿曰皇太后知卿忠義欲識卿面適垂簾見卿過庭矣解所服玉帶以賜高宗欲相浚浚以晚進不敢當傳正彥走閩中浚命世忠追縛之以獻與其黨皆伏誅初浚次秀州晝夜坐警備甚嚴忽有客至前出一紙懷中曰此苗傅劉正彥募賊公賞格也浚問欲何如客曰僕河北人粗讀書知逆順豈以身為賊用特見為備不嚴恐有後來者耳浚下執其手問姓名不告而去浚翌日斬死囚徇于眾曰此苗劉刺客也私識其狀貌物色之終不遇巨盜薛慶嘯聚淮甸至數萬人浚恐其滋蔓徑至高郵入慶壘諭以朝廷恩意慶感服下拜浚留撫其眾或傳浚為賊所執呂頤浩等遽罷浚樞堯浚歸高宗驚歎即日趣就職浚謂中興當自關陝始慮金人或先入陝取蜀則東南不可保遂慷慨請行詔以浚為川陝宣撫處置使便得宜黜陟將行御營平寇將軍范瑄擁眾自豫章至行在先是靖康城破金人逼脅君后太子宗室北行多瑄之謀又乘勢勦掠左右張邦昌為之從衛至是入朝悻傲無禮且乞貸逆黨傳正彥等死罪浚奏瑄大逆不道乞伸典憲翌日召瑄至都堂數其罪切責之送棘寺論死分其軍隸神武軍然後行與沿江襄漢守臣議儲蓄以待臨幸高宗問浚大計浚請身任陝蜀之事置幕府於秦川別遣大臣與韓世忠鎮淮東令呂頤浩扈蹕來武昌復以張俊劉光世與秦川相首尾議既定浚行未及武昌而頤浩變初議浚既抵興元金人已取鄭延曉將妻宿宇引大兵渡

渭攻承興，諸將莫肯相援。浚至，即出行關陝，訪問風俗，罷斥姦賊，以搜獲豪傑為先務。諸將惕息聽命，會謀報金人將攻東南，浚命諸將整軍向敵，已而金人大攻江淮，浚即治軍入衛，至房州，知金人北歸，復還關陝。時金帥兀朮猶在淮西，浚懼其復擾東南，謀牽制之，遂決策治兵，合五路之師以復承興。金人大恐，急調兀朮等由京西入援，大戰於富平，涇原帥劉錡身率將士薄敵陳，殺獲頗衆，會環慶帥趙哲擅離所部，哲軍將校望見塵起，驚遁，諸軍皆潰。浚斬哲以徇，退保興州，命吳玠聚兵扼險，于鳳翔之和尙原大散關，以斷敵來路。關師古等聚熙河兵于岷州，大潭、孫渥、賈世方等聚涇原鳳翔兵于階成鳳三州，以固蜀口。浚上書待罪，帝手詔慰勉，紹興元年，金將烏魯攻和尙原，吳玠乘險擊之，金人大敗走。兀朮復合兵至，玠及其弟璘復邀擊，大破之。兀朮僅以身免，亟鬻其須髻遁歸，始黏罕病篤，語諸將曰：「自吾入中國，未嘗有敢撓吾鋒者，獨張樞密與我抗，我在猶不能取蜀，我死，爾曹宜絕意，但務自保而已。」兀朮怒曰：「是謂我不能耶？」罕死，竟入攻，果敗。拜浚檢校少保，定國軍節度使。浚在關陝三年，訓新集之兵，當方張之敵，以劉子羽為上賓，任趙開為都轉運使，擢吳玠為大將，守鳳翔。子羽慷慨有才略，開善理財，而玠每戰輒勝。西北遺民歸附日衆，故關陝雖失而全蜀按堵，且以形勢牽制東南。江淮亦賴以安，將軍曲端者，建炎中嘗逐逐帥臣王庶而奪其印，吳玠敗于彭原，訴端不整師，富平之役，端議不合，其腹心張忠彥等降敵。浚初起用端，中坐廢，猶欲再用之，後卒下端獄論死。會有言浚殺趙哲曲端無辜，而任子羽開玠非是，朝廷疑之。三年，遣王似副浚，會金將撒葛及劉豫叛黨聚兵入攻破金州，子羽為與元帥約，吳玠同守三泉，金人至金牛，宋師掩擊之，斬馘及墮溪谷死者以數千計。浚聞王似來，求解兵柄，且奏似不可任，宰相呂頤浩不悅，而朱勝非以宿憾，日毀短浚。詔浚赴行在。四年，初，辛炳知潭州，浚在陝以檄發兵炳不遣，浚奏劾之。至是，炳為御史中丞，率同列劾浚，以本官提舉洞霄宮，居福州。浚既去國，慮金人釋川陝之兵，必將併力窺東南，而朝廷已議講解，乃上疏極言其狀，未幾，劉豫之子麟果引金人入攻高宗。思浚前言，策免朱勝非，而參知政事趙鼎請幸平江，乃召浚以資政

殿學士提舉萬壽觀兼侍讀入見。高宗手詔辨浚前誣，除知樞密院事。浚既受命，即日赴江上視師。時兀朮擁兵十萬于揚州，約日渡江決戰。浚長驅臨江，召韓世忠、張俊、劉光世議事。將士見浚勇氣十倍，浚既部分諸將，身留鎮江節度之世忠遺麾下王愈詣兀朮約戰，且言張樞密已在鎮江。兀朮曰：「張樞密貶嶺南，何得乃在此？」愈出浚所下文書示之。兀朮色變夕遁。五年，除尙書右僕射，同中書門下平章事，兼知樞密院事，都督諸路軍馬。趙鼎除左僕射，浚與鼎同志，輔治務在塞倖門，抑近習。時巨寇揚么據洞庭，屢攻不克，浚以建康東南都會，而洞庭據上流，恐滋蔓為害，請因盛夏乘其怠討之。具奏請行，至醴陵，釋邑囚數百，皆楊么謀者，給以文書，俾招諭諸峒，因驪呼而往。至潭，賊衆二十餘萬相繼來降。湖寇盡平。上賜浚書，謂上流既定，則川陝荆襄形勢接連，事力增倍，天其以中興之功付卿乎。浚遂奏遣岳飛屯荆襄，以圖中原，乃自鄂岳轉淮東大會諸將，議防秋之宜。高宗遣使賜詔趣歸，勞問之曰：「卿善行其勞，湖湘羣寇既就招撫，成朕不殺之仁，卿之功也。召對便殿，進中興備覽四十一篇。高宗嘉歎置之坐隅，浚以敵勢未衰，而叛臣劉豫復據中原。六年，會諸將議事江上，榜豫僭逆之罪，命韓世忠據承楚以圖淮陽，命劉光世屯合肥以招北軍，命張俊練兵建康，進屯盱眙，命楊沂中領精兵為後翼，以佐俊。命岳飛進屯襄陽，以窺中原。浚渡江，徧撫淮上諸戍。時張俊軍進屯盱眙，岳飛遣兵入至蔡州，浚入覲，力請幸建康，車駕進發。浚先往江上，謀報劉豫與子猊挾金人入攻浚。金人不敢悉衆而來，此必豫兵也。邊遽不一，俊光世皆張大敵勢，浚謂賊豫以逆犯順，不勦除何以爲國。今日之事，有進無退，且命楊沂中屯屯濠州，劉麟逼合肥，張俊請益兵，劉光世欲退師，趙鼎及簽書折彥質欲召岳飛兵東下，御書付浚，令俊光世沂中等還保江。浚奏俊等渡江則無淮南，而長江之險與敵共矣。且岳飛一動，襄漢有警，復何所恃乎。詔書從之。沂中兵抵濠州，光世舍廬州而南，淮西洶動，浚聞疾馳至采石，令其衆曰：「有一人渡江者，斬。」光世復駐軍與沂中接。劉猊攻沂中，沂中大破之。猊麟皆拔柵遁。高宗手書嘉獎，召浚還勞。時趙鼎等議回蹕臨安，浚奏：「天下之事，不倡則不起。三歲之間，陛下一再臨江，土氣百

倍今大飛一還。人心解體。高宗幡然從浚計。鼎出知紹興府。浚以親民之官。治道所急。修具郡守監司省郎館閣出入迭補之法。又以災異奏復賢良方正科。七年。以浚却敵功。制除特進。未幾。加金紫光祿大夫。問安使何辭歸報。徽宗皇帝寧德皇后相繼崩殂。上號慟。辭踊。哀不自勝。浚奏。天子之孝。不與士庶同。必思所以奉宗廟社稷。今梓宮未返。天下塗炭。願陛下揮涕而起。斂髮而趨。一怒以安天下之民。上乃命浚草詔。論中外辭甚哀切。浚又請命諸大將軍三軍發哀成服。中外感動。浚退。上疏曰。陛下思慕兩宮。憂勞百姓。臣之至愚。獲遭任用。臣每感慨自期。誓殲敵讎。十年之間。親養闕然。爰及妻孥。莫之私顧。其意亦欲遂陛下孝養之心。拯生民於塗炭。昊天不弔。禍變忽生。使陛下抱無窮之痛。罪將誰執。昔陝蜀之行。陛下命臣曰。我有大隙于北。刷此至恥。惟爾是屬。而臣終墮成功。使敵無憚。今日之禍。端自臣致。乞賜罷黜。上詔浚起視事。浚再疏待罪。不許。乃請乘輿發平江。至建康。浚總中外之政。幾事叢委。以一身任之。每奏對。必言讎恥之大。反復再三。上未嘗不改容流涕。時天子方厲精克己。戒飭宮庭內侍。無敢越度。事無巨細。必以咨浚。賜諸將詔。往往命浚草之。劉光世在淮西。軍無紀律。浚奏罷光世。以其兵屬督府。命參謀兵部尚書呂祉往廬州節制。而樞密院以督府握兵為嫌。乞置武帥。乃以王德為都統制。即軍中取鄺瓊副之。浚奏其不當。瓊亦與德有宿怨。列狀訴御史臺。乃命張俊為宣撫使。楊沂中。劉錡為制置判官。以撫之。未至。瓊等舉軍叛。執呂祉。以歸。劉裕。祉不行。晉瓊等碎齒折首而死。浚引咎求去。位高宗問可代者。且曰。秦檜何如。浚曰。近與共事。方知其闇。高宗曰。然則用趙鼎。檜由是憾浚。浚以觀文殿大學士提舉江州太平興國宮。先是浚遣人持手榜入僞地。間劉豫及鄺瓊叛去。復遣間持蠟書遺瓊。金人果疑豫。尋廢之。臺諫交詆浚。落職。以秘書少監分司西京。居永州。九年。以赦復官。提舉臨安府洞霄宮。未幾。除資政殿大學士。知福州。兼福建安撫大使。金遣使來。以詔諭為名。浚五上疏爭之。十年。金敗盟。復取河南。浚奏。願因權制變。則大勳可集。因大治海舟千艘。為直指山東之計。十一年。除檢校少傅。崇信軍節度使。充萬壽觀使。免奉朝請。十二年。封和國公。十六年。彗星出西方。

浚將極論時事。恐貽母憂。母訝其瘠。問故。浚以實對。母誦其父對策之語曰。臣寧言而死於斧鉞。不能忍不言以負陛下。浚意乃決。上疏謂當今事勢。譬如養成大疽於頭目心腹之間。不決不止。惟陛下下謀之於心。謹察情偽。使在我有不可犯之勢。庶幾社稷安全。不然。後將噬臍。事下三省。秦檜大怒。令臺諫論浚。以特進提舉江州太平興國宮。居連州。二十年。徙永州。浚去國幾二十載。天下士無賢不肖。莫不傾心慕之。武夫健將言浚者。必咨嗟太息。至兒童婦女。亦知有張都督也。金人憚浚。每使至。必問浚安在。惟恐其復用。當是時。秦檜怙寵固位。懼浚為正論以害己。令臺臣有所彈劾。論必及浚。反謂浚為國賊。必欲殺之。以張柄。知潭州。汪召錫使湖南。使圖浚。張常先使江西。治張宗元獄。株連及浚。捕趙鼎子汾。下大理。令自誣與浚謀大逆。會檜死。乃免。二十五年。復觀文殿大學士。判洪州。浚時以母喪將歸葬。念天下事二十年為檜所壞。邊備蕩弛。又聞金亮篡立。必將舉兵。自以大臣義同休戚。不敢以居喪為嫌。且奏論之。會星變。求直言。浚謂金人數年間。勢決求費用兵。而國家溺於宴安。蕩然無備。乃上疏極言。而大臣沈該。萬俟卨。湯思退等見之。謂敵初無覺。笑浚為狂。臺諫湯鵬舉。浚哲論浚歸蜀。恐搖動遠方。詔復居永州。服除。落職。以本官奉祠。三十一年春。有旨自便。浚至潭。聞欽宗崩。號慟不食。上疏請早定守戰之策。未幾。亮兵大入。中外震動。復浚觀文殿大學士。判潭州。時金騎充斥。王權兵潰。劉錡退歸鎮江。遂改命浚判建康府。兼行宮留守。浚至岳陽。買舟冒風雪而行。遇東來者云。敵兵方焚采石。煙炎漲天。慎無輕進。浚曰。吾赴君父之急。知直前求乘輿所在而已。時長江無一舟敢行北岸者。浚乘小舟徑進。過池陽。聞亮死。餘眾猶二萬屯和州。李顯忠兵在沙上。浚往犒之。一軍見浚。以為從天而下。浚至建康。即牒通判劉子昂。辦行宮儀物。請乘輿臨幸。二十二年。車駕幸建康。浚迎拜道左。衛士見浚。無不以手加額。時浚起廢復用。風采隱然。軍民皆倚以為重。車駕將還臨安。勞浚曰。卿在此。朕無北顧憂矣。兼節制建康鎮江府。江州。池州。江陰軍。軍馬。金兵十萬圍海州。浚命鎮江都統張子蓋往救。大破之。浚招集忠義。及募淮楚壯勇。以陳敏為統制。且謂敵長於騎。我長於步。衛步莫如弩。衛弩莫如車。命敏

專制督治車。孝宗即位召浚入見。改容曰：久聞公名。今朝廷所恃唯公。賜坐降閣。浚從容言：人主之學以心為本。一心合天。何事不濟。所謂天者。天下之公理而已。必就業自持。使清明在躬。則賞罰舉措。無有不當。人心自歸。敵讎自服。孝宗悚然曰：當不忘公言。除少傅。江淮東西路宣撫使。進封魏國公。翰林學士。史浩議欲城瓜州采石。浚謂不守兩淮而守江干。是示敵以削弱。息戰守之氣。不若先城泗州。及浩參知政事。浚所規畫。浩必沮之。浚薦陳俊卿為宣撫判官。孝宗召俊卿及浚子栻赴行在。浚附奏。請上臨幸建康。以動中原之心。用師淮壘。進舟山東。以為吳璘聲援。孝宗見俊卿等。問浚動靜。飲食顏貌。朕依魏公。如長城。不容浮言搖奪。金人以十萬眾屯河南。聲言規兩淮。移文索海泗唐鄧商州及歲幣。浚言：北敵詭詐。不當為之動。以大兵屯盱眙濠廬備之。卒以無事。隆興元年。除樞密使。都督建康鎮江府江州池州江陰軍馬。時金將蒲察徒穆及知泗州大周仁屯虹縣。都督蕭琦屯豐壁。積糧修城。將為南攻計。浚欲及其未發攻之。會主宰殿前司李顯忠。建康都統邵宏淵。亦獻搆二邑之策。浚具以聞。上報可。召浚赴行在。命先圖兩城。乃遣顯忠出濠州。趨豐壁。宏淵出泗州。趨虹縣。而浚自往臨之。顯忠至豐壁。敗蕭琦。宏淵圍虹縣。降徒穆周仁。乘勝進克宿州。中原震動。孝宗手書勞之曰：近日邊報。中外鼓舞。十年來無此克捷。浚以感夏人疲。急召李顯忠等還師。會金帥紇石烈志寧率兵至宿州。與顯忠戰。連日。南軍小不利。忽謀報敵兵大至。顯忠夜引歸。浚上疏待罪。有旨降授特進。更為江淮宣撫使。宿師之還。士大夫主和者。皆議浚之非。孝宗復賜浚書曰：今日邊事。銜卿為重。卿不可畏人言。而懷猶豫。前日舉事之初。朕與卿任之。今日亦須與卿終之。浚乃以魏勝守海州。陳敏守泗州。戚方守濠州。郭振守六合。治高郵巢縣兩城為大勢。修滁州關山以扼敵衝。聚水軍淮陰馬軍壽春。大飭兩淮守備。孝宗復召栻奏事。浚附奏云：自古有為之君。腹心之臣。相與協謀同志。以成治功。今臣以孤蹤。動輒掣肘。陛下將安用之。因乞骸骨。孝宗覽奏謂栻曰：朕待魏公有加。不為浮議所惑。帝嘗過浚。猶至。對近臣言曰：魏公。未嘗斥其名。每遣使來。必令視浚飲食多寡。肥瘠何如。尋詔復浚都督之號。金帥僕散忠義

貽書三省樞密院。索四郡及歲幣。不然。以農隙治兵。浚言：金強而來弱。則不在和。與不和。時湯思退為右相。思退素檜黨也。急於求和。遂遣盧仲賢持書報金。浚言：仲賢小人多妄。不可委信。已而仲賢果以許四郡辱命。朝廷復以王之望為通問使。龍大淵副之。浚爭不能得。未幾。召浚入見。復力陳和議之失。孝宗為止善書。留之望。大淵待命。而令通書官胡昉楊由義往諭金。以四郡不可割。若金人必欲得四郡。當遣使人罷和議。拜浚尚書右僕射。同中書門下平章事。兼樞密使。都督如故。思退為左僕射。胡昉等至宿。金人械繫迫脅之。昉等不屈。更禮而歸之。孝宗論浚曰：和議之不成。天也。自此事當歸一矣。二年。議進幸建康。詔之望等還。思退聞之大駭。陽為乞祠狀。而陰與其黨謀為陷浚計。俄詔浚行視江淮。時浚所招徠山東淮北忠義之士。以實建康鎮江兩軍。凡萬二千餘人。萬弩營所招淮南壯士及江西羣盜。又萬餘人。陳敏統之以守泗州。凡要害之地。皆築城堡。其可因水為險者。皆積水為圍。增置江淮戰艦。諸軍弓矢器械悉備。時金人屯重兵于河南。為虛聲脅和。有刻日決戰之語。及聞浚來。亟撤兵歸。淮北之來歸者日不絕。山東豪傑悉願受節度。浚以蕭琦契丹望族。沈勇有謀。欲令盡領契丹降眾。且以檄諭契丹。約為應援。金人益懼。思退乃令王之望感毀守備。以為不可恃。令尹樞論罷督府參議官馮方。又論浚費國不貲。奏留張深守泗。不受趙廓之代。為拒命。浚亦請解督府。詔從其請。左司諫陳良翰侍御史周操言：浚忠勤人望所屬。不當使去國。浚留平江。凡八章乞致仕。除少師。保信軍節度。判福州。浚辭改醴泉觀使。朝廷遂決棄地求和之議。浚既去。猶上疏論尹樞姦邪。必誤國事。且勸上務學親賢。或勉浚勿復以時事為言。浚曰：君臣之義。無所逃於天地之間。吾荷兩朝厚恩。久尸重任。今難去國。猶日望上心感悟。苟有所見。安忍弗言。上如欲復用浚。浚當即日就道。不敢以老病為辭。如若等言。是誠何心哉。聞者聳然。行次餘干。得疾。手書付二子曰：吾嘗相國。不能恢復中原。雪祖宗之恥。即死不當葬我。先人墓左。葬我衡山下足矣。計聞。孝宗震悼。輟視朝。贈太保。後加贈太師。諡忠獻。浚幼有大志。及為熙河幕官。偏行邊壘。覽觀山川形勢。時時與舊戍守將握手飲酒。問祖宗以來守邊舊法。及軍

陣方略之宜。故一旦起自疏遠。當樞筦之任。悉能通知邊事本末。在京城中。親見二帝北行。皇族係虜。生民塗炭。誓不與敵俱存。故終身不主和議。每論定都大計。以爲東南形勢。莫如建康。人主居之。可以北望中原。常懷憤慨。至如錢塘僻在一隅。易於安肆。不足以號召北方。與趙鼎共政。多所引權。從臣朝列。皆一時之望。人號小元祐。所薦虞允文。汪應辰。王十朋。劉珙等。爲名臣。拔吳玠。吳玠於行間。謂韓世忠忠勇。可倚以大事。一見劉錡奇之。付以事任。卒皆爲名將。有成功。一時稱凌爲知人。凌事母以孝稱。學遠於易。有易解及雜說十卷。書詩禮春秋中庸亦各有解。文集十卷。奏議二十卷。子二人。枋杓。枋自有傳。

杓字定叟。以父恩授承奉郎。歷廣西經略司機宜。通判嚴州。方年少。已有能稱。浙西使者薦所部吏。而不及杓。孝宗特令再薦。召對。差知袁州。戢豪彊。弭盜賊。尉獲盜上之州。杓察知其枉。縱去。莫不怪之。未幾。果獲真盜。改知衢州。兄枋喪。無壯子。請祠以營葬事。主管五局觀。遷湖北提舉常平。奏事。帝大喜。論輔臣曰。張浚有子如此。改浙西督理荒政。蘇湖二州皆闕守。命兼攝焉。有執妓烟黨閉糶。杓首治之。帝獎其不畏彊禦。遷兩浙轉運判官。未幾。以直徽猷閣。升副使。改知臨安府。奏除逋欠四萬緡。米八百斛。進直龍圖閣。都城浩穰。姦盜聚。杓畫分地以警捕。夜戶不閉。張師尹納女掖庭。供給使恃以恣橫。杓因事痛繩之。徙其家信州。其類帖伏。南郊禮成。賜五品服。權兵部侍郎。仍知臨安。加賜三品服。修三牘。復六井。府治火。延及民居。上疏自劾。詔削二秩。杓再疏乞罷。移知鎮江。尋改明州。辭。仍知鎮江。召爲戶部侍郎。面對言事。迺時相意。高宗崩。以集英殿修撰知紹興府。董山陵事。召還爲吏部侍郎。光宗卽位。權刑部侍郎。復兼知臨安府。紹熙元年。爲刑部侍郎。仍爲府尹。內侍毛伯益冒西湖茭地爲亭。外戚有殺其僕者。獄具。責緣宣諭求免。杓皆執奏。論如律。孝宗觀湖。杓以彈壓伏謁道左。孝宗止輦問勞。賜以酒炙。京西謀帥。進煥章閣學士。知襄陽府。賜金二百兩。別賜金百兩。白金倍之。未幾。進徽猷閣學士。知建康府。繼復命還襄陽。寧宗嗣位。歸正人陳應祥。忠義人党琪等。謀襲均州。副都統馮湛問道疾馳以聞。杓不爲動。徐部分掩捕。獄成。斬其爲首者二人。盡釋黨與。反側以安。升寶文閣學士。

知平江府。未行。改知建康府。升龍圖閣學士。知隆興府。兼江西安撫使。奉新縣舊有營田。募民耕之。畝賦米斗五升。錢六十。其後議臣請蠲之。始征兩稅和買。且加折變。民重爲困。杓悉奏蠲之。進端明殿學士。復知建康府。以疾乞祠。卒。杓天分高爽。吏材敏給。遇事不凝滯。多隨宜變通。所至以治辦稱。南渡以來。論尹京者。以杓爲首。子忠純。忠恕。自有傳。

論曰。儒者之於國家。能養其正直之氣。則足以正君心。一衆志。攘凶逆。處憂患。蓋無往而不自得焉。若張浚者。可謂善養其氣者矣。顧其初逃張邦昌之議。平苗劉之亂。其才識固有非偷儒之所敢望及其攘卻勅敵。招降劇盜。能使將帥用命。所嚮如志。遠人伺其用舍。爲進退。天下占其出處。爲安危。豈非卓然所謂人豪者歟。羣言沸騰。屢奮屢蹶。而辭氣慨然。嘗曰。上如欲復用浚。當卽日就道。不敢以老病辭。其言如是。則其愛君憂國之心。爲何如哉。時論以浚之忠。大類漢諸葛亮。亮能使魏延楊儀終其身不爲異。同浚以吳玠故。遂殺曲端。亮能容法孝直。浚不能容李綱。趙鼎。而又詆之。茲所以爲不及歟。至於富平之潰師。淮西之兵變。則成敗利鈍。雖亮不能逆睹也。

宋史卷三百六十一

宋史卷三百六十一考證

張浚傳此苗劉刺客也○臣蒲封按何氏備史張魏公嘉禾刺客乃是附會雜

史張元遣刺韓忠獻事

復遣閉持蠟書遺瓊○臣蒲封按齊東野語張魏公遣蠟書鄭瓊之語亦是

潘遠知問岳武穆秦州叛卒事

宋史卷三百六十一考證

元中書右丞相總裁脫脫等修

列傳第一百二十一

朱勝非

呂好問

范宗尹

范致虛

朱勝非字藏一蔡州人崇寧二年上舍登第靖康元年為東道副總管權應天府金人攻城勝非逃去會韓世忠部將楊進破敵勝非復還視事逾年詣濟州謂康王言南京為藝祖與王之地請幸之以圖大計王即位南京建炎改元試中書舍人兼權直學士院時方草創勝非憑敗鼓草制辭氣嚴重如平時上疏言仁義者天下之大柄中國持之則外夷服而諸夏尊苟失其柄則不免四夷交侵之患國家與契丹結好百有餘年一旦乘其亂弱遠交金人為夾攻計是中國失其柄而外侮所由招也陛下即位宜宣明正始之道思其合於仁義者行之不合者置之則可以攘卻四夷紹復大業矣上嘉之總制使錢蓋進職勝非言蓋為陝西制置使棄師誤國封還貼黃蓋遂罷官衛膚敏坐論元祐太后兄子徙官勝非言以外戚故去諫非所以示天下二年除尚書右丞時宰執陸補多濫勝非奏舊制宰執子弟例不堂除只就銓注罷政不以罪然後推恩趙普子弟皆作武臣普再相長子授莊宅使范純仁再相子正平有文行竟死選調章惇子援及持皆高科並為州縣幕職監當惟夏竦子安期累作邊帥授待制直學士王安石薦子雱為崇政殿說書除待制然安期猶有才幹雱猶有學問至蔡京子六人孫四人鄭居中劉正夫子各二人余深王黼白時中蔡卞鄧洵仁洵武子各一人並列從班宣和末諫官疏謂尚從竹馬之遊已造荷囊之列今不可以不戒選中書侍郎三年上自鎮江南幸留勝非經理未幾命為控扼使已而拜宣奉大夫尚書右僕射兼御營使故事命相進三官勝非特遷五官會王淵發書樞密院事兼御營司都統制內侍復用事次橫諸將不悅於是苗傅劉正彥與其徒王鈞甫馬柔吉王世偁謀誣淵結宦官謀反正彥手斬淵分捕中官皆殺之擁兵至行宮門外勝非趨樓上詰專殺之由上親御樓

撫諭傳正彥語頗不遜勝非乃從皇太后出諭旨傳等請高宗避位太后抱皇子聽政太后不可傳顧勝非曰今日正須大臣果決相公何無一言耶勝非還告上曰王鈞甫乃傳等腹心適語臣云二將忠有餘而學不足此語可為後圖之緒於是太后垂簾高宗退居顯忠寺號睿聖宮勝非因請降赦以安傳等又奏母后垂簾須二臣同對此承平故事今日事機有須密奏者乞許臣僚獨對而日引傳徒二人上殿以弭其疑太后語上曰賴相此人若汪黃在位事已很籍矣王鈞甫見勝非勝非問前言二將學不足如何鈞甫曰如劉將手殺王淵軍中亦非之勝非因以言撼之曰上皇待燕士如骨肉那無一人效力者乎人言燕趙多奇士徒虛語耳鈞甫曰不可謂燕無人勝非曰君與馬參議皆燕中名人嘗獻策滅契丹者今金人所任多契丹舊人若渡江禍首及君矣蓋早為朝廷協力乎鈞甫唯唯王世偁來見勝非論之曰國家艱難若等立功之秋也誠能奮身立事從官豈難得乎世偁喜時往來道軍中情實擢世偁為工部侍郎傳正彥乞改年號及移蹕建康勝非以白太后因議恐盡廢其請則倉卒變生乃改元明受以詔示世偁曰已從若請矣傳等欲挾上幸徽越勝非論之以禍福而止傳聞韓世忠起兵取其妻子為質勝非給傳曰今當啓太后召二人慰撫使報知平江諸君益安傳等許諾勝非喜曰二凶真無能為也諸將將至傳等懼勝非因謂之曰勤王之師未進者使是間自反正耳不然下詔率百官六軍請上還宮公等置身何地乎即召學士李耶張守作百官章及太后手詔四月朔勝非率百官詣睿聖宮親披上乘馬還宮苗傅請以王世偁為參議勝非曰世偁已為從官豈可復從軍上既復辟勝非曰臣昔遇變義當即死偷生至此欲圖今日之事耳乃乞罷政上問誰可代者勝非曰呂頤浩張浚問孰優曰頤浩練事而暴浚喜事而疏上曰浚太年少勝非曰臣向被召軍旅錢穀悉付浚此舉浚實主之御史中丞張守論勝非不能預防致賊猖獗宜罷不報授觀文殿大學士知洪州尋除江西安撫大使兼知江州紹興元年馬進陷江州侍御史沈與求論九江之陷由勝非赴鎮太緩降授中大夫分司南京江州居住二年呂頤浩薦兼侍讀又薦都督江淮荆浙諸軍事給事中胡安國侍御史

張璠文章論罷之。頤浩力引其入。再除兼侍讀。尋尚書右僕射。同中書門下平章事。丁母憂去。起復右僕射。兼知樞密院事。上吏部七司敕令格式。一百八十卷。時員外郎江端友請營宗廟。議者非之。以為國家期於恢復。不常厥居。勝非方主和議。遂白上營宗廟于臨安。徐俯罷。參政勝非薦胡松年。侍御史常同勅松年乃王黼客。勝非徙同左史。莫儔謫曲江。其家蒼頭奴為勝非治疽而愈。奴為儔請。得復官。姻家劉式嘗言為兵官。獲盜。勝非不以付部。用特旨改官。會久雨。勝非累章乞免。且自論當罷者十一事。魏玘亦劾其罪。遂罷。五年。應詔言戰守四事。起知湖州。引疾歸。勝非與秦檜有隙。檜得政。勝非廢居八年。卒。諡忠靖。勝非張邦昌友婿也。始邦昌僭位。勝非嘗械其使。及金人過江。勝非請尊禮邦昌。錄其後以謝敵。苗劉之變。保護聖躬。功居多。既去。力薦張浚。然李綱罷。勝非受黃潛善風旨。草制極言其狂妄。再相忌趙鼎。鼎宣撫川陝。欲重使名以制吳玠。勝非曰。元樞出使。豈論此耶。蓋因事出鼎而輕其權。人以此少之。及著閑居錄。亦多其私說云。

呂頤浩。字元直。其先樂陵人。徙齊州中進士第。父喪家貧。躬耕以贍老幼。後為密州司戶參軍。以李清臣薦為邠州教授。除宗子博士。累官入為太府少卿。直龍圖閣。河北轉運副使。升待制。徽猷閣。都轉運使。伐燕之役。頤浩以轉輸隨種師道。至白溝。既得燕山。郭藥師眾二萬。契丹軍萬餘。皆仰給縣官。詔以頤浩為燕山府路轉運使。頤浩奏開邊極遠。其勢難守。雖窮力竭財。無以善後。又奏燕山河北危急五事。願博議久長之策。徽宗怒。命褫職貶官而領職如故。尋復焉。進徽猷閣直學士。金人入燕。郭藥師劫頤浩與蔡靖等以降。敵退得歸。復以為河北都轉運使。以病辭。提舉崇福宮。高宗即位。除知揚州。車駕南幸。頤浩入見。除戶部侍郎。兼知揚州。進戶部尚書。劇賊張遇眾數萬屯金山。縱兵焚掠。頤浩單騎與韓世忠造其壘。說之以逆順。遇黨釋甲降。進吏部尚書。建炎二年。金人逼揚州。車駕南渡。鎮江。召從臣問去留。頤浩叩頭。願且留此為江北聲援。不然敵乘勢渡江。事愈急矣。駕幸錢塘。拜同簽書樞密院事。江淮兩浙制置使。還屯京口。金人去揚州。改江東安撫制置使。兼知江寧府。時苗傅劉正彥為逆。逼高

宗避位。頤浩至江寧。奉明受改元詔。赦會監司議。皆莫敢對。頤浩曰。是必有兵變。其子抗曰。主上春秋鼎盛。二帝蒙塵。沙漠日望拯救。其肯遽遜位于幼冲乎。灼知兵變無疑也。頤浩即遣人寓書張浚曰。時事如此。吾儕可但已乎。浚亦謂頤浩有威望。能斷大事。書來報起兵狀。頤浩乃與浚及諸將約會兵討賊。時江寧士民洶懼。頤浩乃檄楊惟忠留屯。以安人心。且恐苗傅等計窮挾帝。繇廣德渡江。戒惟忠先為控扼。備俄有旨召頤浩赴院供職。上言。今金人乘戰勝之威。羣盜有遽起之勢。與袁檜亂。事屬艱難。豈容皇帝退享安逸。請亟復明辟。以圖恢復。遂以兵發江寧。舉鞭誓眾。士皆感厲。將至平江。張浚乘輕舟逐之。相持而泣。咨以大計。頤浩曰。頤浩曩諫開邊。幾死。官臣之手。承乏漕挽。幾陷。腥膻之域。今事不諧。不過赤族為社稷死。豈不快乎。浚壯其言。即舟中草檄進韓世忠為前軍。張俊翼之。劉光世為游擊。頤浩浚總中軍。光世分軍殿後。頤浩發平江。傳黨託旨請頤浩單騎入朝。頤浩奏。所統將士忠義所激。可合不可離。傳等恐懼。乃請高宗復辟。師次秀州。頤浩勸勵諸將曰。今雖反正。而賊猶握兵居內。事若不濟。必反以惡名加我。翟義徐敬業可監也。次臨平。苗傅等拒戰。頤浩被甲立水次。出入行陣。督世忠等破賊。傅正彥引兵遁。頤浩等以勤王兵入城。都人夾道聳觀。以手加額。朱勝非罷相。以頤浩守尚書右僕射。中書侍郎。兼御營使。改同中書門下平章事。車駕幸建康。聞金人復入。召諸將問移蹕之地。頤浩曰。金人謀以陛下所至為邊面。今當且戰且避。奉陛下於萬全之地。臣願留常潤。死守。上曰。朕左右不可以無相。乃以韓世忠守鎮江。劉光世守太平。駕至平江。聞杜充敗績。上曰。事迫矣。若何。頤浩遂進航海之策。初。建炎御營使本以行幸總齊軍政。而宰相兼領之。遂專兵柄。樞府幾無所預。頤浩在位。尤顧念。趙鼎論其過。四年。移鼎為翰林學士。吏部尚書。鼎辭。且攻頤浩。章十數上。頤浩求去。除鎮南軍節度。開府儀同三司。醴泉觀使。詔以頤浩倡義勤王。故從優禮焉。奉化賊將璉乘亂為變。劫頤浩軍中。高宗以頤浩故。赦而招之。尋除江東安撫制置使。兼知池州。頤浩請兵五萬屯建康等處。又請王玘巨師古兵自隸。將之鎮。而李成遣將馬進圍江州。乃駐軍都陽。會楊惟忠兵。請與俱趨南康。遣師古救

江州賊衆屢戰，頤浩惟忠失利，師古敗奔洪州。頤浩乞濟師討李成，高宗曰：「頤浩奮不顧身，爲國討賊，羣臣所不及，但輕進其失也。」詔王夔以萬人速往策應。頤浩復軍左蠡，又得閩門舍人崔增之衆萬餘，軍勢復振。命增擊賊，敗之。乘勝至江州，則馬進已陷城矣。朝廷命張俊爲招討使，俊既至，遂敗馬進，進遁。成以餘衆降劉豫，詔以淮南民未復業，須威望大臣措置。以頤浩兼宣撫，領壽春府、徐廬和州無爲軍，招降趙延壽于分寧，得其精銳五千，分隸諸將。張琪自徽犯饒州，有衆五萬。時頤浩自左蠡班師，帳下兵不滿萬人，郡人皇駭。頤浩命其將閻臯、姚端、崔邦弼、列陣以待。琪犯軍，臯力戰，端、邦弼兩軍夾擊，大破之。拜少保，尚書左僕射，同中書門下平章事，兼知樞密院事。二年，自上自越州還臨安。時桑仲在襄陽，欲進取京城，乞朝廷舉兵爲聲援。頤浩乃大議出師，而身自督軍北向。高宗諭頤浩奏檜曰：「頤浩治軍放檜理庶務，如種蠹分職可也。」二人同乘政檜，知頤浩不爲公論所與，多引知名士爲助，欲傾之而擅朝權。高宗乃下詔以戒朋黨，除頤浩都督江淮荆浙諸軍事，開府鎮江。頤浩辟文武士七十餘人，以神武後軍及御前忠銳，崔增、趙延壽二軍從行，百官班送。頤浩次常州，延壽軍叛，劉光世殲其衆。又聞桑仲已死，遂不進，引疾求罷。詔還朝，以知紹興府。朱勝非同都督諸軍事，頤浩既還，欲傾秦檜，乃引勝非爲助。給事中胡安國論勝非必誤大計，勝非復知紹興府，尋以醴泉觀使兼侍讀。安國持錄黃不下，頤浩持命檢正諸房文字。黃龜年書行，安國以失職求去，罷之。檜上章乞留安國，不報。侍御史江躋、左司諫吳表臣皆以論救安國罷。程瑀、胡世將、劉一正、張壽林待聘，樓灼亦坐論檜黨斥臺省一空，遂罷檜。檜獨秉政，屢請與師復中原，謂太祖取天下兵不過十萬，今有兵十六七萬矣。然自金人南牧，莫敢嬰其鋒。比年韓世忠、張俊、陳思恭、張榮屢奏人有戰心，天將悔禍，又金人以中原付劉豫，三尺童子，知其不能立國，願審斷早定。決策北向，今之精銳皆中原人，恐久而消磨，他日難以舉事。時盜賊稍息，頤浩請遣使循行郡國，平獄訟，宣德意。李綱宣撫湖南，頤浩言：「綱縱暴無善狀，請罷諸路宣撫之名，綱止爲安撫使。」時李光在江東，與頤浩書言：「綱有大節，四夷畏服。頤浩稱光結黨，言者因論光罷。」

之時方審量濫賞頤浩時有縱舍，右司郎官王岡持不可曰：「公秉國鈞，不平謂何。頤浩再秉政，凡二年，高宗以水旱地震，下詔罪己求言。頤浩連章待罪，高宗一日謂大臣曰：『國朝四方水旱無不上聞，近蘇湖地震，泉州大水，輒不以奏。』何也？」侍御史辛炳殿中常同論其罪，遂罷頤浩爲鎮南軍節度使，開府儀同三司，提舉洞霄宮，改特進觀文殿大學士。五年，詔問宰執以戰守方略。頤浩條十事以獻，除湖南安撫制置大使，兼知潭州。時郴衡桂陽盜起，頤浩遣人悉平之。帝在建康，除頤浩少保，浙西安撫制置大使，知臨安府行宮留守，明堂禮成，進封成國公。八年，上將還臨安，除少傅，鎮南定江軍節度使，江東安撫制置大使，兼知建康府行宮留守。頤浩引疾求去，除醴泉觀使。九年，金人歸河南地，高宗欲以頤浩往陝西，命中使召赴行在。頤浩以老病辭，且條陝西利害，謂金人無故歸地，其必有意，召趣赴闕，既至，以疾不能見，乃聽歸。未幾卒，贈太師，封秦國公。諡忠穆。頤浩有膽略，善鞍馬弓劍，當國步艱難之際，人倚之爲重。自江東再相，胡安國以書勸其法韓忠獻，以至公無我爲先，報復恩讎爲戒。頤浩不能用，時軍用不足，頤浩與朱勝非擲立江浙湖南諸路大軍月椿錢，於是郡邑多橫賦，大爲東南患云。

范宗尹，字覺民，襄陽鄧城人，少篤學，工文辭。宣和三年，上舍登第，累遷侍御史，右諫議大夫，王雲使北還，言金人必欲得三鎮，宗尹請棄之以紓禍，言者非之。宗尹罷歸，張邦昌僭位，復其職，遣同路允迪詣康王，勸進建炎元年，李綱拜右僕射，宗尹論其名浮於實，有震主之威，不報。出知舒州。言者論宗尹書污僞命，責置鄂州。既召爲中書舍人，遷御史中丞，拜參知政事。呂頤浩罷相，宗尹攝其位。時諸盜據有州縣，朝廷力不能制，宗尹言：「太祖收藩鎮之權，天下無事百五十年，可謂良法。然國家多難，四方帥守單寡，束手環視，此法之弊。今當稍復藩鎮之法，裂河南江北數十州之地，付以兵權，俾蕃王室，較之棄地夷狄，豈不相遠。」上從其言。授宗尹通議大夫，守尚書右僕射，同中書門下平章事，兼御營使。時年三十，近世宰相年少，未有如宗尹者。宗尹奏以京畿東西淮南湖北地並分爲鎮，授諸將，以鎮撫使爲名，軍興聽便宜從事。然李成、薛慶、孔彥舟、桑仲輩，

起於羣盜，異劉位，土豪李彥光、郭仲威皆潰，將多不能守其地。宗尹請有司討論崇觀以來濫賞修書營繕，應奉開河、免夫、獄空之類，皆釐正之。宣靖執政，圍城明受僞命之人，反用赦申雪。徐秉哲、吳玠、莫儔等並量移，吳敏、王孝迪、耿南仲、孫觀、蔡懋等並敘復。侍郎季陵希宗尹意，乞詔宰執於罪累中選真材實能，量付以事。沈與求劾陵因及宗尹，宗尹求去，上為罷與求。宗尹乃復視事。初，宗尹廷對詳定官李邦彥特取旨，真宗尹乙科。宗尹德之，贈邦彥觀文殿大學士。樞密院副都承旨闕，宗尹擬邢煥藍公佐、辛道宗三人。煥戚里，公佐管客省。道宗不知兵，人以此咎宗尹。密院計議官王侑結公佐，宗尹請除侑為宗正丞。侍御史張延壽劾之，上罷侑。紹興元年二月辛巳，日有黑子。宗尹以輔政無狀，請免，上不許。魏滂為江東通判，諫官言其貪盜，官錢滂遂罷。李弼孺領營田，諫官言其媚事朱勳，弼孺亦罷。二人皆宗尹所薦。白州守臣晁公為儲峙豐備，論者以為擾民。宗尹陰佑之，會公為妻受囚，金事覺，上罷公。宗尹不自安，時明堂置恩，宗尹請舉行討論之事，上手劄云：朕不欲歸過君父，敏怨士大夫，始宗尹建此議，秦檜力贊之，及見上意堅，反擠宗尹，上亦惡其與辛道宗兄弟往來，遂罷。沈與求奏其罪狀，落職未幾，命知温州，退居天台。卒年二十七。宗尹有才智，當北敵肆行之衝，毅然自任，建議分鎮，以是得相位，然其置帥多授劇盜，又無總率統屬，且不遣援，不通餉，故諸鎮守鮮能久存者，及為政多私，屢為議者所詆云。

范致虛，字謙叔，建州建陽人，舉進士，為太學博士。鄒浩以言事斥，致虛坐租送獲罪，停官。徽宗嗣位，召見，除左正言。出通判郢州，崇寧初，以右司諫召。道改起居舍人，進中書舍人。蔡京建議，請置講議司，引致虛為詳定官。議不合，改兵部侍郎。自是入處華要，出典大郡者十五年。以附張商英貶通州。政和七年，復官，入為侍讀。修國史，尋除刑部尚書。提舉南京鴻慶宮，初，致虛在講議司，延康殿學士劉昺嘗乘蔡京怒，擠之後，王案坐妖言繫獄，事連昺，論死。致虛爭之，昺得減。

竄。士論賢之。遷尚書右丞，進左丞。母喪踰年，起知東平府，改大名府。入見，時朝廷欲用師契丹，致虛言：邊隙一開，必有意意外之患，宰相謂其懷異，致虛乞終喪。

從之，免喪。知鄧州，改河南府。中人規景華苑，欲奪故相富弼園宅，致虛言：弼和我有大功，使朝廷享百年之安，乃不保數畝之居邪？弼園宅得不取，復移鄧州。提舉亳州明道宮，帝方好老氏，致虛希時好，營飭道宇，賜名鍊真宮。靖康元年，召赴闕，道除知京兆府。時金人圍太原，聲震關中，致虛修戰守備甚力。朝廷命錢蓋節制陝西，除致虛陝西宣撫使。金人分道再犯京師，詔致虛會兵入援。錢蓋兵十萬至，賴昌聞京師破而遁，西道總管王襄南走，致虛獨與西道副總管孫昭遠合兵。環慶帥臣王似、熙河帥臣王倚，以兵來會，致虛合步騎號二十萬，以右武大夫馬昌祐統之，命杜常將民萬人趨京師。夏俶將萬人守陵寢，有僧趙宗印者，喜談兵，帝益薦之。致虛以便宜假官，俾充宣撫司參議官，兼節制軍馬。致虛以大軍遵陸，宗印以舟師趨西京，金人破京師，遣人持登城不下之詔，以止入援之師。致虛斬之初，金人守潼關，致虛奪之，作長城起潼關迄龍門，所築僅及肩。宗印又以僧為一軍，號尊勝隊，童子行為一軍，號淨勝隊。致虛勇而無謀，委己以聽宗印。宗印徒大言，實未嘗知兵。至是，宗印舟師至三門津，致虛使整兵出潼關，金守臣高世由謂其帥粘罕曰：致虛儒者，不知兵，遣斥候三千，自足殺之。致虛軍出武關，至鄧州，千秋鎮金將婁宿以精騎衝之，不戰而潰。死者過半，杜常夏淑先遁，致虛斬之。孫昭遠王似、王倚等留陝府，致虛收餘兵入潼關，方致虛之鼓行出關也，裨將李彥仙曰：行者利速，多為支軍，則舍不至淹，敗不至覆。若眾羣聚而出，殺繩一蹴於險，則皆潰矣。致虛不聽，遂底于敗。高宗即位，言者論其逗撓不進，徙知鄧州。尋加觀文殿學士，復知京兆府。致虛力辭，而薦席益、李彌大、唐重自代。詔以重守京兆，致虛復知鄧州。次年，宗印領兵出武關，與致虛合，會金將銀朱兵壓境，致虛遁。宗印兵不戰走，轉運使劉汲力戰死焉。致虛坐落職，責授安遠軍節度副使。英州安置，高宗幸建康，召復資政殿學士。知鼎州，行至巴陵，卒。贈銀青光祿大夫。

呂好問，字舜徒，侍講希哲子也。以蔭補官。崇寧初，治黨事，好問以元祐子弟坐廢。兩監東嶽廟，司揚州儀曹。時蔡卞為帥，欲扳附善類，待好問特異。好問以禮自持，卞不得親，及卞得政，當時據屬，拔擢略盡，獨好問留滯，卞諷之曰：子少親

我即階顯列矣。好問笑不答。靖康元年，以薦召爲左司諫，諫議大夫，擢御史中丞。欽宗諭之曰：「卿元祐子孫，朕特用卿，令天下知朕意所嚮。先是徽宗將內禪，詔解黨禁，除新法，盡復祖宗之故，而蔡京黨威根據中外，害其事莫肯行。好問言時之利害，政之闕失。太上皇詔旨備矣，雖使直言之士，抗疏論列，無以過此。願一一施行之而已。」又言：「陛下宵衣旰食，有求治之意，發號施令，有求治之言。逮今半載，治效逾遠，良由左右前後不能推廣德意，而陛下過於容養。臣恐淳厚之德，變爲頹靡，且今不盡東京貫等所爲，太平無由可致。欽宗鄉納，好問疏蔡京過惡，乞投海外，黜朋附之尤者以厲其餘。又建白削王安石王爵，正神宗配饗，褒表江公望張庭堅任伯雨龔夬等，除青苗之令，削元符上書獲護者，章前後數十上。每奏對，帝雖當食，輒使畢其說。時金人既退，大臣不復顧慮，武備益弛。好問言：「金人得志，益輕中國，秋冬必傾國復來禦敵之備，當速講求。今邊事經畫，旬月不見施設，臣僚奏請皆不行下。此臣所深懼也。及邊警急，大臣不知所出，遣使講解，金人佯許而攻略自如。諸將以和議故皆閉壁不出，好問言：「彼名和而實攻，朝廷不謀進兵，遣將何也？」請亟集滄滑邢之戍以遏奔衝，而列勤王之師于畿邑，以衛京城。疏上不省。金人陷真定，改中山，上下震駭。廷臣狐疑相顧，猶以和議爲辭。好問率臺屬劾大臣畏懦誤國，出好問知袁州。欽宗憫其忠，下遷吏部侍郎。既而金人薄都城，欽宗思好問言，進兵部尚書，都城失守，召好問入禁中，軍民數萬斧左掖門求見天子。好問從帝御樓論遣之。衛士長將宣帥其徒數百，欲邀乘輿犯圍而出，左右奔竄，獨好問與孫傳梅執禮侍。宣抗聲曰：「國事至此，皆宰相信任姦臣，不用直言所致。傳呵之，宣以語侵傳，好問曉之曰：「若屬忘家族，欲冒重圍衛上，以出賊，忠義然乘輿將駕，必甲乘無闕而後動，詎可輕耶？」宣訕服曰：「尚書真知軍情，麾其徒退。帝再幸金營，好問實從。帝既留，遣好問還慰拊都城已而金人立張邦昌，以好問爲事務官。邦昌入居都省，好問曰：「相公真欲立邪？抑姑塞敵意而徐爲之圖爾？」邦昌曰：「是何言也？」好問曰：「相公知中國人情所向乎？特畏女真兵威耳。女真既去，能保如今日乎？大元帥在外，元祐皇太后在內，此殆天意，蓋亟還政，可轉禍爲福，且省中非人臣

所處，宜寓直殿廬，毋令衛士俠陛，敵所遺袍帶，非戎人在旁，弛勿服，車駕未還，所下文書，不當稱聖旨，以好問攝門下省，好問既擊傷，仍行舊職。時邦昌雖不改元，而百司文移，必去年號。獨好問所行文書，稱靖康二年。吳开莫備請邦昌見金使於紫宸垂拱殿，好問曰：「宮省故吏，驟見御正衙，必將憤駭，變且不測。奈何？」邦昌矍然止。王時雍議肆赦，好問曰：「四壁之外，皆非我有，將誰赦？乃先赦城中，始金人謀以五千騎取康王，好問聞，即遣人以書白王，言大王之兵，度能擊則邀擊之，不然，即宜遠避。且言大王若不自立，恐有不當立而立者，既又語邦昌曰：「天命人心，皆歸大元帥，相公先遣人推戴，則功無在相公右者。若無機不發，他人聲義致討，悔可追邪？」於是邦昌謀謝克家奉國寶往大元帥府，須金人退，乃發金將將環，留兵以衛邦昌。好問曰：「南北異宜，恐北兵不習風土，必不相安。金人曰：「劉一勃董統之可也。」好問曰：「勃董貴人，有如觸發致疾，則負罪益深，乃不復留兵。金人既行，好問趣遣使詣大元帥府，勸進，請元祐太后垂簾，邦昌易服歸太宰位。太后自延禧宮入聽政，高宗即位，太后遣好問奉手書詣行在所。高宗勞之曰：「宗廟獲全，卿之力也。除尚書右丞，丞相李綱以羣臣在圍城中不能執節，欲悉按其罪。好問曰：「王業艱難，政宜舍垢，繩以峻法，懼者衆矣。侍御史王賓論好問嘗汗偽命，不可以立新朝。高宗曰：「邦昌僭號之初，好問募人賣白書，具道京師內外之事。金人甫退，又遣人勸進，考其心跡，非他人比。好問自慙，力求去。且言邦昌僭號之時，臣若閉門潔身，實不爲難，徒以世被國恩，所以受賢者之責，冒圍賣書於陛下，疏入，除資政殿學士，知宣州，提舉洞霄宮，以恩封東萊郡侯，避地卒于桂州。子本中，揆中，弼中，忱中，孫祖讓，祖儉，本中，祖讓，祖儉，別有傳。

論曰：朱勝非呂頤浩處苗劉之變，或巽用其智，或震奮其威，其於復辟討賊之功，固有可言矣。然李綱趙鼎當世之所謂賢者，而勝非頤浩視之若冰炭然，其中之所存，果何如哉？范宗尹忍於汗張邦昌之僞命，而誣李綱以震主之威，何其縲於是非也。范致虛佞附權臣，大諠已失，其總勤王之師，輕而寡謀，以底于敗，宜哉。若呂好問處艱難之際，其跡與宗尹同，而屈己就事，以規與復，亦若勝

宋

史 卷三百六十二

列傳

非之處苗劉其心有足亮云

宋史卷三百六十二

元中書右丞相總裁脫脫等修

列傳第一百二十二

李光子孟傳

許翰

許景衡

張慤

張所

陳禾

蔣猷

李光字泰發越州上虞人童穉不戲弄父高稱曰吾兒雲間鶴其與吾門乎親喪哀毀如成人有政購者悉辭之及葬禮皆中節服除遊太學登崇寧五年進士第調開化令有政聲召赴都堂審察時宰不悅處以監當改秩知平江府常熟縣朱勳父冲倚勢暴橫光械治其家僮冲怒風部使者移令吳江光不為屈改京東西學事司管勾文字劉安世居南京光以師禮見之安世告以所聞於温公者曰學當自無妄中入光欣然領會除太常博士遷司封首論士大夫諛佞成風至妄引荀卿有聽從無諫諍之說以杜塞言路又言怨嗟之氣結為妖診王黼惡之令部注桂州陽朔縣安世聞光以論事貶貶書偉之李綱亦以論水災去國居義興光伺于水驛自出呼曰非越州李司封船乎留數日定交而別除司勳員外郎遷符寶郎郭藥師叛光知徽宗有內禪意因納符謂知樞密院蔡攸曰公家所為皆拂衆心今日之事非皇太子則國家俱危攸矍然不敢為異欽宗受禪權右司諫上皇東幸憐人間兩宮光請集議奉迎典禮又奏東南財用盡於朱勳西北財用困於李彥天下根本之財竭於蔡京王黼各為應奉實入私室公家無半歲之儲百姓無旬日之積乞依舊制三省樞密院通知兵民財計與戶部量一歲之出入以制國用選吏考核使利源歸一金人圍太原援兵無功光言三鎮之地祖宗百戰得之一旦舉以與敵何以為國望詔大臣別議攻守之策仍問道遣使檄河東北兩路盡起強壯策應首尾掩擊遷侍御史時言者猶主王安石之學詔榜廟堂光又言祖宗規摹宏遠安石欲盡廢法度則謂人主制法而不當制於法欲盡逐元老則謂人主當化俗而不當化於俗蔡京兄弟祖述其說五十年間毒流四海今又風示中外鼓惑民聽豈朝廷之福蔡攸欲以扈衛上皇行宮因緣入都光奏攸若果入則百姓必致生

變萬一驚犯屬車之塵臣坐不預言之罪望早黜責時已葺擴景園為寧德宮而太上皇后乃欲入居禁中光奏禁中者天子之宮正使陛下欲便温清奉迎入內亦當躬稟上皇下有司討論典禮乃下光章使兩宮臣奏知於是太上皇后居寧德宮金人逼京城士大夫委職而去者五十二人罪同罰異士論紛然光請付理寺公行之太原圍急奏乞就委折彥質盡起晉絳磁隰潞威勝汾八州民兵及本路諸縣弓手俾守令各自部轄其士豪士人願為首領者假以初官應副器甲協力赴援女真劫質親王以三鎮為辭勢必深入請大修京城守禦之備以伐敵人之謀又言朱勳託應奉脅制州縣田園第宅富擬王室乞擇清強官置司追攝勳父子及奉承監司守令如胡直孺盧宗原陸實王仲閔趙霖宋晦等根勘驅磨計資沒入其強奪編戶產業者還之李會李擢復以諫官召光奏蔡京復用時會擢迭為臺官禁不發一語金人圍城與白時中李邦彥專主避敵割地之謀時中邦彥坐是落職而會擢反被召用復預諫諍之列乞寢成命不報光巧外亦不報彗出寅良間耿南仲輩皆謂應在外夷不足憂光奏孔子作春秋不書祥瑞者蓋欲使人君恐懼修省未聞以災異歸之外夷也疏奏監汀州酒稅高宗即位擢秘書少監除知江州未幾擢侍御史皆以道梗不赴建炎三年車駕自臨安移蹕建康除知宣州時范瑄將過軍光先入視事瑄至則開門延勞留三日而去無敢譁者光以宣密邇行都乃繕城池聚兵糧籍六邑之民保伍相比謂之義社擇其健武者統以士豪得保甲萬餘號精練軍又柵險要二十三所謹戍之釐城止為十地分分巡內外晝則自便夜則守城有警則戰苗租歲輸邑者悉命輸郡初謹言不便及守城之日贍軍養民迄賴以濟事聞授管內安撫許便宜從事進直龍圖閣杜充以建康降金人奪馬家渡御營統制王玘素不相能至是擁潰兵砦城外索鬪光親至營諭以先國家後私讎之義皆感悟解去時奔將散卒至者光悉厚賞給遣有水軍叛于繁昌逼宣境即遣兵援擊出賊不意遂宵遁進右文殿修撰光奏金人雖深入江浙然達天時地利臣已移文劉光世領大兵赴州併力攻討乞速委宣撫使周望約日水陸並進潰將邵青自真州擁舟數百艘剽當塗蕪湖兩邑聞光

招諭之遺米二千斛。青喜謂使者曰：「我官軍也，所過皆以盜賊見逼，獨李公不疑我，於是秋毫無犯。」他日舟過繁昌，或給之曰：「宣境也，乃掠北岸而去。」劇盜戚方破寧國縣，抵城下，分兵四擊，光募勇敢劫之。賊驚擾，自相屠戮。朝廷遣統制官巨師古、劉晏兼程來援，賊急攻京門。纒竹木爲浮梁以濟，須臾軍傳城列砲，具立石對樓。光命編竹若簾，揭之砲至即反墜，不能傷。取樁木爲撞竿，倚女牆以禦對樓。賊引却，劉晏率赤心隊直搗其營。賊陽退，晏追之，伏發遇害。師古以中軍大破賊，賊遁去。初，戚方圍宣，與其副並馬巡城，指畫攻具。光以書傳矢射其副馬前，言戚方窮寇，天誅必加。汝爲將家子，何至附賊？二人相疑，攻稍緩，始得爲備而援師至矣。嘗實七首枕匣中，與家人約曰：「賊不可必保，若使人取匕首，我必死。」汝輩宜自殺，無落賊手。除徽猷閣待制，知臨安府。紹興元年正月，除知洪州，固辭，提舉臨安府洞霄宮。除知婺州，甫至郡，擢吏部侍郎，光奏疏極論朋黨之害，議論之臣各懷顧避，莫肯以持危扶顛爲己任。駐蹕會稽，首尾三載，自去秋迄今，敵人無復南渡之意。淮甸咫尺，了不經營。長江千里，不爲限制。惴惴焉日爲乘桴浮海之計。晉元帝區區草創，猶能立宗社，修宮闕，保江浙。劉琨祖逖與逆胡拒戰於并冀，交豫司雍諸州未嘗陷沒也。石季龍重兵已至歷陽，命王導都督中外諸軍以禦之，未聞專主避狄如今日也。陛下駐蹕會稽，江浙爲根本之地，使進足以戰，退足以守者，莫如建康。建康至姑熟一百八十里，其隘可守者有六：曰江寧鎮，曰礪砂夾，曰采石，曰大信，其上則有蕪湖、繁昌，皆與淮南對境，其餘皆蘆葦之場，或倚岸水勢湍悍，難施舟楫。莫若預於諸隘屯兵積粟，命將士各管地分，調發旁近鄉兵，協力守禦。乞明詔大臣，參酌施行。時有詔金人深入，諸郡守臣相度，或守或避，令得自便。光言：「守臣任人民社稷之重，固當存亡以之。若預開遷避之門，是誘之遁也。」願追變前詔，上欲移蹕臨安，被旨節制臨安府見屯諸軍兼戶部侍郎，督營繕事。光經營捍節，不擾而辨奏蠲減二浙積負及九邑科配，以示施德自近之意。戚方以管軍屬節制，其懼拜庭下。光握手起之曰：「公昔爲盜某爲守，分當相直，今俱爲臣子，當共勉力忠義，勿以前事爲疑。」方謝且泣，兼侍讀。因奏金人內寇，百姓失業爲盜賊，本非獲已，

尚可誠感。自李成北走，羣盜離心，儻因斯時，顯用一二酋豪，以風厲其黨，必更相效慕。以次就降，擢吏部尚書。上將韓世清、本苗傳餘黨，久屯宣城，擅據倉庫，調發不行。光請先事除之，乃授光淮西招撫使。光假道至郡，世清入謁，縛送闕下伏誅。初，光於上前，面稟成算，宰相以不預聞怒之。未至道，除端明殿學士。江東安撫大使，知建康府，壽春、滁、濠、廬和無爲宣撫使。時太平州卒陸德因守臣據城叛，光多設方略，盡擒其黨。秦檜既罷，呂頤浩、朱勝非並相，光議論素與不合。言者指光爲檜黨，落職奉祠，尋復寶文閣待制，知湖州。除顯謨閣直學士，移守平江。除禮部尚書。光言：「自古創業中興，必有所因而起。漢高因關中，光武因河內，駐蹕東南，兩浙非根本所因之地乎？自冬及春，雨雪不已，百姓失業，乞選臺諫察實以聞，兼比歲福建湖南盜作，范汝爲、楊么相挺而起，朝廷發大兵誅討，殺戮過當。今諸路旱荒，流丐滿路，盜賊出入，宜選良吏，招懷撫納，責諸路監司，按倉贓恤流殍。議臣欲推行四川交子法於江浙，光言：「有錢則交子可行，今已謂椿辦若干錢，行若干交子，此議者欲朝廷欺陛下，使陛下異時不免欺百姓也。若已椿辦見錢，則目今所行錢關子，已是通快。何至紛紛，其工部鑄到交子務銅印，臣未敢給，降除端明殿學士，守台州。俄改温州。劉光世、張俊連以捷聞，光言：「觀金人布置，必有主謀，今已據東南形勢，敵人萬里遠來，利於速戰，宜戒諸將持重以老之，不過數月，彼食盡則勝算在我矣。」除江西安撫，知洪州，兼制置大使，擢吏部尚書。踰月，除參知政事。時秦檜初定和議，將揭榜，欲藉光名鎮壓，上意不欲用光。檜言：「光有人望，若同押榜，浮議自息，遂用之。」同郡楊煒上光書，責以附時相取尊官，墮黜虜姦計，驕平時大節。光本意謂但可因和而爲自治之計，既而檜議徹淮南守備，奪諸將兵權，光極言戎狄狼子野心，和不可恃，備不可撤。檜惡之，檜以親黨鄭億年爲資政殿學士，光於榻前面折之，又與檜語難，上前因曰：「觀檜之意，是欲壅蔽陛下耳目，益弄國權，懷姦誤國，不可不察。」檜大怒，明日光去。高宗曰：「卿昨面叱秦檜，舉措如古人，朕退而數息，方寄卿以腹心，何乃引去？」光曰：「臣與宰相爭論，不可留。」章九上，乃除資政殿學士，知紹興府，改提舉臨安府洞霄宮。十一年冬，中丞万俟卨論光陰懷怨望，責授建

寧軍節度副使瓊州安置越四年移瓊州居瓊州八年仲子孟堅坐陸升之誣以私撰國史獄成呂愿中又告光與胡銓詩賦倡和譏訕朝政移昌化軍論文考史怡然自適年踰八十筆力精健又三年始以郊恩復左朝奉大夫任便居住至江州而卒孝宗即位復資政殿學士賜諡莊簡

孟傳字文授光幼子也光南遷之日才六歲以光遺表恩累官至太府丞韓侂胄願見之孟傳曰行年六十去計已決不敢聞也由是出知江州以朝請大夫直寶謨閣致仕卒年八十有警溪詩二十卷文彙三十卷宏辭類彙十卷左氏說十卷讀史十卷雜誌十卷博學多聞持身甚嚴時推能世其家

許翰字崧老拱州襄邑人元祐三年進士第宣和七年召爲給事中爲書抵時相謂百姓困弊起爲盜賊天下有危亡之憂願罷雲中之師修邊保境與民休息高麗入貢調民開運河民間騷然中書舍人孫傳論高麗於國無功不宜與大役傳坐罷翰謂傳不當黜時相怒落職提舉江州太平觀靖康初復以給事中召時金人攻京師甫退翰造闕即日賜對除翰林學士尋改御史中丞上

疏言邊事因陳決勝之策張邦昌爲太宰翰上疏力爭之种師道罷爲中太一宮使翰言師道名將沉毅有謀山西士卒人人信服不可使解兵柄欽宗謂其老難用翰曰秦始皇老王翦而用李信兵辱於楚漢宣帝老趙充國而卒能成金城之功自呂望以來用老將收功者難一二數以古揆今師道雖老可用也且謂金人此行存亡所係令一大創使失利去則中原可保四夷可服不然將來再舉必有不救之憂宜起師道邀擊之上不能用擢中大夫同知樞密院論

益不合以病去除延康殿學士知亳州坐言者落職提舉南京鴻慶宮高宗即位用李綱薦召復延康殿學士既至拜尚書右丞兼權門下侍郎時建炎大變之後河北山東大盜李成孔彥舟等聚衆各數十萬皆以勤王爲名願得張所爲帥所爲御史書論黃潛善姦邪不可用由此得罪李綱爲相乃以所爲河北

等路招撫使率成等衆渡河號召諸路爲興復計潛善力沮之宗澤論車駕不宜南幸宜還京師且詆潛善等潛善等請罷澤翰極論以爲不可李綱罷翰言

綱忠義英發捨之無以佐中興今罷綱臣留無益力求去高宗未許時潛善奏

誅陳東翰謂所親曰吾與東皆爭李綱者東戮東市吾在廟堂可乎求去益力章八上以資政殿大學士提舉洞霄宮復以言者落職紹興元年召復端明殿學士提舉萬壽觀辭不至二月復資政殿學士三年五月卒贈光祿大夫翰通經術正直不撓歷事三朝致位政府徒以輔佐潛善輩薰蕕異味橫遭口語志卒不展綱雖力引之不旋踵去翰亦斥逐而死所著書有論語解春秋傳

許景衡字少伊温州瑞安人登元祐九年進士第宣和六年召爲監察御史遷殿中侍御史是時王黼蔡攸用事景衡言尚書省比關長官而同知樞密院亦久闕雖三公通治三省然文昌政事之本樞密本兵之地各有攸屬安可久虛其位願博採公議遴選忠賢以補政府之闕遂大忤黼意朝廷用童貫爲河東

北宣撫使將北伐景衡論其食糲不可用者數十事不報睦寇平江浙郡縣殘燬而茶鹽比較之法如故景衡奏茶鹽之法當以食之衆寡爲歲額之高下今收復之後戶版半耗民力蕭然而茶鹽比較不減於昔民欲無困得乎奏上詔兩浙江東路權免茶鹽比較賊平日仍舊朝廷既與燕雲之師調度不繼誅求

益急景衡奏財力匱乏在節用民力困弊在恤民今不急之務若營繕諸役花石綱運其名不一吏員猥多軍額冗濫又無名功賞非常賜予皆資緣僥倖干請無厭宜節以祖宗之制而省去之且極論和買和糴鹽法之害不報會知洋州吳巖夫以私書抵執政子道景衡之賢因從子塔符寶郎周離亨以達離亨

繆以其書誤致王黼黼用是中景衡逐之欽宗即位以左正言召旋改太常少卿兼太子論德遷中書舍人侍御史李光正言程瑀以鯁亮忤執政斥景衡爲辨白坐落職予祠高宗即位以給事中召即至除御史中丞宗澤爲東京留守言者附黃潛善等多攻其短欲逐去之景衡奏曰臣自浙渡淮以至行在聞澤

之爲尹威名政事卓然過人雖不識其人竊用數慕臣以爲去冬京城內有赤心爲國如澤等數輩其禍變未至如是之酷今若較其小短不顧盡忠徇國之節則不怨已甚且開封宗廟社稷所在苟欲罷澤別遣留守不識搢紳中威名政事有加於澤者乎疏入上大悟封以示澤澤乃安杭州叛卒陳通作亂權浙西提刑趙叔近招降之請授以官景衡曰官吏無罪而受誅叛卒有罪而蒙賞

賞罰倒置莫此為甚卒奏罷之除尚書右丞有大政事必請問極論潛善伯彥以景衡異己共排沮之或言正二月之交乃太一正遷之日宜於禁中設壇望拜高宗以問景衡曰修德愛民天自降福何迎拜太一之有初李綱議建都以關中為上南陽次之建康為下綱既相遂主南陽之議景衡為中丞奏南陽無險阻且密運盜賊漕運不繼不若建康天險可據請定計巡幸潛善等傾綱使去南陽之議遂格至是諜報金人攻河陽泥水景衡又奏請南幸建康已而有詔還京罷景衡為資政殿大學士提舉杭州洞霄宮至瓜州得暍疾及京口卒年五十七諡忠簡景衡得程頤之學志慮忠純議論不與時俯仰建炎初李綱議幸南陽宗澤請還京景衡乃請幸建康黃潛等素惡其異已暨車駕駐揚州怵於傳聞不得已下還京之詔遂借渡江之議罪之斥逐而死既沒高宗思之曰朕自即位以來執政忠直遇事敢言惟許景衡詔賜景衡家温州官舍一區

張慤字誠伯河間樂壽人登元祐六年進士第累遷龍圖閣學士計度都轉運使高宗為兵馬大元帥募諸道兵動王慤飛輓踵道建議即元帥府印給鹽鈔以便商旅不閱旬得緡錢五十萬以佐軍高宗器重之命以便宜權大名尹兼北京留守馬步軍都總管慤初聞二帝北行率副總管顏岐等三上牋勸進最後慤上書極論中原不可一日無君高宗為之感悟建炎改元為戶部尚書除同知樞密院事措置戶部財用兼御營副使建言三河之民怨敵深入骨髓恨不殲殄其類以報國家之仇請依唐人澤潞步兵雄邊子弟遺意募民聯以什伍而寓兵於農使合力抗敵謂之巡社為法精詳前此論民兵者莫及也詔集為書行之遷尚書左丞官至中書侍郎慤善理財論錢穀利害猶指諸掌在朝諤諤有大臣節然論議可否不形辭色未嘗失同列之歡卒諡忠穆上每念之謂慤謀國盡忠遇事敢諫古之遺直也

張所青州人登進士第歷官為監察御史高宗即位遣所按視陵寢還上疏言河東河北天下之根本昨者誤用姦臣之謀始割三鎮繼割兩河其民怨入骨髓至今無不扼腕若因而用之則可藉以守不則兩河兵民無所係望陛下之

事去矣且論還京師有五利謂國之安危在乎兵之強弱將相之賢不肖不在乎都之遷不遷又條上兩河利害上欲以其事付所會所言黃潛善姦邪不可用恐害新政乃罷所御史改兵部郎中尋責所鳳州團練副使江州安置後李綱入相欲薦所經略兩河以其嘗言潛善故難之一日與潛善從容言曰今河北未有人獨一張所可用又以狂言抵罪不得已收拭用之使為招撫冒死立功以贖過不亦善乎潛善許諾乃借所直龍圖閣充河北招撫使賜內府錢百萬緡給空名告千餘道以京西卒三千為衛將佐官屬許自辟置一切以便宜從事所入見條上利害上賜五品服遣行命直秘閣王圭為宣撫司參謀官佐之河北轉運副使張益謙附黃潛善意奏所置司北京非是且言自置招撫河北盜賊愈熾不若罷之專以其事付帥司李綱言張所今留京師招集將佐未及行益謙何以知其擾朝廷以河北民無所歸聚而為盜故置司招撫因其力而用之豈由置司乃有盜賊乎今京東西羣盜公行攻掠郡縣亦豈招撫司過耶時方艱危朝廷欲有所經理益謙小臣乃以非理沮抑此必有使之者上乃命益謙分折命下樞密院汪伯彥猶用其奏詰責招撫司李綱與伯彥爭於上前伯彥語塞所方招來豪傑以王彥為都統制岳飛為準備將而李綱已罷相朝廷以王圭代之所落直龍圖閣嶺南安置卒于貶所子宗本以岳飛奏補官

陳禾字秀實明州鄞縣人舉元符三年進士累遷辟雍博士時方以傳注記問為學禾始崇尚義理黜抑浮華入對契吉擢監察御史殿中侍御史蔡京遣酷吏李孝壽窮治章綆鑄錢連及士大夫甚眾禾奏免孝壽京子儻為太常少卿何執中摺蔡芝為將作監皆疏其罪罷之天下久平武備寬弛東南尤甚禾請增戍繕城壁以戒不虞或指為生事格不下其後盜起人服其先見遷左正言俄除給事中時童貫權益張與黃經臣胥用事御史中丞盧航表裏為姦指紳側目禾曰此國家安危之本也吾位言責此而不言一遷給舍則非其職矣未拜命首抗疏劾貫復劾經臣怙寵弄權誇銜朝列每云詔令皆出其手言上將用某人舉某事已而詔下悉如其言夫發號施令國之重事黜幽陟明天子

大權奈何使宦寺得與臣之所憂不獨經臣此塗一開類進者衆國家之禍有不可遏願亟竄之遠方論奏未終上拂衣起禾引上衣請畢其說衣裾落上曰正言碎朕衣矣禾言陛下不惜碎衣臣豈惜碎首以報陛下此曹今日受富貴之利陛下他日受危亡之禍言愈切上變色曰卿能如此朕復何憂內侍請上易衣上却之曰留以旌直臣翌日貫等相率前趨謂國家極治安得此不祥語盧航奏禾狂妄請監信州酒遇赦得自便還里初陳瓊歸自嶺外居于鄞與禾相好遣其子正彙從學後正彙告京罪執詰闕瓊亦就逮經臣泣其獄檄禾取證禾答以事有之罪不敢逃或謂其失對禾曰禍福死生命也豈可以死易不義耶願得分賢者罪遂坐瓊黨停官遇赦復起知廣德軍移知和州尋遭內艱服除知秀州王黼新得政禾曰安能出黼門下力辭改汝州辭益堅曰寧鐵死黼聞而銜之禾兄秉時爲壽春府教授禾侍兄官居適重貫領兵道府下謁不得入鏡之不受貫怒歸而譖之上曰此人素如此汝不能容耶久之知舒州命下而卒贈中大夫諡文介禾性不苟合立朝挺挺有風操有易傳九卷春秋傳

十二卷論語孟子解各十卷

蔣猷字仲遠潤州金壇縣人舉進士政和四年拜御史中丞兼侍讀有直聲嘗論士風浮薄廷臣伺人主意承宰執風旨向背以特立不回者爲愚共嗤笑之此風不可長輔臣奏事殿上雷同唱和略無所可否非論道獻替之禮內侍省不隸臺察案元豐官制楊戩不當除節度使趙良嗣不宜出入禁中上皆嘉納至揭其章內侍省且詔自今無得規圖節鉞又疏孟昌齡徐鑄等姦狀遷兵部尙書兼禮制局詳議官七年知貢舉改工部吏部尙書以徽猷閣直學士知婺州明年請祠歸宣和末召爲刑部尙書兼資善堂翊善靖康初奉上表起居太上皇帝於淮陰且特詔貶重貫猷奏貫得罪天下願黜遠之太上以爲然亟令宣詔趣貫赴貶所遂奉太上還京移兵部尙書累官正議大夫引疾授徽猷閣直學士提舉嵩山崇福宮卒贈特進

論曰夫拯溺揀焚之際必以任人爲急靖康建炎之禍變亦甚於焚溺矣當時非乏人才也然而國恥卒不能雪者豈非任之之道有所未至歟夫以李光之

才識高明所至有聲許翰許景衡之論議剴切張慤之善理財張所之習知河北利害皆一時之備也是數臣者使其言聽計從不爲讒邪所抑得以直行其志其效宜可待也然或斥遠以死或用之不竟其才世之治亂安危雖非人力所爲君子於此則不能無咎於時君之失政焉蔣猷歷仕五朝當建炎初避地而終則無足稱也陳禾引程盡言有古諫臣之風其行事在宣和之前孝宗以後乃加褒諡云

宋史卷三百六十三

列傳第一百二十三

韓世忠字蓋直

韓世忠字蓋直延安人風骨偉岸目瞬如電早年驚勇絕人能騎生馬駒家貧無產業嗜酒尚氣不可繩檢日者言當作三公世忠怒其侮己殿之年十八以敢勇應募鄆州隸赤籍挽強馳射勇冠三軍崇寧四年西夏騷動郡調兵捍禦世忠在道中至銀州夏人嬰城自固世忠斬關殺敵將擲首陣外諸軍乘之夏人大敗既而以重兵次高平嶺世忠率精銳鏖戰解去俄復出間道世忠獨部敢死士殊死鬪敵少却顧一騎士銳甚問俘者曰監軍駙馬兀囉也躍馬斬之敵衆大潰經略司上其功童貫董邊事疑有所增飾止補一資衆弗平從劉延慶築天降山砦爲敵所據世忠夜登城斬二級割護城甃以獻繼遇敵佛口砦又斬數級始補進義副尉至藏底河斬二級轉進勇副尉宣和二年方臘反江浙震動調兵四方世忠以偏將從王淵討之次杭州賊奄至勢張甚大將惶怖無策世忠以兵二千伏北關堰賊過伏發衆蹂亂世忠追擊賊敗而遁淵嘆曰真萬人敵也盡以所隨白金器賞之且與定交時有詔能得臘首者授兩鎮節鉞世忠窮追至睦州清溪峒賊深據巖屋爲三窟諸將繼至莫知所入世忠潛行遂谷間野婦得徑即挺身仗戈直前渡險數里擣其穴格殺數十人禽臘以出辛與宗領兵截峒口掠其俘爲己功故賞不及世忠別帥楊惟忠還闕直其事轉承節郎三年議復燕山調諸軍至則皆潰世忠往見劉延慶與蘇格等五十騎俱抵滹沱河逢金兵二千餘騎格失措世忠從容令格等列高岡戒勿動屬燕山潰卒舟集即命熾河岸約鼓謀助聲勢世忠躍馬薄敵迴旋如飛敵分二隊據高阜世忠出其不意突二執旗者因奮擊格等夾攻之舟卒鼓謀敵大亂追斬甚衆時山東河北盜賊蠭起世忠從王淵梁方平討捕禽戮殆盡積功轉武節郎欽宗即位從梁方平屯濟州金人壓境方平備不嚴金人迫而遁王師數萬皆潰世忠陷重圍中揮戈力戰突圍出焚橋而還欽宗聞召對便殿詢

方平失律狀條奏甚悉轉武節大夫詔諸路勤王兵領所部入衛會金人退河北總管司辟選鋒軍統制時勝捷軍張師正敗宣撫副使李彌大斬之校李復鼓衆以亂淄青之附者合數萬人山東復擾彌大檄世忠將所部追擊至臨淄河兵不滿千分爲四隊布鐵蒺藜自塞歸路令曰進則勝退則死者命後隊剛殺於是莫敢返顧皆死戰大破之餘黨奔潰乘勝逐北追至宿遷賊尙萬人方擁子女椎牛縱酒世忠單騎夜造其營呼曰大軍至矣亟束戈卷甲吾能保全汝共功名賊駭慄請命因跪進牛酒世忠下馬解鞍飲啖之盡於是衆悉就降黎明見世忠軍未至始大悔失色以功遷左武大夫果州團練使詔入朝授正任單州團練使屯滹沱河時真定失守世忠知王淵守趙遂亟往金人至聞世忠在攻益急糧盡援絕人多勉其潰圍去弗聽會大雪夜半以死士三百擣敵營敵驚亂自相擊刺及旦盡遁後有自金國來者始知大會是日被創死故衆不能支遷嘉州防禦使還大名趙野辟爲前軍統制時康王如濟州世忠領所部勸進金人縱兵逼城人心惶懼世忠據西王臺力戰金人少却翌日會帥率衆數萬至時世忠麾下僅千人單騎突入斬其酋長遂大潰康王即皇帝位授光州觀察使帶御器械世忠請移都長安下兵收兩河時論不從初建御營爲左軍統制是歲命王淵張俊討陳州叛兵劉光世討黎驛叛兵喬仲福討京東賊李昱世忠討單州賊魚臺世忠已破魚臺又擊黎驛叛兵敗之皆斬以獻於是羣盜悉平入備宿衛而河北賊丁順楊進等皆赴招撫司宗澤收而用之建炎二年升定國軍承宣使帝如揚州世忠以所部從時張遇自金山來降抵城下不解甲人心危懼世忠獨入其壘曉以逆順衆悉聽命李民衆十萬亦降比至有反覆狀王淵遣世忠諭旨世忠知其黨劉彥異議即先斬彥敗平民出縛小校二十九人送淵斬之事定授京西等路捉殺內外盜賊金人再攻河南翟進合世忠兵夜襲悟室營不克反爲所敗會丁進失期陳思恭先遁世忠被矢如棘力戰得免還汴詰一軍之先退者皆斬左右懼進由是與世忠有隙尋以叛誅召世忠還授鄆延路副總管加平寇左將軍屯淮陽會山東兵拒敵粘罕聞世忠扼淮陽乃分兵萬人趨揚州自以大軍迎世忠戰世忠不敵

夜引歸敵驛之軍潰于沐陽關門宜贊舍人張遇死之三年帝召諸將議移蹕張俊辛企宗請往湖南世忠曰淮浙富饒今根本地詎可舍而之他人心懷疑一有退避則不逞者思亂重湖閩嶺之遙安保道路無變乎淮江當留兵爲守車駕當分兵爲衛約十萬人分半扈江淮上下止餘五萬可保防守無患乎在陽城收合散亡得數千人聞帝如錢塘卽繇海道赴行在苗傅劉正彥反張浚等在平江議討亂知世忠至更相慶慰張俊喜躍不自持世忠得俊書大慟舉酒酹神曰誓不與此賊共戴天士卒皆奮見浚曰今日大事世忠願與張俊身任之公無憂欲卽進兵浚曰投鼠忌器事不可急急則恐有不測已遣馮輅甘言誘賊矣三月戊戌以所部發平江張俊慮世忠兵少以劉寶兵二千借之舟行載甲士綿亘三十里至秀州稱病不行造雲梯治器械傳等始懼初傅正彥聞世忠來檄以其兵屯江陰世忠以好語報之且言所部殘零欲赴行在傅等大喜許之至矯制除世忠及張俊爲節度使皆不受時世忠妻梁氏及子亮爲傅所質防守嚴密朱勝非給傳曰今日太后遣二人慰撫世忠則平江諸人益安矣於是召梁氏入封安國夫人俾迓世忠速其勤王梁氏疾驅出城一日夜會世忠於秀州未幾明受詔至世忠曰吾知有建炎不知有明受斬其使取詔焚之進兵益急傳等大懼次臨平賊將苗翊馬柔吉負山阻河爲陣中流植鹿角梗行舟世忠合舟力戰張俊繼之劉光世又繼之軍少却世忠復舍馬操戈而前令將士曰今日當以死報國面不被數矢者皆斬於是士皆用命賊列神臂弩持滿以待世忠瞋目大呼挺刃突前賊辟易矢不及發遂敗傅正彥擁精兵二千開湧金門以遁世忠馳入帝步至宮門握世忠手慟哭曰中軍吳玠佐逆爲最尙留朕肘腋能先誅乎世忠卽謁淇握手與語折其中指戮于市又執賊謀主王世修以屬吏詔授武勝軍節度使御營左軍都統制請于帝曰賊擁精兵距甌閩甚邇儻成巢窟卒未可滅臣請討之於是爲江浙制置使自衢信追擊至漁梁驛與賊遇世忠步走挺戈而前賊望見咋曰此韓將軍也皆驚潰擒正彥及傅弟翊送行在傅亡建陽追禽之皆伏誅世忠初陞辭奏曰臣誓生獲賊爲社稷刷恥乞殿前二虎賁護俘來獻至是卒如其言帝手書忠勇二

字揭旗以賜授檢校少保武寧昭慶軍節度使兀朮將入侵帝召諸將問移蹕之地張俊辛企宗勸自鄂岳幸長沙世忠曰國家已失河北山東若又棄江淮更有何地於是世忠爲浙西制置使守鎮江旣而兀朮分道渡江諸屯皆敗世忠亦自鎮江退保江陰杜充以建康降敵兀朮自廣德破臨安帝如浙東世忠以前軍駐青龍鎮中軍駐江灣後軍駐海口俟敵歸邀擊之帝召至行在奏方留江上截金人歸師盡死一戰帝謂輔臣曰比呂頤浩在會稽嘗建此策世忠不謀而同賜親札聽其留會上元節就秀州張燈高會忽引兵趨鎮江及金兵至則世忠軍已先屯焦山寺金將李選降受之兀朮遣使通問約日大戰許之戰將十合梁夫人親執桴鼓金兵終不得渡盡歸所掠假道不聽請以名馬獻又不聽撻辣在維州遣李董太一趨淮東以援兀朮世忠與二酋相持黃天蕩者四十八日太一字董軍江北兀朮軍江南世忠以海艦進泊金山下預以鐵綆貫大鈎授驍健者明旦敵舟謀而前世忠分海舟爲兩道出其背每綆一綆則曳一舟沉之兀朮窮蹙求會語祈請甚哀世忠曰還我兩宮復我疆土則可以相全兀朮語塞又數日求再會言不遜世忠引弓射之亟馳去謂諸將曰南軍使船欲如使馬奈何募人獻破海舟策閩人王某者教其舟中載土平版鋪之穴船版以權槳風息則出江有風則勿出海舟無風不可動也又有獻謀者曰鑿大渠接江口則在世忠上流兀朮一夕潛鑿渠三十里且用方士計刑白馬剔婦人心自割其額祭天次日風止我軍帆弱不能運金人以小舟縱火矢下如雨孫世詢嚴允皆戰死敵得絕江遁去世忠收餘軍環鎮江初世忠謂敵至必登金山廟觀我虛實迺遣兵百人伏廟中百人伏岸游約聞鼓聲岸兵先入廟兵合擊之金人果五騎闖入廟兵喜先鼓而出僅得二人逸其三中有絳袍玉帶旣墜而復馳者詰之乃兀朮也是役也兀朮兵號十萬世忠僅八千餘人帝凡六賜札褒獎甚寵拜檢校少保武成感德軍節度使神武左軍都統制建安范汝爲反辛企宗等討捕未克賊勢愈熾以世忠爲福建江西荆湖宣撫副使世忠曰建居閩嶺上流賊沿流而下七郡皆血肉矣亟領步卒三萬水陸並進次劍潭賊焚橋世忠策馬先渡師遂濟賊盡塞要路拒王師世忠命諸